


1.37
N^o - 14



1007

~~Q.~~ 30
~~Q.~~ 135
























228175812



PETRI VELLEII
GVEVARAE AD LEGEM
primam Digestorum.
Libri VI.

B.

EIVSDEM
Ad titulum de officio Praesidis commentarij.
De diffinitione Doli mali, liber singularis.



Cum Priuilegio.
SALMANTICAE.
Excudebat Matthias Gastius.
Anno. 1569.

Esta tallado en

96

2.

EL REY.

POR quanto por parte de vos, el doctor don Pero Velez de Gueuara prior de la yglesia mayor de Seuilla, nos fue hecha relaciõ dixiendo que vos auades compuesto vn libro en derechos, partido en tres tratados: El primero sobre el principio de la ley primera, de justitia et iure: y el segundo sobre el titulo de officio presidij: y el tercero de Deli mall diffinitione, el qual queriades hazer imprimir, y nos pedistes y suplicastes vos di:ffemos licencia y facultad para que vos o quien vuestro poder ouiesse, y no otra persona alguna le podays hazer imprimir en estos nuestros reynos de Castilla, por el mas tiempo que fuessemos seruido, o como la nuestra merced fuesse, y nos acatandolo sobredicho, y que el dicho libro ha sido visto y examinado por los del nuestro cõsejo, y les ha parecido ser obra util y provechosa lo auemos tenido y tenemos por bien. Porende por la presente damos licẽcia y facultad a vos el dicho Doctor don Pero Velez de Gueuara, para que vos o la persona q̄ vuestro poder especial para ello ouiere, y no otra alguna puedan imprimir y vèder el dicho libro en estos nuestros reynos y señorios de Castilla, siendo primeramente assado por los del nuestro consejo, el precio porque se ha de vender cada volumen, y poniendose el traslado desta nuestra cedula con la dicha assa, al principio del dicho libro, por tiempo y espacio de diez años primeros siguientes q̄ corran y se quenten desde el dia de la fecha desta nuestra cedula en adelante: so pena que qualquier persona, o personas, que sin tener para ello vuestro poder lo imprimieren, o vendieren, o hizieren imprimir o vender, pierdan toda la impressiõ que hizieren y vendieren, y los moldes y aparejos dello, y mas incurra cada vno en pena de cinquenta mil maravedis por cada vez que lo contrario hizieren, la qual dicha pena, sea la tercia parte, para la persona que lo acusare, y la otra tercia parte para el juez que lo sentenciare, y la otra tercia parte para nuestra camara y fisco: y mandamos a los del nuestro cõsejo, y a otras qualesquier justicias de estos nuestros reynos que guarden y cumplan, y hagã guardar y cumplir esta nuestra cedula, y lo en ella contenido. Fecha en Madrid, a xij. dias del mes de Março, de mil y quinientos y sesenta y siete años.

To el Rey.

Por mandado de su Magestad.
Pedro de Hoyo.



O N Philippe por la gracia de Dios, Rey de Castilla, de Leon, de Aragon, de las dos Sicilias, de Hierusalen, de Navarra, de Granada, de Toledo, de Valencia, de Galicia, de Mallorca, de Seuilla, de Cerdeña, de Cordona, de Corcega de Murcia, de Jaen, de los Algarues, de Algezira, de Gibraltar, Duque de Milan, Conde de Flandres, y de Tirol, &c. Por quanto por parte de vos el Doctor don Pero Velez de Gueuara, prior de la yglesia mayor de Seuillanos fue fecha relacion, diziendo que vos auades compuesto un libro en derechos, partido en tres tratados. El primero, sobre el principio de la ley primera, de justicia & iure, y el segundo sobre el titulo de officio proffidia, y el tercero, de Doli mali diffinitione: el qual era vtil y prouechoso; y nos fue pedido y suplicado, vos mandasemos dar licencia, para lo poder imprimir, o que sobre ello proueyessemos, como la nuestra merced fuese, lo qual visto por los de nuestro cõsejo, y como en el dicho libro se hizo la diligencia, que la pragmatica por nos agora nueuamente fecha disponet: fue acordado, que deuiamos mandar dar esta nuestra carta para vos en la dicha razon, y nos tuuimoslo por bien. Por la qual vos damos licencia y facultad, para que por esta vez podays hazer imprimir el dicho libro, que de suso se haze mencion, sin q̃ por ello cayays ni incurrays en pena alguna, y mandamos, que despues de impresso no se pueda vender ni vendá, sin que primero se trayga al nuestro cõsejo, juntamente con el original que en el fue visto, que van rubricadas todas las hojas y firmado al fin del, de Iuan Fernandez de Herrera nuestro escriuano de camara, de los que residen en el nuestro cõsejo: para que se vea si la dicha impresion esta conforme al original, y se os de licencia, para lo poder vender, y se tasse el precio, a que se quiere de vender cada volumen: lo pena de caer e incurrijen las penas contenidas en la dicha pragmatica y leyes de nuestros reynos: y no fagades ende al. Dada en la villa de Madrid, a tres dias del mes de Março, de mil y quientos y sefenta y siete años.

El Licenciado Diego
de Espinosa.

El Licenciado
Menchaca.

El Doctor
Durango.

El Licenciado
Pero Gago.

El Licenciado
Fuen Mayor.

El Licenciado
Iuan Capata.

Yo Iuan Fernandez de Herrera, escriuano de camara de su Magestad, la fize escriuir por su mandado, con acuerdo de los del su cõsejo.

1577. 33. 6. 2.

1577. 33. 6. 2.

LVDOVIGVS GAESAR IV.

ris studiosus, de optimo genere iuris interpretandi,

Ad Lectorem.

NON dubito sanè plurimos futuros (curiose lector) qui vel audaciam meam reprehendant, vel temeritatē crimentur, quòd cum ingenio nihil valeam, & studia iuris prudentia leuiter attigerim, illud mihi de me ipso polliceri audeam, ut in tanta scriptorum varietate, ac infinita penè multitudine, facturum me certum de singulis iudicium, & optimam iuris interpretandi rationem cōstituturum esse arbitrer. Sed cum ego tam parum mihi tribuam, quàm quod non debeat ullus alius, licet inuitus denegare, & animum meum non induxerim, ut parem operi me tanto confidenter existimem, nec aliquibus eorum calumnijs, aut maledictis perturbari, nec ab eo proposito dimoueri potero, quo si minus fortasse studiosis profuero, meam saltem in eos voluntatem testatam apud omnes relinquã. Non enim auribus meis ita blandior, ut audire, fateri uepigeat, reperiri non paucos, qui cum longo docendi usu, & eximia iuris cognitione

gnitione maximum nomen cōparauerint, & æternam pro felicissimis laboribus posteritatis memoriam mereantur, suscepti à me muneris partes melius obijissent, & huiusmodi studium ingredientibus facilem viam demonstrassent, quam si semel institutum tenere pergerent, aberrare nullo modo possent. Verum nescio quo malo Reipub. literaria fato accidisse dicam, ut cum grauissima de iuris interpretibus controuersia magnorum virorum iudicia multos iam annos exercuerit, nullus adhuc è nostris extiterit, qui suam authoritatem interponeret, qua veterem tandem contentionem dirimeret, ne si esset ad longius duratura tempus, expectatos noua iuuentutis in literis progressus interim posset remorari. Cum autem hoc in dies magis singulos antè meos oculos obuersaretur, & viderem sapientissimos homines (quales habet hæc Salmanticensis Academia plurimos) siue curis grauioribus obstrictos maiora moliri, siue partium non id esse suarum diuturno silentio declarare, opportunam scribendi nactus occasionem tale cepi consilium, ut de re, qua per summam pertinaciam fatis esset iam multis agitata clamoribus, dicerem ea, qua sentirem. Quo igitur

tur alius ordiamur, & ab Edicto Iustiniani de confirmatione Digestorum repetamus initium, prasagiebat iam inde animus Imperatoris futurum, ut si verbosissimulorum commentarijs ad leges Populi Romani, vel minimus aditus pateret, et suas de illis opiniones cuius liceret divulgare, maiori multo, quam antea, confusione misceretur, qua dedecus aliquod perpetuum esset eis dem allatura. Quod cum ille de statu rerum futurarum, utilitateq; publica sollicitus singulari prudentia prouideret, & prateriti temporis recordatus licentiam vereri capisset, ne tanta voluminum mole civile ius obrueretur, quanta quondam Pratoris Edictum ex omni parte premebatur, lata lege sanciuir, ut nullus aliquas in posterum interpretationes legum faceret, sed aut titulorum breuissimè, qui uellet, argumenta perstringeret, aut in Gracum, si mallet, illas ita conuerteret, ut uerbum pro uerbo redderetur. Si qui non obtemperassent, contraue legem commississent, falsitatis reos appellari uoluit, & in tenebris iussit sempiternis libros ipsorum sepeliri. Cuius equidem promulgationes anta mentibus hominum est iniecta religio, ut diu omnes in officio cõtinentissimè permãserint,

nec tam proferunt illius memoretur, qui Iustinia
ni voluntati non paruerit, & antiquius esse nō pu
tauerit, iustissimis eius praeceptis non repugnanter
obedire, quam aliquam nominis celebritatem edi
tione librorum aucupari. Procedente tamen dein
de tēpore (tamen si de auctore satis nō conueniat)
Basilij Macedonis industria, aut Constatini Por
phyrogeneta diligentia, aut Leonis philosophi con
silia, aut cōmunibus magis eorum auspicijs in publi
cum Basilicus prodiiit, qui doctrinā iuris uniuersi
sexaginta libris ita continebat, ut obsoletis iam le
gibus explosis, et nouis insuper aliquot adiectis, quae
per diuersa nimis loca de rebus eisdē Iustinianus
disperserat, sub uno simul aspectu distributione
certa ponerentur. Verū illud affirmare nō ausim,
abrogata nē prius cōstitutione Iustiniiani, an scien
tibus id, atq; uolētibus ipsis imperatoribus, tot eru
dit postea Modestini, Calocryi, Theolelai, Leq
nes, Isidori, Callistrati, Theophili, Doxapatres,
& Eudoxij Basilicum scholys illustrauerint, ab
ditissimaeq; iuris mysteria, cōmentarijs suis aperue
rint. Eruantur utinā ex obscura caligine iam eo
rum opera, nec in noctis distius umbra iaceāt, sed
clarissimam hanc lucem studiorum aspiciant, &

quasi longam per se servitutem postliminio bre-
vi revertantur. Antiquissimos itaque iuris interpre-
tes Gracos apparere existisse, quorum tenues aliquas
reliquias, & illas quidem inter mortuas, doctorum
hominum asslatu paulatim videmus suscitari, nec
desperandum erit fore, ut qui per temporum vim,
& iniuriam, e manibus fuerant studiosorum erepti,
non mutili iam eisdem, sed integri, propediem re-
stituuntur. Haud paucis etiam post annis iuri se se
civilis Latini dederunt, et pacatis rebus. Itaque, qua
continuis Longobardorum & aliarum gentium incur-
sionibus ante vexabatur, Justiniani legibus addi-
scendis operam suam, atque studium diligentissime
navarunt. Caterum primus inter omnes, imperan-
te Friderico Aenobarbo, non exigua iuris pruden-
tialaude celebratus Frnerius constituitos a Justinia-
no terminos suo loco movit, & dum omnibus illis gra-
tificaretur, qui civili disciplina se iam totos addi-
xerant, sine legitimos transgressus, faciem quan-
dam locis obscurioribus expositione sua prae tulit, &
epitomen Nouellarum composuit; ut varij se eas fa-
cilius (quando ratio rerum postularer) Codicis
titulis infereret. Tantam vero Iurisconsultorum
copiam atque illa prior repente profudit, ut in ea

postmodũ multos *Hagulinos, Bosianos, Bulgaros,*
et Martinos inuenias, nec Columbos, Barnerios,
Rillianos, et Fasolos disideres, plures quoq, Plá-
centinos, Aldericos, Azones, et Rosfredos enume-
res, qui vel iura solum publicè professi non vulga-
rem eruditionis opinionem de se concitarunt, vel
relictis insignibus literarum monumentis memo-
riam sui non ingrati posteris suis prodiderunt.
Hos omnes deinceps insequutus Accursius, perpe-
tuas ad ius ciuile notas ea cura perscripsit, ut qui
libris usus aliorum bonam operis partem cõcinná-
uerat, et ex lucubrationibus alienis, vel clam, vel
precario multa sumpserat, splendori maiorum suo-
rum desissimas nebulas offuderit, et nominis sui
claritate famam eorum obscurauerit. Cui profe-
ctò postea reliqui scriptores tantum honoris detu-
lerunt, ut in ipsius uerba singuli ex animi sententia
iurasse uideantur, et inuestigys eius odorandis ha-
beri uelint sagacissimi, nec quoquã pedem ille con-
uertat, quò pariter ipsi non accurrant. Postquam
autem feliciora nobis illuxere iam secula, qua po-
litiõribus literis ornatos Iurisconsultos attulerunt,
non defuere quidam inter eos, qui miserimũ exi-
stimantes Accursij nutum semper intueri, quos
ut homines

ut homines servilis conditionis, & arbitrio suo penitus carentes, probroso cognomine notare voluerunt, Accursianos nuncuparunt. Non tamen satis illis fuit, hac eos nota compunxisse, nisi libros etiam ipsorum ita deriderent, ut persuadere cunctis niterentur, ne sibi tales imitandos auctor es proponerent, quos cum tanta temporis iactura ne legendos quidem iudicarent. Bonarum etenim artium atque linguarum imperitos, & latinè potissimum omnino nescientes, iurisprudentum veterum oracula, summa quadam orationis elegantia, proprietateque verborum edita, interpretari posse negaverunt. Quòd si de illa solum iuris interpretatione loquantur, qua numeros omnes in se habeat, & nihil in ea criticus requirat, si boni neminem & aequi cumulatam notitiam habiturum intelligant, qui non se prius liberalibus disciplinis imbuerit, & vim ita latini sermonis, & naturam cognoverit, ut illorum omnium responsorum, quibus ea tota continetur, momenta leuissima perpendat, non erit cur eis non assentiar: cum his ornamentis denudata civilis prudentia, barbara potius, & inculta, quàm politica debeat iudicari. Verùm ego me hercule non video, cur ab

eis ad exactissimam normam Iuris consulti dirigatur, aut libros aliorum tam morose fastidiant, ut legendi molestiam deorare non possint, si quadam non insit in dictione suauitas, nec aures eorum delicatationis numerus demulceat, cum rerum sciant humanarum conditionem non pati, in omnibus aliquem artibus pariter excellere, et virum eruditionis consummatam cogitatione magis fingere, quam oculis liceat intueri. Quid enim est, cur admireretur quod in prima velut aetate constituta iurisperita balbutiret, et adhuc in cunis infantula minus articulata loqueretur? Aut quid suos ita grauius maiores reprehendant, quod magnis temporum difficultatibus afflicti, et ab omni studio literarum in varias curas et cogitationes distracti, disertiores non fuerint, et in tanta vita perturbatione dicendi arte non praestiterint? Honestius utique fecissent si durioris illius seculi calamitatibus condolerent, quam barbari eius vili contumeliosius exprobraret. Vereor namque, ne si conuerso rerum ordine in tempus illud incidissent, infantiores illis multo fuisse nobis viderentur. Quis praeterea tam erit effrenatus, qui maledicendi licentiam non comprimat, cum animaduertit, quantum illis antiquis
patribus

patribus poſteri omnes debeamus, quòd cū triſtiſſimum iuſtitium turbulenti bellorum tumultus in longiſſimos annos indixiſſent, intermiſſa ſtudia reuocauerint, iacēt em legum diſciplinam erexerint, & ad laudem ipſius cōparandam exemplo nos ſuo cōcitrauerint? An propterea ſummis illos ingenijs natos eſſe negabimus, quòd ornata parum eorum ſit oratio, licet ad ſenſus Jurisconſultorū abſcōditos, et penitus abſtruſos penetrauerint? An verò magis hoc eorū acumē cōmēdat, cūm aliter eò peruenire non poſſent, niſi vitium illud lingua perſpicaci iudicio compenſaſſent? Nunquid ſunt in iure ciuili omnia in tanta verborum controuerſia poſita, vt qui vires eorum ignorauerit, à publicis meritò gymnaſijs cum dedecore procul repellatur? Ita ne tandem antiquitatis cognitionē ſingula deſiderāt, vt qui rerum non vltimam memoriā prateritarū recordetur aditu debeat Pandeſtarum ea ſola de cauſa prohiberi? An nō ita multa ſunt huiusmodi, ſed pauca quadā, & illa quidem talia, quæ vel ex his eiſdem libris ferè poſſunt intelligi, vel ſciētia legum ſine illis vndiq; ſolida conſiſtat? Nō diſſimilem temporum habet excuſationem quod eiſdem de non ſeruata methodo docendi iuris obiecerunt.

Cum

Cum enim artes vniuersa miserabili casu cōcidissent, & de pristina sua dignitatis fastigio grauis eas ruina deturbasset, Dialectica etiā simul corruit, qua tractandarum rerum ordinē ceteris omnibus prescribit: nec tamen id eorum culpa, sed atque tū videtur illius accidisse. Quin etiā bonā eius partē Tribonianus sustinuit, qui cū prudentia veteris volumina mēbratim discerperet, et ex pluribus vnum quasi corpus componeret, paucissima suo loco posuit, seriem rerum perturbauit, disiuncta maxime permiscuit, colligata dissoluit, & aliud cum alio tam malē cōiunxit, ut quod erat ad caput affigendum, in pedes interdum mōstrosē reiecerit. Poterunt etiam eo crimine summo iure (ni fallor) liberari, quòd de generibus non semper vniuersis, sed de minimis rebus sigillatim plerunq; disputetur, quae cū infinito multiplicata sint numero, coaceruari quidem omnes sine discrimine facilius, quàm vel vlla quae cēt certa lege disponi, vel aliqua methodi ratione comprehendi. Ex hac autem confusa varietate, & rerum difficili multarum ad distinguendum similitudine, dandam quibus nostris interpretibus veniam iudicabit, si qua suapte sunt natura nimis complicata, nō satis euoluerint, si multiplicis, & latissime

Et latissimè patentis disputationis ordinè peruerte
rint, si quadam non parum necessaria properantes
omiserint, si cùm in diuersas eiusdè sententiæ san-
ctiones incurrerent, nec varijs solummodò tempo-
ribus, sed etiam locis inseruirent, eadem sapius in-
culcauerint, Et in iuris sacrebris harètes aliena non
nunquam à proposito disceptationibus intulerint.
Quãobrem liberius iam in eos, sicut in nugatores
insultantes, prestigiarum illos crimine postremùm
accerunt, Et eo nomine grauiter accusant, quòd
sophisticis quibusdam argutijs inueteratas multo-
rum opiniones euertendas putauerint, ut iustitiæ
vanis imaginibus, et inanibus umbris æquitatis a-
dolescentum oculis illuderent, Et imperita multitu-
dini fallacissimè se se venditarent, intentissima vo-
ce personantes, quòd omnibus esset inauditum, Et
in mentè alicui non venisset. Induci tamen ad cre-
dendũ ego minimè potero, tã deprauatis aliquem
eorum extitisse moribus, aut gloriola cupidum
presentis, duraturam diutius apud posteros fa-
mam tam leuem existimasse, ut obuiam ire ve-
ritati scienter maluerit, quàm dogmatibus alio-
rũ acquiescere, vel ineptias suas potius, fucò quo-
dam illitas puerili, ludibrio temporũ exponere, quã
in falsis

in falsis sententijs refutandis (quas probabiliores esse veris interdum experimur) ingenij vires ostentare. Quòd si hominum inter se de rebus omnibus adeò discrepant iudicia, & tam admirabiles apparent animorũ dissimilitudines, ut alteri nullus omnino consentiat, cur non hãc opinionum repugnantiam ad humanam naturam libentius referemus, quàm eorum petulãtia tribuamus, qui sine studio contradicendi (quantum de iustitiæ sacerdotibus iudicare possumus) quid esset verius indagãtes, negotium sibi cõmendatum fidelissimè procurarunt? Nũquid hominis ingenui non tam esse videbitur, à cõmunibus toties institutis discedere, quoties efficacax illud ratio persuaferit, quàm illiberalis, & captiuus, tãtum auctoritate cõmoueri, ut quod iusto sacramento falsum esse contenderes, id ipsum inuita Minerva verissimũ debeas affirmare. Illis ne vocibus grauis simè libera non aures offenduntur, cum aliquid verius esse audiunt, sed in iudicijs & consultacionibus quod falsius sit esse probandũ? Num qui similes quasdam alias disputando non semel excitarunt, nouarum interpretationũ amãtissimi, an veterum contrã sectatores habebuntur miserrimi, quòd veris receptas prætulerunt? at qui

·eas huius classis auctores, quae tanti sine culpa maleficij contraxit infamiam, ita frequenter usurpant, ut si reos ipsos peregissent, quod in maximis aliorum erroribus nimium commuerent, & capitibus obuolutis praecuntium gressus sequerentur, habiturus fortasse non fuisset, quid illis ad ea responderem. Verum hoc eo sanè non dixerim, quia vulgaribus praeceptis eruditorum consensu confirmatis, in causis praesertim controuersis, adhaerendum semper esse non censeam. sed quod suis laboribus plerumq; tantopere diffidant, ut si cunctis aliquid suffragijs approbatum inuenerint, non eis solum aperte refragari, sed ne hiscere quidem audeant. Quin eadem illa iniustus actione, cum his Jurisconsultis iunioribus antiqui possent experiri, ne contra eos dicam obtinere, cum nouis rebus maxime studentes, tam diuersam ab omnibus sectam sint secuti, ut non unam eandem cum ceteris, sed dissimilem aliam profiteri iurisprudentiam uideantur. Nec ideo tamen (si me aliquis audiat) conatus eorum paruipendere, sed magni debemus aestimare, quod spinas in iure civili barbarie temporum enatas conuellendas curauerint, & faciem eius haecenus deformem, quam adumbratam solum uideba-

mus, nitore suo restituerint, & viuis coloribus expresserint. Quod enim illius nascentis initia, & semina prima legū antiquarum, obliuione vetustatis obruta in nostrum aspectum protulerūt, & fontes nonnunquā rerum intuentes diductos nobis inde riuulos certius multo demonstrarunt, quod ad causas maioribus incognitas in ipsis principijs latitantes, digitos suos intenderūt, vel ingenijs longius prospicietes opinionibus nouis abundarunt, vix erit vt non semper illi gratias immortales habeamus. Nam illud quidem genus hominum (vt leuissimè dicam) ferendum non arbitror, qui literarias aliorum possessiones latenter inuadunt, imò luce palàm, & in oculis omnium impudenter diripiunt: qui plumis furtiuis exornati procedunt in publicum, & libros alienos compilantes, multas paginas implent, cum tamen de suo nihil afferant: qui brocardicis (vt appellant) se se nimis ingurgitant, & importunè multa blaterant: qui praese ceteros homines non putant & interpretes omnes superasse magnificè se iactant; si qua fuerunt à veteribus in vno loco posita, in alium minus idoneum, licet inuita, transtulerunt. Nec eos insuper omittam, qui tantum temporis & opera recensendis

recensendis nominibus authorum impertiunt; ut laboris & diligentia ferè nihil in aliam rem insumant, & illi se cura totos mancipent: qui nihil esse magis gloriosum existimant, quàm alicuius uti testimonio, quem de nomine reliqui non nouerint, siue (quod ego valde suspicor) ut caudicum formularium, & imperitum leguleium, vel ineptum rabulam contempserint. Tam alienum enim à Iurisconsultorum instituto, quos habere pra oculis nos deceat, id fuisse considero, ut in causis quibuslibet contentione plenissimis, unum aut alterum laudauerint, nec locos omnes aliorum, quibus partes easdem defenderunt, diligenter excusserint: quasi veritas non auctoritatibus, sed rationibus esset exquirenda. Ne videar tamen hoc alicui nimis ad viuum refecare, non negauerim iuris interpretibus, ut quod acceperint ab aliquo, debere se potius illi fateantur, quàm silentio turpissimo dissimulent: modo non in hanc curam potissimum incumbant, sed vim prius & legum potestatem tota mente percipiant, & nervos suos omnes in hoc uno contendant, in quo quidem solum magni Papiniani, Scauola, Pauli laborarunt. Verùm esto,

demus antiquioribus, ut aliquã laudem cõsequã-
tur, quod plures undiq, testes conclusionum suarũ
colligentes, in multiplici saltem, & assidua se lectio-
ne librorum occupatos ostenderint. Num eadem,
obsecro, fraudari nos indignè putabimus, quibus
indices locupletissimi, quos domus amplissima vix
capiat, turbam eorum non exiguam momento tẽ-
poris suppeditant? Ego sanè (si verũ fatear) nihil
esse arbitror cur molestè feramus. Unde fit ut illis
iam omnibus scribendi occasionem sublatã intelli-
gã, qui tam inertis velint diligẽtia vulgi rumuscu-
los venari, cum gloria nobis segetem uberrimã ci-
uilia studia proposuerint, quã acutis ingenij simul
& iudicij falsibus hodie demetamus. Habesigitur
(lector optime) iam expositas causas, quibus anti-
quis iuniores succenseant, & cõuitijs eos prosequã-
tur: illas modo, si placet, videamus, ob quas hi quo-
que male audiãt, & impositas veteribus iniurias,
aut alias etiam grauiorẽs ab illorum imitatoribus
cogantur alterna vice sustinere. Cum enim ani-
maduenterent flosculis eos orationis, & ornatu di-
cendi deliniri, & iniquo animo paterentur iuris ci-
uilibus cognitionem in tantas compelli verborum an-
gustias, & ad angulos literarũ renocari, ne cogno-

minis eius viderentur immemores, quod ab Ac-
 cursio, quem ducē insequuntur, nō parūm (ut pu-
 tāt) honorificū traxerūt, neue non mutuā illis gra-
 tiā cumulatiſſimē referrent, quasi nomine Iuris-
 cōſultorū indignos, grāmaticos appellarunt. Quā
 uis autem suis illum laboribus finē proposuissent,
 & omnes eorum cogitationes in eo duntaxat vigi-
 lassent, ut multis distincta margaritis, & splendo-
 re verborum illustrata niteret oratio, quae non ad
 aliquam ciuiliſ philosophiae vel minimam partem
 pertineret, non ideo tamen ego tam sordido voca-
 bulo, sed honestiori quodam alio, Rhetores ipsos
 nominarem. Sin collapsam olim legum maiestatem,
 admirabili dignitate sermonis hodierno iā die con-
 stitutam, eorum beneficio retinemus, abesse non po-
 terit, quin aut palam illos Jurisconsultos, aut Iulia-
 num, Marcellum, & Pomponium nuncupemus
 grammaticos, quod barbarē nihil pertractarunt,
 sed ornatē de rebus omnibus, eleganter, & latine
 scripserūt. Quid? tam alienamne aliquis à Juris-
 consultis iudicabit grammaticam, ut turpe putet
 illam didicisse, qui legerit Antistium Labeonem
 ea maximē vsū, cum difficiles nodos expediret,
 latinarumq; vocū originibus cognitis, et rationibus

earum exploratis, plerasq; iuris quaestiones, pluribus laqueis irretitas feliciter satis extricasse? Neget ne ullus eloquentiam iurisperitis esse necessariam, qui P. Crassum, illum diuitem, viderit multum commendari, quod P. Scauola fratri solutus sit per sepe dicere, nequaquam eum in iure civili, satis illi arti facere posse, nisi dicendi copiam assumpsisset? Mirarer utiq; magnopere si non eruditione latina vehementer offenderentur, cum eos dem pariter homines vituperent, quod ad iuris civilis disciplinam, Dialecticam addiderunt. Quam sane si (quod grauius patiar) cum Epicuro contemnāt, & in ea diutius opinione permaneant, illa saltem, quae docuerint, velle videbuntur, ut arte nulla distinguantur. Verum Ser. quidem ille Sulpitius eorū errorē facile redarguet, quē nō modo ceteris magnis Iurisconsultis, sed & Q. Scauola pontifici Ciceronis iudicium anteposuit, quia magnus tantum apud alios iuris vsus fuisset, & artem hic solus esset consequutus: quod scientia iuris proculdubio nunquam effecisset, si Dialecticam cum ea vinculo nullo copulasset. Nec si scioli quidam, & garruli sophista toto foro volitent, & elenchis quibusdam captiosis ignorantes decipiant, Dialectica

*lectica culpam conqueremur, qua fallaces potius euitare conclusiunculas doceat, quam leuibus illis, & vanis argumentis ueritati resistere: nisi pariter omnes disciplinas, & in primis iurisprudētiam reprehendendā censeamus, quod ea plures abutantur. Omissis ergo iam criminibus, qua pudeat reos inficiari, quod meritō de illis glorientur, ad illud demum uentamus, quod eius accusationis, quam intendunt, capite tertio continetur: Auctoritatem enim a-
 runt iuris sacrosanctam, uolentis eorum, & impuris manibus magis quotidie uolari, dum singulis legibus ad libitum uel addunt aliquid, uel detrahunt, plurima mutant, & inuertunt, integras crudelissimē sententias suis interpunctio-
 nibus dilacerant, atque fide passim (nisi mauis perfidia) ueterum librorum, editionem uulgarem penitus corrumpunt. In quot amen (ut uno uerbo agam) nec illis assentior, qui nihil in iuris ciuilibus uolumina multorum ignorantia, seu temporum temeritati licuisse credentes, impressorum se codicum religione liberare non possunt, quasi nihil absit, uel super sit: nec illis item obsequor, qui leuissimis sapientis coniecturis, à communibus exempla-
 ribus*

ribus discedunt: cum & illud superstitionis, & audacia sit hoc & confidentia. Sed si suppetat vlla firma ratio, qua locum aliquem mēdosum legendum aliter admoneat, si verba satis non cohaereant, nec certus ex illis sensus aliquis constet, quem aequitas ipsa non repellat, & lapsum facilem librarij, vel ex similitudine dictionum, vel ex alia probabili causa possit vllus ostendere, laudabo primus hominis ingenium, sicut & illos reprehendam, qui ne se aliquid nescire fateantur, typographi vicio suā inscientiam ineptissimè solent excusare. Verumtamen illud ego vnum ab his interpretibus desidero, quod eò minus in eis esset requirendum, quò facilius prestare potuissent. Nā cum ab alijs dissidentes aliquam nouam opinionem animis nostris intulerūt, ego maximè vellem, ut errorem antè omnia nobis penitus insitum, ratione conuellerent, & eius radices extirparent, ne veritas vepribus, & spinis suffocata paruum effloresceret, & vel ex ea nullos fructus, vel tenues & exiles caperemus. Utuntur etenim antiqui Iuriscōsultorum testimonijs, cum quid constanter asseuerant, & eorum responsis se iuentur, quae si non perperam intelligant, iure non possunt reprehendi: sin illa quandoq, non percipiāt,

*sine censoria prateriri notatione nõ debent, ut à ve
 ri contēplatione, nec eorū argumentationibus, nec
 auctoritate distrahamur.* αἰγὰρ τῶν ἰσχυρίων ἀποδείξις, (ut
Aristoteles est auctor) ἀποδείξις τῶν ἰσχυρίων, ἀμὰ δὲ τοῦ
 μάλιστα ἀπὸ τῶν πικρῶν τὰ μάλιστα διχρήσιμα, προσηκείοντα τὰ τῶν ἀμφοτεροτέρων
 λόγῳ δικαιώματα. *Contrariarū enim, inquit, opinionum
 argumenta, dubitationem afferunt contrarijs. Illis
 prater ea, qua dicentur, multo maiorem fidem ad-
 hibebunt, qui prius audierint attētē, qua causa po-
 tissimum aequitate nitantur, illi qui nobis obloquun-
 tur. His ille multum persuasus, cum de primis agit
 natura principijs, & motum, tempus, infinitum, at-
 que locum definit, cum ortum, & interitum mun-
 di mira disputatione perscrutatur, & primā ex-
 quirat rerū causam, ab hominum sensu remotissi-
 mam, Parmenidem expendit & Melissum, Ana-
 xagoram, & Democritum notat, Hermotimum,
 Hipponem, & Heraclitū arguit, Diogenem, Tha-
 letem, & Hesiodum libenter auscultat, Leucippū,
 Anaximādrum, & Pythagorā audire nõ graua-
 tur, Cratillum, Alcmaonem, & Hippasum aequis
 auribus percipit, Empedoclem, Timaeum, & Xeno-
 phanem differentes admittit, Platonem & Socra-
 tem diligenter attendit, & plures item alios nomi-*

natim insimulat, quos facile possemus numerare.
 Cuius equidem exemplo non infcitè nos philoſophi-
 bimur, si primũ, quæ veteres authores inuenerint,
 proferamus in medium, ἴσως τὰ μὲν (ut ille ait) κείνους
 καλῶς δεῖξομαι, εἰ δὲ μάλιστα καλῶς τοῦτ' ἰδύσθησθε. ut ea, inquam,
 amplectamur, qua dixerint sapienter, si quid verò
 non item, hoc ipsum caueamus. οἱ μὲν γὰρ (ut alibi
 testatur) χάρις ἔχει δίκαιον τούτων ὅτι ἄν τις καταθέσται τὰς δόξαι,
 ἀλλὰ τὰς τοῦ ἐπιεικτοῦ καί τινος ἀποφρακτικαίαις, καὶ γὰρ οἷτοι συμβάλλουσιν
 τὸ γὰρ ἔχει κρείττονος ἡμῶν. non solum enim, ait, his habenda
 sunt gratia, quorũ quis opinionibus consenserit,
 verũ illis itidem, qui aliquid, quãuis leuiter probabile
 enũtiarũt. Nã et hi nos in eo adiuuãt, quod
 ingenium nostrũ acuerunt. Cum multos prater ea
 grauiſſimos philoſophos in vaniſſimis ſomnijs enar-
 randis, maximè verò refellendis, nõ parũ cõstet cõ-
 morari, nec minus summos Juriscõsultos, aliorum
 per sapè confutare sententiãs, in ciuilibus libris obser-
 uemus, arrogantia suspicionẽ non vitabimus, si nos
 eã curã negligamus, Ἔσ' ad eò nostra nobis placeant,
 ut ἔσ' aliena cuncta sordeant; ἔσ' illos, quos nõdum
 audiuimus indiẽta causa condẽnemus. Quare (le-
 Etor) si tam bono sis animo, ἔσ' ita natura cõparatos,
 ut humiles nunquã in te cogitationes patiat ur obre-
 pere,

perere, sed te te tollas altius, & rerum fastigia conse-
teris, si laudibus iuris prudentia non mercenaria de-
lectaris, & ad primos honores consequendos aspi-
ras, quod in utrisque iuris interpretibus videbitur
optimus aptissime coniunges, & ab alijs alia mutua-
beris, ut si quid in antiquorum desideres doctrina,
quod assequi difficillimis temporibus librorum penu-
ria nequiverunt, novis ipse suppleas iuniorum inveni-
tis: quod autem his deesse senseris, ab illis petas, quo-
rum occasione consulto fortassis omiserunt. Quod
si multos tui non dissimiles liceat nobis reperire, qui
barbariem nimis execrentur, atque magno bonas
omnes literas amore complectantur, qui sordi-
dam exuant veterum lacernam, & purpuram in-
duant aliorum, nec ullam se iam excusationem
habitueros hac aetate considerent, si non emenda-
tate loqui caperint, non dubito quin brevi Py-
thagoricam adversus invidiosos videamus, & plures inter
nos Iabolenos, Caios, Celsos, Ulpianos, iterum na-
tos admiremur, aut interpretum, quot quot extite-
runt, luminibus saltem obstruamus. Sed ne quid
a me tandem iure tuo postules, ne quid sit am-
plius quod expectes, ecce tibi quod semper imite-
ris, D. Petri Velleij Guenara rarissimum exem-
plum,

plis, qui ex editissima eruditionis suae arce magnū
signum sustulit, ut de tota republica literaria, praesertimq; de iurisprudētia, quā optimē singuli speremus. In his et enim ipsius cōmentarijs magna quaedam nos recreat sermonis elegantia, delectant antiquitatis documenta, methodus inuitat ad legendum, animum reficit varietas, pungunt aculei disputationum, rapit ad se grauitas iudicij, singularis ingenij vis exsuscitat, Et tam multiplex rerum elucet cognitio, ut nō artis angustiis alicuius terminis, sed immēsis omnium disciplinarum sinibus, vnius hominis eximia contineri doctrina videatur. Nō possum non hic apertissimum dicendi campum intueri, nec etiam laudum tanti viri latissima spacia nō mirari, per quas sanē libēter exultaret, atq; laxis habenis vagaretur oratio, si vel id huius instituti, vel amicitiae nostrae ratio pateretur, nec ille suis iam virtutibus esset omnibus notior, quā laudatione mea sit futurus. Longissimum enim esset persequi quantis literarū ornamentis generis sui claritatem magis illustrauerit, quantis animi dotibus excellat, quā in omnibus rebus se se gerat prudenter, quā ta pariter humanitate multorum animos cōciliet, cum grandiora sint haec omnia, quā quae possint dicendo

dicendo comprehendī, vel amicum exposcant lau-
datorem. Verū illud futurum affirmabo, si sese
diutius in perennibus studijs suis continuerit, nec
amplissimus vllus magistratus (cuius certè iam o-
lim fuit ille dignissimus) vtriusq; iuris candida-
tis talem virum inuiderit, & ab ocio literario ad
negocia publica cōuert erit, ut libris pluribus, quos
parat, iurisprudentiam lo. upletet, & ab antiquis
exterorum iniurijs Hispanorum vindicet eruditio-
nem. Interim tamen humanissimè lector, his homi-
nis sapientissimi laboribus felicissimè frueri. Vale
Salmantica Kal. Augusti. 1569.

1569

1569

1569

1569

1569

1569

1569

1569

1569

1569

1569

1569

1569

1569

1569

1569

1569

1569

1569

ILLVSTRISSIMO PRÆSIDI,
atque illustribus supremæ curiæ Senatori-
bus, Petrus Velleius Gueuara, Fer-
dinandi Senatoris
filius. S.

BONINE an mali plus afferat hominibus copia librorū, ac de varijs artibus multiplex, variaq; scriptio, sæpe ego met mecum & multum cogitavi. Nam vt opinionum inconstantiam, mutabilitatem sententiarum, flexiloquum disputandi genus quorundam iuris interpretum prætermittam, cum procellas religionis, turbine, & tempestates pacis, & ocij Christiani, & piarum mentium, veteres ex literarum monumentis, nouas animo calamitates colligo, potissimam video per eos, quorū de scriptis magna esset opinio multitudinis, inuectam esse partem incomodorum. Illi enim ad vitæ commoditatem, iucunditatemq;, ad facultates rerum & copias omnia referentes, omnes dolos, fallaciasq; quibus lites possint intendi, mira auiditate & discunt, & in scriptis relinquunt. Hi verò siue falsa vtilitatis specie ducti, siue miserrima ambitione, cupiditateq; honorum, siue deprauatione potius & fæditate turpificati animi, omnia infima summis paria faciunt, turbant, miscent. Ex quo libris mundum referferunt, inanis quidem vocis sono decoratis, vt occultius si possint, nobis involubilitate verborum, tanquam in mullso venenum dent. Cùm autem imbecillitatem, fragilitatemq; memoriæ, atq; ingenij humani, infinitatem rerum atq; naturæ, & causarum penè omnium obscuritatem considero: non ego Alcæonem, aut Anaxagoræ, quos primos Clemens Alexandrinus scriptos libros edidisse

edidisse refert, inuentū hoc fuisse mihi persuadeo, sed Dei optimi donum, qui diuina illa præcepta, digito suo tabulis quàm optimè inscalpens, quasi manu sua manus superimposita, hominum generi hos insindere fulcos monstrauit. Atq; ita edocuit, quicumq; se natos ad iuuaDOS homines arbitrati sunt, summa ope sunt nisi, eos ex ignorantia tenebris in literarum lucem vocare. Cùmq; illis minori curæ non fuerit, qualis orbis post eorum mortem futurus esset, quàm qualis tunc esset: vt solent parentes morituri, quæ fugienda, sequendæue norunt, admonere liberos: sic ipsi quæcunque maioribus vigilijs, magnoque labore consequuti sunt, ea, quasi consignata stabulis, ad posteros transmiserunt editis libris, quorum dici vix potest, quanta vis sit ad animos commouendos. Quamobrem iam inde ab initio, cùm non de terminis, sed de religione ipsa, intergentes, Christianosq; accerrima contentio esset, in hac arce præsidia suæ defensionis vtrique constituerunt. Nam & tunc quoque libros hæreticorum habere, crimen à nostris esse habitum, insinuat Augustinus. Et in tantum persecutorum rabiem excitatam, vt diuinos libros ignibus traderent, Hieronymus queritur. Atque interceptisse illos, & aboleuisse suos, quibus Christiana religio comprobaretur, arguit Arnobius. Quo circa ea hac in re habenda ratio videtur, & diligentia, vt neque ab honestissimo scribendi studio quisquam deterreatur, neque omnium scripta comprobentur: sed delectu habito, ea tantùm in vsu esse omnibus permittantur, quæ si minus vtilia, damnosa certè non sint. Ita vos, pleno prudentiæ consilio fieri voluistis. Promulgatis enim legibus seuerissimis & pragmaticis sanctionibus, primùm ne quis iniussu vestro liber exeat, nèue ius imprimendi cuiquam, libro non inspecto, concedatur, decreuistis: librum
deinde

deindè qui in manus hominum venturus sit, probari primum ab aliquo, qui sententiarum veritatem perpendere, verborumq; omniù pondera examinare noverit. diligenter, præcepistis: typographis præterea, ne quid prælo committant, nisi permissu vestro, multa proposita, interdixistis. Quo non melius aut auctoritati vestræ, aut scribentiù honori, aut Reipublicæ emolumento, potuit esse consultum. Nunc quod pertinet ad hanc rem, quam paror: quam non is sum, qui putem posse me Iurisconsultorum, vel quintæ classis, luminibus obstruere, tamen in optimis auctoribus mediocriter versatum, in hoc studio me ætatem consumpsisse, nõ inficio: itaque si quid mihi assumo, videor id meo iure quodãmodo vindicare. Id quid quid est, si quidquam est, multis certè nominibus debetur vobis. È quibus, quosdam in adolescentia iurisprudentiæ magistratos, & viuendi habui præceptores: nunc omnes patres habeo cum patria communes: patres inquam, quibus, non ex me solùm hi fructus, sed ab vniuersis, pro diuinis meritis, diuini honores debeantur.

PETRI VELLEII
GVEVARAE AD LEGEM

primam Digestorum

LIBER PRIMVS.

VLPIANVS libro primo institucionum.

IURI operã daturũ prius nosse oportet, vnde nomẽ iuris descendat. Est autẽ ius à iustitia appellatum: nã vt eleganter Celsus definit, ius est ars boni & æqui, cuius meritò quis nos sacerdotes appellet. Iustitiã nãq; colimus, & boni & æqui notitiã profitemur, æquũ ab iniquo separantes, licitũ ab illicito discernentes, bonos nõ solum metu pœnarum, verum etiam præmiorum quoq; exhortatione efficere cupiẽtes, veram, nisi fallor, philosophiã, non simulatam affectantes.

De origine iuris necessariò cognoscenda,

P Raceptum illud, vt nosmet ipsos noscamus, cuius tantã vis est, tantã senectia, vt non homini cui piã, sed Delphico Deo tribuatur, Cicero libro
A tertio

tertio ad Q. fr. nō ad arrogantiam minuendam solum esse datum intelligit: verum etiam ut bona nostra norimus. Et lib. quinto Tusc. qq. de philosophia naturali agens, hac tractanti animo, inquit, *Et noctes Et dies cogitanti, existit illa à Deo Delphis præcepta cognitio: ut ipsa se mens vitæ sexutã cognoscat, comunctamq; cum diuina mente se sentiat, ex quo insatiabili gaudio compleatur.* Atq; libro primo de legibus in fine, ait. *Nã qui se ipsum norit, primum aliquid se habere sentiet diuinum, ingeniumq; in se suum sicut simulacrum aliquod dedicatum putabit, tantoq; munere deorum, semper dignum aliquid Et faciet, Et sentiet.* Digna certè talis viro expositio, ac sententia, tantã tribuere hominibus dignitatem, ut vel cum Deo consociatos se possint existimare, neq; quicquã iudicare se dignum, quod caducum, fragile, morti alene sit, sed summum illud bonũ, purum, atq; perfectũ, quo omnia referri necesse est, Et ad quod adhibitis omnibus machinis, æquis velisq; oportet hominem contendere, earum rerũ conseruatione, quas natura præscribit, scientia scilicet, æquitate, iustitia, veritate, virtute. Atque omnium quidem virtutum, reliqua, ut ita dicã, que sua sunt quarunt,

*iustitia tantum, societatem coniunctionis huma-
na, munificè & aquè tuens, communi seruit utili-
tati. Cuius fruenda causa, olim & bene moratos
reges constitutos Herodotus ait, & statuta iura,
legesq; sancitas, simillimum veri est. Iustitia autè
qui daturi sunt operam, prius nosse debent, quid
ipsa iustitia sit, quid ius, & unde nomen iuris de-
scendat. Omnis enim in querendo, quæ via quadã
& ratione habetur oratio, præscribere primum de-
bet, ut quibusdã in formulis ea res agatur, ut inter
quos differitur conueniat, quid sit id de quo dispu-
tatur. Ita docet faciendum Plato in Phædro, siue
de pulchro. Et Cicero lib. 1. offic. & secundo de fin-
bon. & ma. & iurisconsultus in. l. 1. ff. de reb. cre-
di. & in. l. 1. ff. de offici. Præf. prat. Atque hoc est 4
quod Vlpianus ait. Iuri operam daturũ prius
nosse oportet, unde nomen iuris descendat.
Non est enim in hac re præstanda fides Accur-
sio, dum exponit, oportet, id est, decet: affirmatq;
hoc verbum improprie ab Vlpiano positum. De
quæ re grauis est inter doctores contentio; dum
alios glossæ auctoritas decipit, alios Vlpiani mo-
uet nomen insigne, ne virum de literis benemé-
ritum credant, merito ab Accursio notatum.*

5 Ego de hac re quid sentiam, breuiter demonstra-
 bo. Duae sunt cuiusq; rei proposita interrogatio-
 nes, sine quibus id de quo quaritur, intelligi nullo
 modo potest. Nonnunquam enim nomine nobis pro-
 pposito, rationē ipsam quarimus, nonnunquā ve-
 rò rationē assequuti, nomen inuestigamus. Quod
 cum in alijs rebus quàm plurimis, tum maxime in
 numero reperitur. Cuius nomen quidem par est,
 ratio autē, numerus in duo equalia diuisibilis. Vn-
 de idem in utroq; significamus, siue nomen interro-
 gati, rationem, siue rationē interrogati, nomen red-
 damus. Quandoquidem, vnā eandemq; rem no-
 mine quidem parē, ratione verò, numerū in duo
 equalia diuisibile appellamus. Hoc igitur est quod
 à iurisconsulto existimo significatum dum ait. Fu-
 ri operam daturum, prius nosse oportere, & nomē
 iuris, quod est a iustitia deductum, & huius propo-
 siti rationem, quā eleganter Celsus diffinit dicens,
 ius esse artē boni & aequi. Quasi dicat, eum qui
 res aliquas sufficienter intellecturus est, quā & no-
 men & rationem habent, nomen non solum scire
 debere, sed & callere quoque rationem. Quinimò,
 si precij alicuius futurus est, turpe ipsi esse, rerum
 magnitudine & pulchritudine excellentium, tam

nomina quam rationes ignorare. Cum enim omnis controuersia, aut de re soleat, aut de nomine esse, utraq; earum nascitur, si aut res ignoratur, aut erratur in nomine. Legum verò conditori, atque custodi, & ei, quem virtute prestare ceteris conuenit, nihil maius, quam fortitudo, temperantia, iustitia, atque prudentia. De quibus interpretes, doctores, legum conditores, rerum publicarum custodes, ceteros qui scire cupiunt, vel punitione, & increpatione indigent, docere debent: quasq; vires virtus, quas vitium habeat explicare, tanquam virtutis, & excellentia alijs in exemplum propositi. Est autem ius à iustitia appellatum. His verbis docemur, ius adeò à iustitia pendere, ut quidquid à vera iustitia alienum sit, ius id esse nullo modo possit. Quod non solum vidit Marius Salomonius, qui hunc intellectum dicit haëtenuis à nemine perceptum: sed & Fortunius Garfia respondens Bartolo, asserenti non esse necessarium scire principium ex quo, sed principium propter quid. primo, inquit, considerabam iura adducta per Bartolum, non probare; scilicet. l. nec natales, & l. ad probationem. C. de proba, ubi ex patris, vel matris qualitate, non probatur talem esse filium, quia contingit quandoq;

ut filius sit servus, & mater libera. Illa igitur iura
 loquuntur in principijs, qua respōdent ad originem
 materialem, qua non servant qualitates necessa-
 rias, in his, qua ab eis sequuntur: nos verò loqui-
 mur in principijs, qua eandem rationem servant in
 derivatis. Nam ius à iustitia dicitur, ut in lege no-
 7 stra, & nullum potest esse ius, quod à iustitia non
 derivetur. Hinc inter iurisperitos illa exoritur qua-
 stio, qua eorum nonnullos angit, ac satia superq, fa-
 tigt, fuerit ne iustitia prior iure. De qua, ne eo-
 rum movere referendo, refellendoq, sentētias, meā
 ego coniecturam paucis aperiam. Naturalis qui-
 dem ingenij, memoria, ac voluntatis facultas, ad
 potentiam pertinet. Ex qua circa potētiam acqui-
 sita virtute, egregia illa oritur operationum ordi-
 natrix, gubernatrixq, sapientia, & in actionibus,
 ad eandem sapientiam pertinens ordo servatur.
 Vnde illud efficitur, ut in arte, sicut & in divinita-
 te, & natura, sapientiam, atque potentiam sese in-
 vicem petere, quo in unum congregiantur, facile
 videamus. Atque hoc modo si attentē animi aduer-
 terimus, haud difficile cognoscemus, iustitiam, ut
 pote qua potentia sit, priorem esse omni iure, quan-
 do quidem ex potentia sapientiam oriri, sapientia
 verò

Verò ius, id est, artem boni, et aequi seruari demonstrauimus. Iustitiam autem voluntatem esse, et ius artem nominari, ex iurisconsultorum definitionibus clarè patet. De quibus pauca dicamus, primū verò de iustitia, deinde de iure, quod ab ea deductum, appellatumq; cognouimus.

De definitione iustitiae, et quomodo haec virtus, unicuique quod suum est, tribuat.

LIBER SECVNDVS

IUSTITIA est constans et perpetua voluntas, ius suum cuique tribuendi. Quae quidem definitio, et si Ulpianum in l. x. ff. de iust. et iur. et Justinianū in §. i. eo. tit. in instit. auctores habeat: necessarium tamen videtur, eam latius explicare, parum est enim ut non subuerti possit: tam multa sunt, quae aduersari videntur, atque illud in primis. Fundamentū iustitiae est fides, id est, dictorum, conuentorumq; constantia, et veritas, ut ab oratore lib. i. offic. et a iurisconsulto in l. i. ff. de const. pec. et à c. iuramenti 22. q. 5. docemur, et in l. i. ff. de pact. Ulpianus ait. Huius edicti equitas naturalis est. Quid enim tam congruū est fidei humane, quam ea, quae placuerunt inter eos seruare? Sed incidit

sape tempora, cum ea quæ videtur maximè digna esse iusto homine, eoq, quem virum bonum dicimus, commutantur, fiuntq, contraria: neque enim si is qui apud me pecuniam deposuerit, bellum inferat patriæ, ei ego reddam depositum, magis quàm insipienti gladium, neque turpiter data fides ullo modo est adimplenda, ut in. l. iuris gentium. §. si ob malefictum, §. §. prator ait. ff. de pactis, dicitur, et in. l. pacta quæ contra. C. de pactis. Ergo non rectè describitur iustitia constans, §. perpetua. Intelligendum est fundamentum iustitiæ esse fidem, ad præcepta iuris dictam fidem referendo, id est, ut ita unicuiq, suum tribuas, dum honestè viuendo, neminem ladendo, id facere possis. Non sunt verò promissa seruanda, quæ vel ijs quibus promisseris sunt inutilia, vel quæ tu reddendo, non è rep. facis. Quare quod ait iustitiam constantem, §. perpetuam esse volutatem, seruandi, intellige, iuris præcepta, ita unicuiq, suum tribuentem, ut tamen §. honestè viuat, §. alterum nõ ladat. Vnde §. quæ metu, dolo, uel malo gesta sunt, legibus improbantur, pratorio iure rescinduntur, nec qui ita promisit, fidem cogitur adimplere, nimirum quia §. qui promisit laditur, §. qui extorsit, in honestè iniusteq,

iusteq; egit. Illam autem mutationem, non pra-
 clarissima virtuti iustitia accidere, sed rebus ip-
 sis, verbis diui Augustini, enarratione in psal-
 mum quintum, docemur, dum ait. Illud quod non
 habet duplex cor, nec mendacium quidem dicen-
 dum est. Tanquam, verbi gratia, si cui gladius
 commendatur, & promittat se redditurum, cum
 ille qui commendauit, poposcerit, si forte gladium
 suum repetat furens, manifestum est, tunc non
 esse reddendum, ne vel se occidat, vel alios, donec
 ei sanitas restituatur. Hic ideo non habet duplex
 cor, quia ille cui commendatus est gladius, cum
 promittebat se redditurum poscenti, non cogita-
 bat furentem posse repetere. hac ille, quasi diceret,
 veritas illius praecepti, depositum reddendum
 esse, vel fidem promissam custodiri oportere,
 nunquam mutatur, nisi conuersis rebus, ex qua-
 rum varietate contraria nascitur veritas. nisi
 enim qui apud me gladium sanus deposuit, in-
 saniret, iustitia reddendi depositum nunquam de-
 ficeret. Vbi vero furor illum occupat, non volun-
 tas mutatur reddendi unicuique quod suum est,
 sed subiectum potius, ut iniuria illi fiat, si sibi red-
 datur. Deinde quandoquidem de humana iusti-
 tia

tia nobis nunc sermo est, indoctè ab Vlpiano scri-
 ptum videtur, constans, & perpetua voluntas.
 Quid enim erit stabile inter homines, & ita im-
 mobile, ut nullam patiatur mutationem, cum om-
 nis status noster in perpetuo motu consistat? aut h.
 de non alien. §. ut autem colla. 2. Accursus illa
 duo verba, constans, & perpetua, extrahenda pu-
 tat, media luce non videns, in diffinitione iustitia,
 perpetuum, constantiamq; sumi, nõ ratione actus,
 qui nunquam interrumpitur (id enim soli Deo cõ-
 uenit) sed ratione obiecti, dum quis omni euentu
 debite, & secundum legem operari proponit. Sed
 5 venio ad aliud. Cicero in topicis ad Trebatium ita
 inquit, omnium causarum in alijs inest constãtia,
 in alijs non inest, in natura, & in arte constantia
 est, in ceteris nulla. ex qua diuisione illud elicitur,
 ex omnibus causis naturam, & artem constanter
 agere, & in hoc nullum dubium. Nam quòd vnus
 idemq; artifex, ex eadem saepe materia, non simi-
 les statuas format, non est hac in arte varietas,
 sed in artificis manu. Et idè est in natura, in qua
 si quid monstruosum efficitur, non natura vitio,
 sed materia potius, id fieri dicendum est, ex qua
 id quod efficere contendeat, non ita potuit natu-

*ra explicare, reliqua verò omnes causa, siue per spi-
 cua, siue latentes, inconstant et omnino agere dicun-
 tur, neque in eis ulla inest constantia, quales sunt
 casus, voluntas, perturbatio, & habitus. Quod si
 voluntas mobilis prorsus, variabilis, & inconstans
 dicitur, non solum dum perfectissimam iustitiæ
 virtutem, voluntatem esse dixit, lapsus videtur Vl-
 pianus, sed & cum voluntatem constantem, perpe-
 tuamq; nominavit. Repugnant siquidem inter se,
 atque e regione discrepant, & voluntatem esse, &
 constantem, ac perpetuam esse. Pro cuius enodatio-
 ne questionis paulum ante dicendum est. Plato qua- 6
 cumq; videmus, aut tangimus, sensibusue corporis
 percipimus, in illis non numerat, quæ esse propria præ-
 stat: nihil est toto quod præstat in orbe, cuncta fluunt,
 omnisq; vagans formatur imago, sitq; quod haud
 fuerat, momentaque cuncta nouantur. & id qui-
 dem est, quod dicebat Heraclitus, in idem flumen
 bis descendimus, & non descendimus: manet enim
 idem fluminis nomen, aqua transmissa est, qua-
 propter ille, quem dixi, Plato, formas rerum con-
 stituit, quas pigri negat, & ait semper esse, ac ratio-
 nè, et intelligetia contineri, cetera nasci, occidere, flue-
 re, labi, nec diutius esse uno, & eodè statu: hæc esse*

quas neque aspicere oculis, neque manu tãgere,
 neque percipere sensibus possumus, cogitatione tã-
 tum, & mente complectimur. Nõ ille ait esse ani-
 mas, aut formas cœlo delapsas, ut falso referrì so-
 let, sed perfectam notitiam vnus cuiusq; rei, ut cū
 virtutem diffinimus, & consideramus non qualis
 est in Catone, aut Socrate, sed per se solum. Et hęc
 esse mentem, sententiamq; Platonis manifestè ap-
 paret in libro quinto, & sexto, & decimo de repu-
 blica, & in Hippia maiore, siue de pulchro, mul-
 tisque alijs in locis, & docet aperte Cicero in ora-
 tore ad Brutum, & in Academicis question. &
 Philon lib. vnico de mundi opificio, & Seneca libr.
 8. episto. ad Luciliũ. Huius igitur mysterij nõ igna-
 rus iurisconsultorum eruditissimus Vlpianus quẽ
 admodum egregius quisque artifex, pulchrum
 aliquod simulacrum facturũ, neminem cõtẽm-
 platur, ex quo similitudinẽ ducat, sed mente con-
 cipit speciem pulchritudinis quãdam eximia, quã
 7 intuens, in eaque defixus, ad illius similitudinẽ,
 artem, & manũ dirigat, ita & ipse iustitia diffi-
 nitionẽ traditurus, neminem, neque ipsum qui-
 dem Aristidem, cõtẽmplatur, ex quo ipsam dedu-
 cat, sed ipsiusmet iustitia perfectã, & absolutam
 effigiem,

effigiem, formam, & speciem, describit, quam cō-
 stantem prorsus, immobilem, ac perpetuam esse, ne-
 mo sanamentis negavit. Sic ego illa iurisconsulti
 verba accipio in. l. penul. ff. de iust. & iur. Prætor
 quoq; ius reddere dicitur, etiã cum iniquè de-
 cernit, relatione scilicet facta nō ad id quod ita
 Prætor fecit, sed ad illud quod Prætoré face-
 re cōuenit, & in. l. sed licet is. ff. de offi. præsi. quod ⁹
 Proculus ait, sed licet is, qui prouintiæ præ est.
 omniū Romę magistratuū vicē & officio fun-
 gi debeat, nō rã spectandū est, quid Romę fa-
 ctū est, quã quid fieri debeat. Egregiè sanè si qui
 de iudices, vel humilium preces, vel calamitosorū
 lacrima, vel propinquorum affinitas, vel amico-
 rum familiaritas, aliquando mouent, & à recto de-
 uiare ferè inuitos cogunt. Errare possunt iniqui, si
 qui erunt legumlatores, imperiti iurisconsulti, in-
 continentés, & numarij iudices; ipsa verò iustitia
 virtus, & bonitatis, atque æquitalis ars, cōstans, &
 perpetua voluntas est, suū unicuiq; tribuens, immo-
 bilis prorsus, nec variabilis. Nihil est enim a gra-
 uitate iustitia, errore, leuitate, temeritate, disun-
 ctius. In primis igitur hoc sapiēter, ut omnia alia, ¹⁰
 iurisconsulti iustitiæ virtutem appellant, non prin-
 cipum

cipium decreta non populorum iussa, non Pratorum
 edicta, non iudicum sententias, sed absolutam, per
 se constantem, ac perpetuam voluntatem reddend
 11 di unicuique, quod suum est. Verum adhuc iuriscō
 sultum non recte diffinisse probari posse videtur
 tali ratione. Vlpianus ait: Iustitia est constans, &
 perpetua voluntas ius suum unicuique, tribuens.
 Cicero verò, iustitia est (inquit) habitus animi
 communi utilitate conseruata suam cuique tri
 buens dignitatem. Sed habitus & voluntas ma
 xime differunt, ergo non recte ab uno eorum difi
 nitum est. Ciceronis verò diffinitionem optimam
 esse: Vlpiani verò non ita, probatur partium enu
 meratione. Tria sunt, quae fiunt in anima, affe
 ctus, potentia, habitus, horum aliquid ipsam vir
 tutem esse neceſse est: sed non affectus, neque po
 tentia, ergo habitus virtus est. Quod non sit affe
 ctus patet ex Aristotelis libro. 2. ethi. cap. 5. Siqui
 dem non is, qui metuit, aut irascitur, vituperatur.
 Sed qui modo quodam metuit, aut irascitur, re
 prebenditur. Qua similiter ratione in potentia
 non esse virtutem concluditur. Ex quibus duo fa
 cile deducuntur corollaria. Primum aduersus
 Vlpianum huiusmodi Potentia non est virtus, ho

ni enim non dicimur, aut mali, quia possumus tra-
 sci, vel timere: sed voluntas est potentia, ergo in
 voluntate non inest virtus, & consequenter iusti-
 tianon est voluntas. Alterum secundum Cicerone-
 nem est, virtutem necesse est esse vel affectum,
 vel potentiam, vel habitum, sed nec affectus, neque
 potentia virtus est, igitur habitus est. Iterum &
 pro oratore contra iurisconsultum facit. Virtus in
 actione consistit: sed habitu agimus, voluntate pos-
 sumus, ergo virtus iustitiae in actione est, id est, in ha-
 bitu, non in potentia, hoc est, in voluntate. Proba-
 tur istud fundamentum manifesto principio, quia
 affectus sine effectu non punitur. l. cogitationis. ff.
 de pœnis. l. 1. ff. quod quisque iur. l. vulgaris. s. qui
 furti. ff. de furt. Præterea iurisconsultum urget,
 iustitia constans & perpetua est: sed voluntas,
 ut supra probavimus, inconstanter agit, habitus
 verò licet non propria natura, quia tamen natu-
 ram imitatur, constanter agere dicitur, ergo iusti-
 tia habitus est, non voluntas. Considerandum
 est pro huius explicatione questionis, voluntatem ¹³
 amplissimam, latamque nimium rem esse, neque
 enim solummodo ea volumus, quae agere pos-
 sumus, sed & ea, quae in nostra non sunt
 potestate

potestate, ut lib. 3, et b. cap. de electione nos docet
 Aristoteles. Quo fit ut & suprema virtutes, at-
 que ultimum bonum finem velleimus: quinimò nisi
 quod rectè honestèq; volumus, velle nos non pu-
 tat idem philosophus: quicquid verò studiosus (si
 modo studiosus sit) velit, & volūate affectet, abs-
 que dubio illud simpliciter, & re vera bonum esse
 scribit eodem libro. 3. cap. de voluntate. Si igitur
 quicquid studioso voluntate est affectabile, nō mi-
 nus simpliciter, & re vera bonum est, quā id quod
 habitu, vel electione geritur, involuntate ergo non
 angustior, quā in ipso habitu reperitur iustitia
 candidissima virtus. Quae ratione arbitror iusti-
 14 tiā definiisse. S. Thomā, habitum secundū quem
 perpetua volūtas ius suum unicuiq; tribuit: iuris-
 consultū autē iustitiā appellasse volūtatem suspi-
 cor, sū prædicta ratione, tū etiā, quòd legumlatori-
 bus tā volūtas, quā actus considerāda sunt, ad pra-
 mia, penasq; statuēdas, qui est finis iuris civilis, ut
 latius infra dicemus. Si enim suis terminis non cō-
 tentia volūtas, veluti factū punitur, ut in c. nuper,
 & in c. fina. de bigam. & in plerisque volūtas pro
 facto reputatur, non minus cū de iustitia, iniu-
 stitiaue agitur, voluntatem quā habitum consi-
 derare

derare oportet. Quod si sic est, prudētissimè iuriscō
 sultus verbum voluntatis apposuit, sub quo habi-
 tus intelligeretur. Nā si voluntati legibus premiū,
 ac pena constituitur, & recte facientes premijs af-
 ficiendos, & sceleratos homines, improbosq; ciues
 vinculis, & damno coercendos, facile intelligemus.
 Præterea si volūtas, (vt iam probauimus) boni est ¹⁵
 (omnes enim ea, quæ bona videntur, sequuntur, fu-
 giuntq; cōtraria) quæ cōstans, & perpetua volun-
 tas erit, habitus erit, quandoquidē habitum appel-
 lamus, animi, aut corporis constantem, & absolu-
 tam aliqua in re perfectionem, vt virtutis, aut ar-
 tis alicuius perceptionem. At si habitus animi, aut
 corporis est cōstans, & absoluta aliqua in re per-
 fectio, habitus quidem virtus erit, quod nemo euer-
 tit. Et inde est, quod non indoctē Marcus Fabius
 Victorinus notabat, ab Aristotele, atque à Cice-
 rone, in bonis frequentius habitū poni, quàm in ma-
 lis, licet etiam in veritate malorum quoq; sit habi-
 tus, ex eo nempe, quia habitū dicimus ab eo, quod
 habere voluerimus, natura autē nostrā talis est,
 vt nunquam mala velimus. Nam simul atque ob-
 iecta species est cuiuspiam, quod bonū videatur,
 ad id adipiscendum, impellit ipsā natura. Id cum

constanter, prudenterq; sit, eiusmodi appetitionem appellamus voluntatem. Igitur de primo, ad ultimum, constans, & perpetua voluntas suum cuiq; tribuendi, virtus iustitiae erit. Quam argumentationem, quò facilius intelligatur, paulò adhuc brevius colligamus. Cõstans, & perpetua volũtas habitus est: sed in habitu inest virtus: ergo cõstans, & perpetua volũtas est virtus. Ita dum de primo ad secundum, de secundo, ad tertium argumentamur, illud quod mediũ est, extrema inter se rectè cõiungit. Ceterũ quòd cõstans, et perpetua volũtas sit habitus, argumentis à diffinitione concluditur, & ab annotatione, qua firma esse, probant Bartolus, Alexander, Iasson, Felinus, Euerardus, Cantiuncula, & concors doctorum sententia. Esse verò hunc verissimũ huius dispositionis sensum, vel ex ipsis verbis clarissimè patet. Iustitia (inquit) est cõstans, & perpetua voluntas. Quibus verbis dispositio apertissimè notatur: sequẽtib; verò habitus, dum ait, ius suũ cuiq; tribuens. Sed & aliter adhuc rem istã possemus considerare. Quẽ admodum bona, vel mala, virtutes, ac vitia nullo sensu sentire quisquã potest, sed solum modo p̄ intellectu sensui super eminentẽ cognoscere, ita et illa

prose-

prosequi, amare, atq; amplecti solūmodo voluntate potest. Sensus enim cum modicè capaces sint, facile implentur, satianturq; neque possunt, nisi qua sensibilia sunt bona, & qua sensus iudicat conuenientia deligere. Voluntas verò qua, ut supra diximus, infinita capacitatis est, & durationis aeterna, cum sit potentia, & à corpore separabilis, & in aeternum permāsura, virtutes amplectitur, atque amat: neq; vlla re quantūlibet præcellentis faciat, nisi summo bono. Quod nō de ea voluntate intelligendū est, qua sensui cōiuncta est, et ad sensus iudicium mouetur, hac enim vocatur appetitus sensitiuus, in quo homo, cū brutis animantibus conuenit. Sed de ea, qua superior, cōiuncta est cū intellectu, per quā homo id quod intellectus iudicat bonū, amat, & prosequitur, mandatq; executioni: causaq; est omnium virtutum, atq; vitiorum: causam autē dicō, salua semper qua patri luminū adhibēda est reuerentia, à quo omne datū optimū, & omne donū perfectum esse fateor, atq; etiā profiteor. Ex eo igitur quod vitia in nostra esse potestate, neq; peccare quēquā nisi assensione dicimus, virtutisq; cōstatiā, et firmitatē ex his rebus opinamur cōstare, quibus assensa est, & quas approbavit, illud cōsequitur,

ratione voluntatis hominem posse mereri, vel non
 mereri, dignumq; fieri premio, seu pœna. Ceterorū
 17 verò animalium nullū retributione bona, vel ma-
 la dignum fieri, cum meritum, & demeritum, pre-
 mium, & punitio illic locum habeāt, ubi est actūū
 liberum dominiū: ubi quod fit, liberè fit: ita ut possit
 qui facit, hoc ipsum, si velit, non facere. Nam ut
 D. Augustinus ait lib. 22. contra Faustum, iustitia
 nisi esset in voluntate, non esset in potestate: porro
 si in potestate nō esset, nullū premiū, nulla pœna ius-
 ta esset. Vnde ratio deducitur tex. in. c. nasci. 56.
 dist. & in. c. sciendum. §. q. 1. & §. ex voluntate &
 c. meritò, et. c. illa 15. q. 1. Ex eodemq; fonte derivā-
 tur noxales actiōnes, totusq; titulus si quadrupes pau-
 periem fecisse dicatur. Vbi puniuntur quidem ani-
 malia bruta, non quòd actū suo pœnam ullam me-
 ruerint. Nec dici potest animal iniuriam fe-
 cisse, quod sensu caret, inquit Vlpianus in. l. sed
 & si. §. igitur. ff. ad leg. Aquil. & in. l. 1. §. an pra-
 to. ff. si quad. pau. fe. Quæ enim in eo culpa sit, cum
 sua mentis non sit? quemadmodum si quadrupes
 damnum dederit, Aquilia cessat; aut si tegula ceci-
 derit. Sed ob id leges ciuiles etiā in bestias animad-
 18 uertunt, quòd talis punitio, potius ad dominorum
 ipsorum

ipsorum damnum, ad quos attinet, spectat: ut discant videlicet possessores diligentius sua iumenta obseruare, & legum dictis obtemperare. Qua etiã ratione, vestri ordinis, patres amplissimi, iustissimo decreto, nostra superiori etate, mula in quibus quis sedisset, iugulabantur. Quod verò is, qui cum iumento coit, simul cum ipso iumento comburatur, ob id iura, etiam diuina disponunt, primum ut D. Augustinus lib. 3. questionum in leuiti. vult, & re fertur in c. mulier qua accessit. c. 5. q. 1. quia tali flagitio contaminata pecora, indignam refricã facti memoriam: deinde, meo iudicio, ut magis ab ijs deterreantur rationalia animalia, cum & in irratiobilibus bestijs talem videant capitalis sententiã seueram exerceri vindictã. Postremo apud ¹⁶ Vlpiano iustitiã appellatã voluntatem, inde quoque probari potest maxime, quia si in reliquis virtutibus voluntas consideratur, multo quidem magis in ipsa iustitiã consideranda est: quã cum non solum sibi, sed etiã alijs laboret, unicuique, quod suum est tribuat: id autem efficere nisi voluntate nemo possit, cuius enim tanta vis est, auctoritas, atque potentia? vel impossibile est quẽquam iustũ esse, & sic vanum esset iustitiã nomen, vel cõstans,

Et perpetua voluntas suum cuique tribuendi, vir-
 tus iustitiae erit. Sunt enim in nobis opinio, conatus
 appetitus, et declinatio. Non sunt aut in nobis cor-
 pus, possessio, gloria, et principatus, si modo Epictete
 to credendum est. Quod si corpus non est in nobis,
 sed potius ut Plato ait, sicut sutor subula: ita ani-
 mus corpore utitur veluti instrumēto, ad ea pera-
 genda, quae intellectus appetenda voluntati propo-
 nit, virtutem nisi in his, quae in nobis sunt, nemo sa-
 20 nae mentis collocabit. Illud nunc restat tractandum,
 qualiter hac constans, et perpetua voluntas, tribuat
 unicuique quod suum est. Quod quidem si à princi-
 pio, origineque disputandum esset, illud in primis qua-
 rere, et investigare conveniret, quid sit homini à
 natura tributum, cuius muneris colendi, efficiendique,
 causa nati, et in lucem editi simus, quae sit coniun-
 ctio hominum, quae naturalis societas inter ipsos, quae
 licet sint iucundissima considerationis, et cogitatio-
 nis pulcherrima, cum tamē non sint omnia hoc tēpo-
 re differenda, ut quo ordine capimus, pergamus, ad
 21 huc ab Ulpiano non apte scriptum videtur, cum de vera
 iustitia loquatur, suum cuique tribuere. Sunt nam-
 que privata nulla, natura: sed aut veteri occupa-
 tione, ut qui quondam in vacua venerunt, aut victo-
 ria,

ria, ut qui bello potiti sunt, aut lege, pactione, condi-
 tione, sorte. Nam ut à iuris consulto dicitur in l.
 ex hoc iure. ff. de iust. et iur. Ex hoc iure, gentium
 scilicet, introducta sunt bella, discretæ gentes
 regna cõdita, dominia distincta, agris termi-
 ni positi, edificiã collocata, cõmerciũ, emptio-
 nes, venditiones, locationes, cõductiones, obli-
 gationes institutę. Intelligẽdũ est ex eo, quia suũ
 cuiusque sit, eorũ, que natura fuerant cõmunia,
 quod cuique obtigit, id quęq; tenere conuenire: eo
 si quis sibi plus appetat, violare ius humana societa-
 tis: earũ verò rerũ, quas ad cõmunem usum homi-
 nũ natura genuit, cõmunitatẽ necessariã esse, et cõ-
 munes utilitates afferre decere. Nã quẽadmodũ
 theatrũ, cum sit cõmune, rectẽ tñ dici potest, eius
 esse eũ locũ, quẽ quisq; occuparit, sic in urbe mundo
 ue cõmuni, nõ aduersatur ius, quominus suũ quid
 que cuiusque sit. Quidquid verò sine detrimẽto cõ-
 modari potest, id tribuatur vel ignoto, cũ et qua in
 terris gignũtur, ad usum hominũ creata sunt oĩa,
 et homines geniti hominũ causa: ut ipsi inter se ali-
 ali pdesse possent, sem p q; aliquid ad cõmunẽ utilita-
 tẽ afferret. Sed et aliter quoq; nõ absurde dici pos-
 set prima cõsideratione, id est, iure naturali pri-
 mano

meo: omnia esse communia, consensu vero hominum, hoc est iure gentium, res omnes diuisas, & particularia dominia distincta. Nam si à principio id homines non consensissent, rerum nequaquam fieret partitio, sicut facta est, quod satis consonat prædictæ dispositioni, ex hoc iure. Tertiam adhuc rationem, talem cogit abam. Ratio, qua naturaliter omnia sunt communia, non intelligenda est, ut exempli gratia huius domus, illiusue agrî, siue fundi nullus sit dominus, hoc enim modo nemo illum araret, nemo sereret, nemo domum edificaret. Intelligendum est omnia, in uniuersum scilicet considerata, omnium esse eodem modo, uidelicet generaliter, coniunctionis, & societatis hominum. Ita ut qui seminat, ac metit, non id sibi soli, sed communitati hominum faciat. Et idè de fabricis, sartoribus, sutoribusque, ac reliquis, qui et si priuata domi sibi laborant, rei publicæ tamen seruiant. Quod si aliter fieret, vel nemo agros, nemo ciuitates curaret, vel qui potior viribus esset, expulsus, ac reiectus reliquis, quæ sibi potiora uiderentur, occuparet, diuisione uero rursus, ut iure existimemur omnia communia, & agricultura mercator areret, mercator militè uestiat, miles iurisperitos consulos defendat, iuris consulti principes consilio

lio adiuet: principes gubernent, ac moderetur pro-
 uincias, in quibus omnes in pace, ac tranquillitate vi-
 uamus, quod propriū iustitiæ munus est, legū finis,
 & iurium, ac iudiciorū scopus. Quare videndum
 est ei, qui rempub. administrat, suum ut quisq; te-
 neat, neque de bonis priuatorū aliqua diminutio
 fiat, ne quis per aduersarij sui potentiā opprima-
 tur, ne quis iniquū lucrū, aut damnum sentiat, ne
 potentiores viri humiliores iniurijs afficiant, neue
 defensores eorū caluniosis criminibus insectentur
 innocentes, ut docemur in l. nec quicquā. §. sed et si
 quis. ff. de offi. procōsul. & in l. illicitas in prin. et in
 §. ne potentiores. ff. de offi. praefi. Atq; huic quidē in-
 terpretationi satis cōsonat, quod Laet. atius lib. 5.
 c. 5. de aureo seculo agēs, non existimemus, inquit,
 nihil omnino tunc fuisse priuati, sed more poetico si-
 guratiū, ut intelligamus tam liberales fuisse homi-
 nes, ut natas sibi fruges nō includerent, nec soli ab-
 scōditis incubarent, sed pauperes ad cōmunem
 cōsum proprij laboris admitterent. Quibus ita ex ²²
 positis, quandoquidē dictū est supra, in hoc iustitiā
 a reliquis virtutibus moralibus differre, obidque
 præclarissimā inter ceteras esse, quod nō solum sibi
 agat, sed et alijs procuret, et totius reipub. sibi curā

vendicet, operæ pretiū erit videre, qualiter iustus
 dū unicuiq; quod suū est, tribuit, primū sibi ipsi tū
 corpori ad vitā necessaria, tūm animo ad bonū in-
 telligendū, cōsequendūq; ministret. Deinde quali-
 ter se erga rēpu. habeat, quā prae ceteris habere cha-
 rissimā, bonos decet viros: cuiusq; salus, ac dignitas
 prior omni dñatione, & domesticis cōmodis esse de-
 bet. Nā Deo, quomodo quod suū est tribuendū sit,
 abūde docuit Plato in Euthyphro, vel de sanctita-
 te: prae ter quā quod à nostra religionis sacris docto-
 rib; satis sum; edocti. Quod aut; ad primū attinet,
 animi partibus, seu potētis, et nō tribuere quod re-
 tē possis, & tribuere quod nō sit equū, cōtra iusti-
 tiā est. Sunt aut; multo magis secundum naturā tri-
 buta homini excelsitas animi, & magnitudo, itēq;
 comitas, iustitia, liberalitas: quā voluptas, quā
 vita, quā diuitia. Quae cōclusio licet eū habeat au-
 thore; ut testibus nullis indigeat, explicabitur tamē
 apertius, si primò, quae obijci possūt, dilluerimus. Vi-
 detur nāq; nimis obstare, quod in Genesi scribitur,
 fesus, et cogitatio humani cordis in malū pna
 sūt ab adolescētia sua. Et cōciliū quoq; Toletanū
 ut refertur. c. 1. 12. q. 1. Omnis, inquit, etas ab a-
 dolescētia sua, in malū prona est. Quae n̄ si, uti
 decet,

decet, intelligamus, minimè ijs qua diximus aduer-
 santur. Suprà dum Delphicū illud oraculū inter-
 pretabamur, proximā, simillimāq, esse hominis ani-
 mā diximus diuina menti, nec ullā esse, ubi aper-
 tius, ac proprius se ipsam possit intueri, propriāq,
 cōtemplari formā, atq, naturā, deniq, uti sit nosse,
 quā in perpetua, incōprehensibili, aeterna, atq, di-
 uina mente. Jd Plato in primo Alcibiade, siue de
 natura hominis, aptissima probat similitudine, di-
 cēs. Quemadmodū omnia mēbra, ita demum pro-
 priā cognoscunt naturam, seq, ipsa percipiunt, si in
 id quod simile est, respexerint, quo fit ut oculus se
 ipsum maximè cernat, cum in oculū inspicit: in id-
 que prater ea intendit, quod oculi optimum est, &
 quo oculus ipse videt, eodem pacto & anima, si se
 ipsam noscere vult, in animā intueatur, in eūque
 praecipuè locum anima, in quo inest virtus anima
 sapientia, in quo sanè quis intuēs, & omne diuinū,
 Deum scilicet, & sapientiā cernens, se ipsum pror-
 sus agnoscet. Hac ille: dicemus ne igitur immorta-
 lem animum, cōsiliij, rationisque participem, quem
 Deus ipse ad sui imaginem, & similitudinem fa-
 ctum, ut dominum, atque imperatorē obedienti
 praefecit corpori, in feda vitia, humanas, & fragi-
 les

les voluptates, et rascelera, & euitanda mala propria natura duci, & inclinari potius, quam aequitate, continentia, bonitatem, atque iustitiam appetere: non reor: probauimus siquidem supra cupere hominis voluntatem quod rectum est: desiderareque, summum illud bonum, quod ut operibus bonis consequamur, nati, & in lucem editi sumus. Qua vero causa id eueniat, quod ex Genesi allegauimus, ut sensus, & cogitatio humani cordis, in malum prona sint ab adolescentia sua, ex eo accidere autumo, primum ex peccati fomite, de quo apud Theologos vera, et religiosa tractatio est. Deinde quod cum animus ad aliquid considerandum sibi corpus assumit, vel visum, vel auditum, vel alium sensum: hoc enim est per corpus considerare, quia per sensus id agitur, tunc quidem a corpore trahatur ad ea, quae nunquam eodem modo sunt, atque ipse aberret, perturbeturque, et quasi ebrius vacillet, necessarium est. At vero quoties ipse animus per se quidquam excogitat, illuc se confert ad purum, sempiternum, immortale, semper eodem modo se habens. Itaque deprauationis illius, quae sapere minus bonum eligimus, maximam culpam sustinet instrumenta, quibus uti necesse est, veluti si quis peregrinus, hospesue, Salmaticam qui nunquam vidisset, huc modo accederet,

deret, non hospitia nosset, ciues nunquam vidisset, mores, & statuta ciuitatis ignoraret prorsus: posset ne hic quantum vis sagax, ingeniosus, & solers esset, non cuiuis se tradere, et à quouis decipi? Non secus animus noster quantumuis immortalis, excelsus, & boni appetens, dum humano, & fragili carcere includitur, dum corporis vinculo astringitur, dum ministri, atque exequutores suarum operationum dantur mortales sensus, his se committere, ab his discere, & percontari singula, dum hac luce fruitur, necesse est. Ij verò nescio quo fato, ea obcecat hominum oculos nebula, importunaq; tenet caligo mentes, & à matribus penè nondum nati, vitijs aluntur, & cum nutricis lactè dolos, fraudesq; sugunt. Deinde verò ad eò nos umbris, delitijs, otio, languore, desidia animum inficimus, opinionibus, maloq; more delinitum mollimus: ut natura, cetero qui semper inuictã, facile praua vincat consuetudo. Atque hoc illud est quod à Cicero ne in partitionibus dicitur. Est, inquit, genus hominum ad honestatem natũ, malo cultu, prauisq; opinionibus corruptum. Et lib. 1. de legibus, ait. Sequitur igitur ad participandum alium ab alio, comunicandumq; inter omnes, iustos natura esse factos, tantam

tantam autem esse corruptelam mala consuetudi-
 nis, ut ab ea tanquã igniculi extinguantur à natu-
 ra dati, exorianturq, & confirmantur vitia con-
 traria. Quod idem firmat Plato in Phadone, vel
 de anima, & in Timao, vel de mudi natura. Quã
 sit autem illis iuribus aptus hic sensus, ipsa indicat
 verba. Sensus, & cogitatio humani cordis. Vi-
 detis ut de sensibus, & mortali, fragiliq, corde lo-
 quantur. Et demum inquit, prona sunt ab ado-
 lescentia sua. Hoc ad corpus spectare, non de ani-
 mo dici, quis nõ videt? Hic quoque satis apparet,
 qualiter intelligendum sit illud, quod alibi ab Ulpiano
 dicitur in l. 1. §. ius naturale. ff. de iust. & iur.

24 Hinc descendit, inquit, maris, atque foeminae
 coniugatio, quam nos matrimonium appel-
 lamus, hinc liberorum procreatio, hinc edu-
 catio. Quae non satis videbatur firma sententia,
 cum appetitus, etiam extra matrimonium, natura-
 lis esse probetur. in c. debitum, de biga. & in c. gau-
 demus de diuor. Quam difficultatem pluribus lo-
 cis tractant, examinantq, doctores, quorum ego di-
 cta, & opiniones, non est cur transcribam. abunde
 explicat Dominicus Soto lib. 1. de iust. & iur. art:
 4 in responsione ad tertium, dum ait, ad tertium con-
 cedi-

ceditur inclinationes natura, quæ homini compe-
 tunt, in quantum sensibili animali, ad legem atti-
 nere fomitis, hoc est, appetitus sensitivi, originali
 iustitia destituti. Si autem considerentur, quate-
 nus hominis sunt propria, tunc legi natura sub-
 duntur, puta rationi, cæterarum potentiarum
 moderatrici, quæ cunctos affectus debet intra
 suas lineas continere. Verum adhuc prædictam ²⁵
 dispositionem talis urget aduersa ratio. Nuptias
 non concubitus, sed consensus facit: est autem
 consensus de iure gentium, ut in l. consensus. C.
 de repud. ergo nuptiæ potius sunt iuris gentium,
 quàm natura: confirmatur & alia ratione hoc
 argumentum. Ius naturale est, quod natura
 omnia animalia docuit: sed cætera animalia non
 utuntur matrimonio, quod indiuiduam vitæ
 consuetudinem continet, sed utuntur commix-
 tione confusa, igitur matrimonium non est de
 iure natura. Huic difficultati Accursius, Bar-
 tolusque respondent, non actum ipsius matri-
 monij esse iuris natura, sed ipsum motum ad
 actum. Vnde ipsi posse deduci putant, ad pec-
 catum iure naturali moueri nos, idque proba-
 ri aiunt, in Auth. de restitu. & ea quæ par. 5.

unū, collat. 4. quibus ego minimè assentior. Nam si inclinationes ad actum, coniunctionesque dedit ipsa natura, & secundum naturam oportet, sit ipse actus, quando id ad quod aliquid ordinatur, prius necessario esse in agēte probatur in auth. multo magis. C. de sacrosan. eccles. Quin & carnalē coniunctionem dedit ipse actus natura, & iuris naturalis esse probatur, in prædictis cap. debitum, & cap. gaudemus. Et aperte iuris cōsultus ait. Hinc descendit maris, atque foeminæ coniugatio, quam nos matrimonium appellamus. In illa verò opinatione cōsultāda, dū asserunt ad peccatū naturali iure moveri nos, diutius morari nō necesse habeo, cum Vldaricus Zaſius dicat, cōmuniter illā opinionē repudiatā, & aperte tibijs aduersus eos agat ibi Fortunius, eorum respondens suadamentis, qui aliter hunc expedit nodum, dicens, deo matrimonio esse de vero, & proprio iure naturali, quia in statu integra natura fuit cōtractum in paradiso terrestri, Gen. cap. 2. & refertur in cap. 1. de vot. & vot. redempt. lib. 6. Idq; ob id, quia instinctu rationis primus parens, statim ut vidit uxorem sibi creatam, contraxit matrimonium his verbis. Hoc nunc os ex ossibus meis, & caro de carne

mea,quamobrem relinquet homo patrem,
 & matrem,& adhærebit vx ori suæ. Cum igitur
 instinctu nature, inquit Fortunius, hac dixerit,
 ac matrimonium contraxerit, necesse est, id esse iu-
 ris naturalis. Considerandumq; valde monet, acci-
 disse illud in statu natura perfecta, non corrupta.
 De qua ego solutione, quid sentirem, apertius di-
 cerem, ni vererer ingrati nomen subire. Fuit enim
 mihi Fortunius parentis loco, meo verò patri, eo et
 amicitie, & familiaritatis gradu coniunctus: ut
 si quidquam Fortunio detraxerim, & patris irâ,
 & utriusque manes reformidem. Quapropter
 illius sententiæ iudicio prætermissio, verba illa V-
 l-²⁶ptani, Hinc descendit maris, atque fœminæ cõ-
 iugatio, quam nos matrimoniũ appellamus,
 ita intelligi posse cõserem, ut quãuis omnium ani-
 malium communis natura sit, sintq; quedam &
 inter se animalibus reliquis, & cum bestijs homini
 communia, extrema tamen, & summa, distincta
 inter animalium genera, & dissipata sint, & sua
 cuiq; propria, & ad id apta, quod cuiusque natu-
 ra desiderat. Nam ut omnium artium rectè dici
 potest commune esse, ut in aliqua scientia verse-
 tur, scientia autē sua cuiusque artis est: sic & ma-

ris & famina cōiunctio omnium animalium se-
 cundum naturam est, sed natura diuersa sunt: ut
 aliud equo sit natura, aliud boui, aliud homini, &
 tamen in omnibus summa communis. Quare cum
 dicimus præcepta iuris naturalis omnibus animã
 tibus, quæ in calo, quæ in terra, quæ in mari nascun-
 tur, communia esse, non ita accipiendum est, quasi
 dicamus unum esse omnium extremum: sed ita eis
 hunc appetitum conseruandi sui, tuendiq; uitam
 à natura datum, ut simili, non eodem fine custo-
 diant se, quàm in optimo sui generis statu: sicq; ma-
 ris, & famina cōiunctionem, liberorumq; procrea-
 tionem, ita naturam omnia animalia docuisse, ut
 seruent tamen illam species, unaqueque, uti natu-
 ralis ei insita ratio persuadet. Quo fit ut non so-
 lum homines, sed & animalia quædam, in quibus
 ad educationem prolis est insita sollicitudo, ser-
 uent quoque hanc indiuiduam cōiunctionem, ut
 turtures, & columba, quæ autore Plinio, coniugij
 fidem non violant, communemq; seruant domum.
 Ea enim sunt unicuique generi de iure naturali,
 quæ ratio naturaliter demonstrat esse conuenien-
 tia, & utiliora ad conseruationem eius speciei.
 Unde cum ratio apud homines naturaliter vi-
 deat,

deat, ad procreationem, & conseruationem generis humani, coniunctionem vnus solum ad vnã decet iorem esse, eam naturaliter apprehendit, vti stirpem, ex qua maxima oriuntur amicitia cognationum, vt & salua sit, & in genere conseruetur suo. Vnde merito reprehenduntur Bald. in. l. 1. §. ius naturale. ff. de iust. & iur. & Joan. de Plat. instit. eod. tit. in prin. qui fornicationem aiunt esse iuris naturalis, sententiam iam pluribus damnat am iuribus. c. 2. 1. dist. & c. non est peccatum. §. in lege dist. 6. & c. predicandum. 22 q. 1. t. alique ratione facile reprehendendam. Si procreatio, educatioq; liberorum hominibus naturalis est, vt certè est. d. §. ius naturale, & etiam successio, vt in. l. cum ratio. de bon. damnat, hac autem esse non possunt, si coitus incertus esset, ac vagus: ergo & media, per qua ad hac peruenitur, id est, matrimoniũ, certaq; nuptia, eis de hominibus, eiusdem iuris naturalis erũt. Sæper enim in promptu illud habendũ est, quãtũ natura hominis, pecudibus, ceterisq; brutis animalibus antecellat: illa enim nihil sentiũt, nisi voluptatẽ, ad eãq; feruntur toto impetu, hominis aut mens discendo alitur, & cogitãdo semper aliquid aut inquirat, aut agit. Quod si quis malo cultu

est paulò ad voluptatem propèsior, modo ne sit ex pecudum genere, quãuis voluptate capiatur, occultat, & dissimulat appetitũ voluptatis, propter verecundiam. Ex quo intelligitur corporis voluptatẽ, alio modo ceteris animalibus, ferisq; bestijs à natura insitam, longè aliter homini rationis participi, ab eadem natura concessam, neque extra matrimonium, & legitimas nuptias, satis esse dignam hominis præstantia, sed potius cõtemni eã, ac reijci ab eo oportere. Illud iã sequitur, ut videamus, qua corpori sint tribuenda, & quantũ eius causa laborare hominem deceat. Quia verò innumera-
 27 bilia sunt, qua hac de re dici possunt, omisis ceteris omnibus, illud unum veluti regula sit, in omnibus rebus, vel appetẽdis, vel repudiãdis, uniuscuiusq; rei dignitatem aestimandam esse, ut semper honestas utilitati præferatur, ex duobus honestis, utrũ honestius: ex duobus utilibus, utrum utilius sit cõsideretur. Si enim pro conseruanda minori, ac viliori re, qua potiora sunt amitteremus: si pro cõseruanda re propria, hanc humanitatem, coniuncti-
 28 onemq; communem violaremus, iusti nequaquam
 per-

permittit: ut q₂ vim, atque iniuriam propulsemus, contendit, qua de re, et si multa à doctoribus pro certo sunt tradita, qua saltem in dubium reuocari possent, verum eius tantum rationis exordium examinabimus, qua eū nobis interimere licet, qui vitæ nostræ finem intēdat: ut ea cognita, facile perspicipi possit, ita ne latè pateat, & sit eius rationis adeo spatiosus cāpus. Platolib. 9. de repub. (ut & autor est Cicero lib. 1. Tuscu. quæst. tres partes animi dixit esse, cuius principatū, id est, rationē, in capite, sicut in arce posuit, & duas reliquas superare voluit, iram, & cupiditatē, quas suis locis distribuit: irā in pectore, cupiditatem subter præcordia locauit. Ex quibus intelligendum est, datas esse à natura animantibus appetitiuē, declinationemq₂, ut altera conatum habeant ad naturales pastus, quæque ad propriā attinent cōseruationē exoptēt, appetātq₂; altera secernāt pestifera à salutariibus totoq₂ pectore, ac viribus ea declinent, qua nocitura videntur, audacterq₂ resistent, si pericula sibi quis intendat: atq₂ idē hominibus, & à natura insitū, & à ratione concessum esse, imo præceptū, ut rationi appetitus inserviant, concupiscibilis quidem, qua ad vitā sunt necessaria concupiscens: irascibilis autē

lis autem quidquid huic vitæ, & cōseruationi offi-
 cit, & damnum dat, repellens omninò, & sese pro-
 totius, scilicet animi, & corporis cōseruatione, for-
 titer quibusuis opponens periculis: quod omninò ius-
 tum, æquū, & naturale est. Qui igitur me oppu-
 gnat, nititurq; interficere, ille iniuste, & iniquè agit
 quapropter cum in repub. cōmuniōneq; hominum,
 mea vitæ ad illius vitæ sit aqua proportio, ille me in-
 iuste inuadat, ego me iuste defendam, possum omni
 natura, iure, & æquitate permittente (dū modo de-
 fensionis limites nō trāsgradiar) illius interitu, ac
 sepultura, meā lucem, vitæq; redimere. Et hac est
 decidendi ratio. l. ut vim. ff. de iust. & iur. l. i. ff. de
 vi & vi. armata. l. iniuriarū. ff. de iniurijs. l. itaq;
 l. sed & si. ff. ad l. Aquil. c. significasti. de homic. c. si
 verò de sent. exco. & c. ius naturale dist. i. Quibus
 iustissimè disponitur, ubi legibus uti non licet, ubi
 importunū hostem iudicio frangere non possumus,
 ubi iudicia ipsa vis impedit, ac tollit: audatiā vir-
 tute, furorem fortitudine, temeritatem cōsilio, ma-
 num manu, vim vi superare licere. Ea nempe cau-
 sa, quòd in hominum, (ut dixi) cōmunitate, in pa-
 ri sit gradu, atque ordine, utriusq; hominis vitæ,
 29 atque salus. Hac verò ratio, quam ceteris opinio-
 nibus

bus nõ succurrat, facile cuius licet perpendere. Li-
 ceat ne ei, cui dictum est, mihi vindictã, & ego
 retribuam, & iterum, si quis te percuserit dex-
 teram maxillam, præbe ei & alteram: pro in-
 nani, mundanoq; nomine honoris (qui nisi virtutẽ
 tanquam umbra sequatur, comesq; sit rectè facto-
 rü, nihil profectò in se habet cur expetatur) eũ vi-
 ta priuare, quo cũ artissimã naturã, caelestiq; con-
 iunctione coniunctus est, dumq; caduca, mortalia,
 & vilipendẽda fortuna bona is defendit, cui dictũ
 est, ne de crastino curet: sanctã, inuiolabilem q; na-
 tura societatem violare: non ea res est, qua trans-
 cursim tractanda, examinandaq; sit: dabitur ali-
 quãdo fortasse locus, quo hac curiosius possimus cõ-
 quirere. Propriam enim vitam, salutem, & incolu-
 mitatẽ, alterius vitã, salutem, & incolumitati pra-
 ferre, natura prescribit, nulla lex vetat. Vt de sua
 quisque fama, honore, & gloria, potius quã vicini
 laboret, natura cuiq; insitũ est, omniq; iure cõcessũ.
 Atq; ut sibi quisq; malit, quã alteri acquirere, cõ-
 cessum est, non repugnãt natura, ea tñ lege, ut in
 hisce rebus iusti seruetur gradus, & vniuscuiusq;
 pondus aqua læce p̄setur. Detrahẽre enim alteri
 sui cõmodi causa, magis quã mors, quã dolor, quã

cater a generis eiusdem contra naturã esse, omnes philosophi tradiderunt, & legibus non solum natura, vel gentium, sed etiã populorũ, quibus singula ciuitates utuntur, cõtinetur. Sed de his hæcenus. De hac enim re statutum est, amplius pronuntiare, ut quodcũq; maximè probabile occurrerit id pro meo iure, quouis tempore liceat defendere. Sat est intelligi id sumere istos pro certo, quod dubium controuersumq; sit. Illud unum non omittam, quod August. scripsit lib. 1. de lib. arbit. *Quomodo, inquit, apud diuinam prouidentiam à peccato liberi sunt, qui pro his rebus, quas contemni oportet, humana cade pollutisunt? caput verò illud, quod plerique doctorũ pro se allegat, scilicet, inter fecisti, de homicid, optimum esset fundamentum eorũ, qui contrariã opinionem tueri uellent, & sustinere: cum sint apertissima rescripti uerba dicentis. Si autẽ sine odij meditatione, te, tuaq; liberandò, huius diaboli membra interfecisti. Non dixit bona tua defendendo sed quod longè diuersum est, te, tuaq; liberando. Et ne quis hat paradoxã putet, licet illam glossẽ sententiã (quòd pro defensione rerum liceat occidere, teneat Bart. in l. 1. C. unde vi, & dicat esse cõmunem opinionẽ Jasso. in. d. l.*

ut vim. num. 23. § Decius num. 31. contrariā ta-
 men scilicet quod pro defensione rerum, non liceat
 quemquam occidere, firmiter Anania, § Panor-
 mit. in. c. 2. de homi. quos acriter defendit, § respon-
 det contrarijs Fortunius, in d. l. ut vim, dicit q₃ esse
 commune scitum Canonistarum Felin. in. c. 2. §
 in. c. suscepimus, § in. c. petiero de homici §, dd. in
 clem. 1. eod. tit. Vnde ad illam quæstionē inferri so-
 let, an is cui aqua, igni, tecto, interdicitū est, si quis-
 quā eum velit offendere, possit se iustē defendere.
 Cui facile respondetur, ex communi omnium iuri-
 speritorum sententia, dicentium, quod banniti se
 iustē defendunt, repellunt q₃ armis, offendere volen-
 tem, eanempe causa, quia defensio est iuris natu-
 ralis, deportati verò, seu banniti non amittunt ea,
 qua sunt iuris naturalis: ut probatur in. l. quidam
 ff. de pen. § docent Bart. in. d. l. ut vim, § Fortu.
 in. l. gallus. § § quid si tantū. ff. de lib. § posthu. §
 in. l. conuentionum. ff. de pact. De adultero quoq₃ se
 defendente, quid sit dicendū, tradidit Fortunius in
 d. l. ut vim, § in tract. de ultimo fin. utriusque mi-
 ris, illatio. si. nu. 139. § Anto. Com. in. comen. ad
 l. 80. Tauri. Illud verò notādum, quod qui se defen-
 dit, etiam si modū defensionis excedat, quavis in
 eo quod

eo quod excedit, iniuste agat, non tamen punitur pena ordinaria, propter initium iustum, & occasione initio iusto sumptam, ut patet in l. si adulterium. §. si imperatores ad l. Iuli. de adulterijs, & in c. significasti de pan. et remissio, & in l. nec timore. ff. quod metus causa. Imò quavis adulter, vel fur occasione dederit, iuste timet, nec valent promissiones, quas timoris causa fecerit: quã conclusionem explicant Bald. & recentiores in. d. l. ut vim. Quod autem Lanfran. Balbus in decisio. suis centu. 4. decisione 360. dicebat, eum qui occidit, se defendendo, nõ puniri morte, sed aliter, etiam defensione non probata, quod idem sentire videtur Guillel. benedict. in rep. c. Raynutius, de testam. in parte, qui cū alia: ego non ita facile asseuerarem. Illud certius est, de
 33 defendentem se ipsum non peccare, adeo quòd etiam si occidat, vel membrum abscindat, nullam ex hoc irregularitatem incurrit. Quam cõclusionem exanimare non necesse est, cum habeamus iam constitutam auctoritatẽ Pontificis, aperte id disponetis in clem. 1. de homici. ante quam nonnulli contrariũ tenebant. Neque illud quoq; tẽpus est discutiendi, quòd glo. in verb. nã iure, ait leges hã iure fori procedere, secus verò esse iure poli, inueniens peccare se
 5
 dampno
 defen-

defendentem: cum licet ei consentiāt Jasso. colu. 5.
 Bart. in. l. 1. §. si quis simpliciter. ff. de verbor. oblig.
 § Abb. in. c. 2. de homici. Contrarium tamen mul-
 tis tenent rationibus Paulus, Ange. Deci. Fortu. in
 d. l. ut vim, Anani. in. c. sicut dignū, nu. 43. de ho-
 mici. § Bald Perusi. in. l. 1. num. 48. colu. 8. C. un
 de vi. Caterum quod ad illud attinet, unde princi- 34
 piū, § fundamentū sumitur harum omniū sen-
 tentiarum, disputationūq., quòd Vlpianus inter
 ea quæ iuris gentium sunt, retulerit, ut vim, atque
 iniuriam propulsemus, cum apertissimè constet, de
 fensionem, tuitionēq., sui, esse iuris naturalis, omis-
 sis multorum sententijs, § ad hanc definitionem
 ampliationibus, § limitationibus, duplici id modo
 potest intelligi. Primum, quòd quavis defensio sit
 propriè iuris naturæ: quod negari non potest, si qui-
 dem dente lupus, cornu taurus petit, quòd unde, ni-
 si intus monstratum? quia tamen usu gentium id
 tenetur, § ab usu gentium sumit auctoritatem, iu-
 ris gentium id esse dicitur. Decius aliter, scilicet de
 fensionem ipsam iuris quidem naturalis esse, omni-
 busq., animatibus communem iniuriam verò, qua
 ex precedenti vi resultat, esse iuris gentium. Mi-
 bi prima solutio magis placet.

- 1 **V**BI iustitia munus esse, suum cuique tribue-
re, probatum est, quidque animo dandū, quid
corpori tribuendum, ostendimus, illud nostri mune-
ris esset, de duabus iustitia partibus agere, distribu-
tiva scilicet, & commutativa. Cum enim in repub.
in qua iustitia aequitatē constituit, duplex sit ordo,
videlicet totius ad partes, & partiū inter se, neces-
se est duobus illis ordinibus, duas itidē iustitia par-
tes adaptare, docēt Arist. lib. 5. eth. cap. 2. Nec est
quod moremur in refutādis quorūdā vanis opinio-
nibus, quibus hac philosophi sententia displicet. Pars
illa iustitia, quae est totius ad partes, puta quae cōmu-
nia bona civib⁹ dispēsat, nominatur distributiva, al-
tera, quae aequitatē servat inter partes, nūcupatur
cōmutativa. Vtriusq; aut iustitia, scilicet distributiva,
quae cōmutativae mediū, equalitas, equalitatis ve-
rō nō eadē ratio, & proportio. Vel enim cōstituitur
inter dantē, & accipientē, ut quantū accipies acci-
pit à dāte, & tantū accipiat dās à recipiente, quae equali-
tas in emptionibus, vēditionibus, rētributionib⁹, ius-
titia cōmutativa vocatur: vel alio modo constitui-
tur equalitas inter duos, quorū quilibet est recipies
quia

quia uterq; recipit mensuram, iuxta suam conditionem equaliter, quamvis in re recipiat inaequaliter, & in hoc consistit distributiva. Atque ex hoc patet duplex differentia utriusque iustitiae: prima quòd commutativa est equalitas quantitatum in datis, & acceptis: ex eo nempe quia recuperat dans, quantum dedit. Sicuti cum vendit quis equum, qui valeat centum aureos, equi cum pretio iuxta commutatio est. Inter quos verò non potest esse equalitas in datis, & acceptis, non reperitur proprie iustitia commutativa. At iustitia distributiva nõ requirit equalitatem quantitatum, sed proportionis. Non enim oportet quòd distribuens bona communitatis, eandem quantitatem det omnibus: sed cui libet secundum suam proportionem, cum aliud debeat primum equiti, aliud gregario militi. Altera differentia est, quòd iustitia distributiva primò respicit proportionem personarum, ex qua concludit proportionem rerum distribuendarum, secundum debitam conditionem personarum. Iustitia verò commutativa primò respicit habitudinem rei ad rem, ut patet in emptionibus, & venditionibus: vel habitudinem actus ad passionem, ut in iniurijs vindicandis, seu puniendis. Ad conditionem autem personarum

persona nunquam propriè respicit, sed ex conse-
 quenti, quando conditio persona adauget quanti-
 4 tatem rei, vel iniuria. Quo fit, ut maior iniuria sit
 magistratum, quàm priuatum percutere. Vt has
 autem propositiones iuri nostro adaptemus, scire
 oportet iuridicalem causam eam esse, in qua aq̄ui
 • Et iniqui natura, præmiij, aut pena ratio contine-
 tur. Quod aperte firmat iurisconsultus dicēs, bo-
 ni & equi notitiam profitemur, equū ab ini-
 quo separantes, licitum ab illicito discernen-
 tes, bonos non solùm metu pænarum: verùm
 præmiorum quoq; exhortatione efficere cu-
 pientes. Quod dicere, nihil aliud est, quàm iusti-
 tiam, ut nos suprà fecimus, in commutatiuam, Et
 distributiua diuidere. Omnis enim Et præmiij, et
 pena ratio, ad distributiua pertinet, aq̄ui verò,
 Et iniqui natura, ad cōtractus, Et commutationes
 attinet, de quibus tot, tantisque, ac tam innume-
 rabilibus iurisconsultorum libris agitur. Cate-
 rum præmiorum, pænarumq; silua latissima est, de
 5 qua nos postea nonnulla dicemus. Nunc unum
 tantum, atque alterum distributiua exemplū pro-
 ponamus. Iulianus iurisconsultus in. l. 13. ff. de lib.
 Et posthu, acutissimè ita scripsit. Si ita scriptū sit,
 si filius

si filius mihi natus fuerit, ex beſſe hæres eſto: ex reliqua parte vxor mea hæres eſto, ſi verò filia nata fuerit ex triente hæres eſto: ex reliqua parte vxor hæres eſto. Si filius & filia nati eſſent: dicendū eſt aſſem distribuēdū eſſe in ſeptē partes: vt ex his filius quatuor, vxor duas, filia vnā partē habeat. Ita enim ſecundū voluntatē teſtantis filius altero tanto amplius habebit, quā vxor: item vxor altero tanto amplius habebit, quā filia. *Cuius distributionis ratio ex ſuperioribus apertiſſima eſt. In hac enim ſpecie iuſtitiam conſtituit teſtatoris voluntas, quam pro lege ad vnguē ſeruari, iura conſtituunt. Voluntatem autem teſtantis eam eſſe conſtat: vt mater duplum habeat ad filiam, filius verò duplum habeat ad matrem. Si & filius, & filia nati ſint, minimos numeros querere oportet, & ſecundum eos partiiri. Sunt autem in hac hypotheſi minimi numeri, vnum filia, duo matris, quatuor filij. Qui ſimul omnes collecti ſeptem efficiunt. Alterum exemplum eſt in l. 80. ff. de leg. 1. Is, inquit, qui ſola triginta reliquerat Titio triginta legauit, Seio viginti, Meuiodecē. Maſſurius Sabinus probat Titium quindécim: Seiū decem, Meuiū quinq; cōſecuturos.*

Ad quam formam & mille alia causa facile pos-
 sent proponi, nulloq; negotio in eis recta distributio
 constitui. In commutativa multò aliter se res ha-
 bet. Debitum enim inde consurgit, quòd res fuit ab
 7 altero possessa: ergo nullo habito meritorum, perso-
 narum respectu, oportet unicuique tantùm referri,
 quantum ipse contulerat, ut verbi causa. Quintius
 atque Sulpitius cum societate inirent, ut etq; quin-
 que habebat, mutuo Sulpitius unum Quintio de-
 dit, unde duobus plura, quàm ille habet: exigit iusti-
 tia commutativa, ut Quintius Sulpitio, quòd suum est
 reddat, quodque mutuo acceperat, solvat, nulla
 personarum qualitate, aut conditione aestimata. Ea
 ratione, quòd inter quoscunq; lege, aut more contra-
 ctus celebratur, commutativa iustitia non debet
 variari. Si Sempronius Titio servum vèdat, quin-
 quaginta aestimatum aureis, quinquaginta aureos
 reddere Titium Sempronio aequum est. Quòd si ille
 pro mancipio, equo, veste, domo,ve plus exigat, quàm
 iusta aestimatione res valeat, iniuste agit, nec minus
 ille, si viltori pretio, quam aequum est, emat. Hic enim
 est finis commutativæ iustitiæ, ut in emptionibus, ven-
 ditionibus, permutationibus, ceterisq; contracti-
 bus, æqualitas omninò servetur. Unde formula illa
 in arbi-
 b.

in arbitrio rei uxoria. Melius, æquius. in fiducia.
 vt inter bonos bene agier oportet, & sine
 fraudatione. *Et illa etiam in contractibus.* vt ne
 propter te, fidem uē tuā captus, fraudatus uē
 sim. *Atque hac quidem satis de hac iustitia diui*
sione: nam quod de proportionibus Geometrica, Et
Arithmetica hac occasione disputari solet, reli-
qua sꝑ huius virtutis partitiones, non est cur refe-
ramus, quæ à multis, Et philosophis, Et iurisconsul-
tis sunt tradita: interqꝫ reliquos à Corasio de iuris
arte. 1. part. c. 23. Et Roscio lib. 2. memorabiliū. c. 2.
Ex quibus omnibus ad explicationem deueniendū 8
esset. In causa. §. idem Pomponius. ff. de minor. Et
litem si quaritur. §. quemadmodum. ff. locati. ubi
Paul. Et Ulpianus asserunt, in pretio emptionis, Et
uenditionis naturaliter licere contrahentibus se
circumuenire. Quod Fortunius intelligit in tracta-
tu de ultimo sine utriusqꝫ iuris, illatio. 17. colu. 62.
nu. 197. ut quemadmodum in emendo, Et venden-
do naturaliter concessum est, quod pluri sit, mino-
ris emere, quodqꝫ minoris sit, pluri vendere, ita in-
uicem circumuenire. Circumuentio ergo debet esse
secūdum licentiā naturalem, quæ est, ut pluri ven-
datur. Itaque intelligendum est, non licet natura-
D
liter

liter, se circumuenire: sed licet, se circumuenire naturaliter, id est, circumuentione naturali, absq; fraude doloue. Aliter intelligit Didacus à Conarruias extheologorum, ac iurisperorũ doctrina considerans, quod iustum pretium rerum nequaquam consistit in puncto indiuiduo, sed in mediocritate quadam, qua latitudinem habet per gradus, est enim cuiusque rei pretium triplex: supremum, infimum medium. Nec potest acciderere rem aliquam ita precise ualere centum, ut nec ualeat plus, nec minus, ualeat namque pretio medio centum, pretio supremo centum & quinque, infimo nonaginta quinq; atque in hoc triplici pretio, iniquitatem negat posse consistere. Quomodo affirmat intelligendum quod in prædictis iuribus dicitur, licere naturaliter contrahentibus in pretio emptionis, & venditionis se circumuenire, modo ea deceptio, intra latitudinem iusti pretij, & eius mediocritatem contingat, alioquin licere non posse naturaliter, neque ulla lege probari. Vel iurisconsultorum responsa, ad mutuam, tacitamq; contrahentium indulgentiam pertinere ait, que condonare uidetur, ob naturam contractus modicam lationem. Siquidem impedirentur commertia, si semper exacta illa pretij aequalitas foret.

anxiè,

anxiè, & scrupulosè consideranda. Aliter quoque rem istam explicat Domini, Soto lib. 6, de iust. & iur. q. 2. art. 3. dicens sensum illorum iurium non esse, ut ceteri putant, intra latitudinem iusti pretij, quia intra hos carceres nullum habet locum deceptio, neque ulla opus est remissione, cum tota latitudo iusta sit. Sed intelligendum citra dimidium iusti pretij, & ideo ait naturaliter, quia humanum ingenium, lucri avidum, in culpa est. Quare, licere, illic non est idem, quod sine culpa, sed impune in humano foro. Quorum omnium sententia Ario Pinelo non placent, qui bonis rationibus, et auctoritatibus interpretatur, naturaliter, id est iure gentium, in prima parte. c. 1. numer. fina. l. 2. C. de rescind. vendi. Legitimè autem fieri posse hanc interpretationem multis exemplis docent Covarsius de iuris arte. 2. parte. c. 5. & Roscius lib. 2. memorabi. c. 7. & 8. Postremò Antonius Menesius in l. 2. C. de rescind. vend. nume. 10. sex modis hunc nodum explicat eleganter. Atque de ea re hæcenus. Nunc quando præclarissimam omnium virtutum iustitiam, suum cuique reddere mostrauimus, de iure, id est de arte, qua id fit, pauca dicamus.

I N A M vt eleganter Celsus definit, ius est
 ars boni, & æqui. *Quam definitionē ad eò
 multis modis nostri dd. contorquent, vt singulas
 eorum sententias referre, singulaq; argumenta re-
 2 felleret, quasi Hydra capita esset amputare. Accur-
 sium & Vacca artem, id est sciētiam finitam inter-
 pretantur. Alij artem, id est hominis artificium, ex-
 ponunt. Corfa, de iure civili in artem redigen, ar-
 tem, hoc est collectionem, ac sciētiam omnium præ-
 ceptorum boni, & æqui intelligit: alij artē, pro exer-
 citio, usurpant. Lorientus Salinien, artē pro reā
 rei faciēda ratione, seu præceptione accipit: vt sen-
 sus sit, ius est reā boni, & æqui faciēdi præceptio.
 Quod verò ad bonum, & æquum attinet, Budaus
 equitatem intelligit, Lorientus æquum à bono dif-
 ferre existimat, vt species distat à genere. sed ubi
 bonum, & æquum dicitur, pro sola equitate acci-
 piendum docet: & bonum, maioris tantum decla-
 rationis causa ponit, quoniam copula, &, posita in-
 ter genus, & speciem, genus ipsum per speciem re-
 stringere, & declarare solet. Alciatus bonum ab
 æquo, Accursium sequutus, separauit. Zasius nos
 iubet*

iubet intrepidè tenere contrariam sententiam, interpretaturq; ius est ars boni, & aequi, id est regula iustitia, ad temperamētum comparata. Antonius Vacca ius tantum civile diffinire Celsum putat: et artē boni, & aequi, id est aequitatis, & iustitia. Marius Salomonius dum pleniorē ex suis problema tibus subit interpretationē, quid causa est, inquit, quòd Ulpianus, siue Celsus ius artem appellat, & nō scientiam? de officio, respōdet, boni viri Celsus loquitur, quod in actiōe versatur: ideo ius est ars, intelligo exercitiū boni, & aequi viri, veluti virtus dicitur ars boni hominis, philosophia ars sapientia studiosi, & iniqui ars nequitia. Nō enim de iurisō sultorū hic agitur sciētia, qua est, nō ignorare quid quid legib⁹ scriptū, prudētiumue auctoritate digestū est, in qua cognitione nullū artificiū requiritur, prater assiduā lectionē. Ars itaq; iuris cōsulti, id est boni, & aequi viri, in aequitate colenda cōsistit, qua nullo scripto, sed sola recta ratione cōtinetur, & in gerio sapientis cōcipitur, duce iustitia, atq; magistris, hac Marius. Ferrarius autē Montanus bonū ab aequitate quodāmodo separare videtur, cum ait, certè quòd boni simus, ad nos quoq; redūdare solet, quòd verò aequi, ad alterū tantum, id quod precipuè,

iustitia munus est. Coras. boni, & equi, inquit, hoc est, iustitia, et aequitatis, non verbis, aut literis legum conclusa, sed in mente, ac ratione legis posita: hanc esse ait benignam iuris interpretationem, cui strictum ius oppositum sit. Quid referam, quod obscuris sensibus, & tenebrosis, Bart. hoc loco de materia copulativa disputat? Quid eloquentiam plenam Paul. Castren. inuectivam contra idiotas mercatores recensentem, qui se aequitatis magistrorum pradicant, atque legis peritios continent, dicentes, quod vadunt per cavillationes? Quid Alberici transcribentem interpretationes, ac commenta, meo certe rudi ingenio, adeo flexiloga, & tortuosa, ut interpres egeat interprete? Quid illam Baldi indoctam, ne dicam turpem, assertionem reprehendam, qui dum materiam copula intrare festinat, illud quod minimè decebat, fatetur: leges quasdam esse bonas, equas verò minimè, aliasque reperiri aequissimas, quae certè bonae non sint. Dies me primum desideret, quam hac mostra numerare, non dico superare. Ego sic existimo, agi hic non de iure publico, vel privato, non de iure stricto, neque bona fide, non de iure naturali, neque civili: hanc omnium enim partium, genus, est ipsum ius per se sumptum, et vii supra omnia omnium regula consideratum. Quapropter ampliori

pliori nos modo cōsideremus, si quicq̄ p̄ficere possi- 4
 mus. Deū, nō aliud quippiā causam esse cōdēdarū
 legū, legumq̄, latores, non ad aliud, q̄ ad amplitudi-
 nē virtutis p̄spicere oportere, ut eis utentes, beati
 efficiantur: vel hi, qui philosophiā supremis labris
 gustarūt, nō solum qui se bene intus insinuarūt, nō
 dubitant. Quo fit, ut id maximē legūlatoribus sit
 curandū, si quid modo p̄futuri sunt, ut sensim in
 ciuitate, bonū et aq̄uitatē disseminent: qua si ciues,
 vel p̄ amiorū expectatione, vel p̄nārum metu ob-
 seruauerint, et coluerint in beata Repub. beatam
 prorsus, atq̄, felicē vitā degant. Sunt aut̄ bona du-
 plicia: alia humana, diuina alia, p̄dent q̄, à diuinis
 humana. Si qua verō ciuitas maiora suscepit, mi- 5
 nora quoq̄, possidet: sin aut̄ illis caret, vtrisq̄, priua-
 tur. hac bona Plato lib. 1. de Ill. ita partitur, Mino-
 rum, inquit, primum est sanitas, forma secūdum,
 tertium vires ad cursum, ceterosq̄, corporis mo-
 tus, quartum diuitia, quae caecae non sunt, sed acutē
 cernunt, si prudentiam sequūtur. Quae quidē pru-
 dentia, diuinorum bonorum dux prima existit.
 Deinde post mentē temperatus animi habitus. Ex
 his duobus, cum fortitudine mixtis, iustitia tertio
 emergit. Fortitudo quartum tenet locum, quae

omnia humanis illis natura praeponitur. Quare oportet ut legis quoque lator, et ipse hunc ordinem sequatur, et mādēt omnibus, ut semper ad haec ipsa respiciēt et in singulis operētur: humana enim ad diuina, diuina uerò ad mentē principem referenda sunt. Nunc ius uniuersum circa hanc bonorū partitionē, id est senatus prudentiā, proconsulū, et praesidū temperantiā, praetorū, et magistratū iustitiā, imperatorū, et ducū fortitudinem versari: neque quidquā quod ad sanitatē ciuiū, formā urbis, atque reip. vires militū, reliquaquē, quae populo sint necessaria, à iure praetermitti, apertissimis ostēdamus exemplis. Ac Primum quantū valetudini nostra prospiciat iuris prudentia, edicto adiliū curuliū ostenditur. ff. de adili edicto in. l. hi enim, cū sequēti, quo cauebatur, ne quis canē, verrem, vel minorē aprū, lupum, vrsū, pantherā, leonē, uel aliudue quod noceret animal, siue soluta essent, siue alligata, ut contineri vinculis, quo minus dānum inferrent, nō possent, quae vulgo iter fieret, ita habuisse velit, ut cuiuspiā nocere, dānumue dare posset. Si aduersus ea factū fuisset, et homo liber ex ea re perisset, solidi ducenti, si nocitū homini libero esse diceretur, quanti bonū, aequum iudici videretur, cōdemnare

tur, caterarū rerum, quanti damnū datum, factū
 ue esset, dupli. *Quin* et Paul. i. c. vel ipsas delicias
 nobis querere, et procurare videtur in. l. i. ff. de ex-
 tra. cri. fit (inquit) iniuria cōtra bonos mores,
 veluti si quis fimo corrupto aliquē perfude-
 rit, ceno, luto oblinuerit, aquas spurcauerit, fi-
 stulas, lacus, quidue aliud ad iniuriā publicā cō-
 taminauerit, in quos grauiter animaduerti so-
 let. Cōtra quos similiter et plato lib. 8. de ll. ita dispo-
 nit. Si quis spē alienā aquā, siue scaturientē è fons-
 tibus, siue collectā, veneno, aut foveis, aut ablatio-
 ne corruperit, ad a diles deferatur, vbi si deliquisse
 cōuincitur, dānum restituat, et fontes, aut aquarū
 vasa, vt interpretes singulis faciendā semper pur-
 gationē iudicauerint, ita purget. De qua eadem re
 insignis est Imperatorū Archa. et Honorij dispositio,
 in. l. cū supra. C. de re mili. li. 12. Cū supra virē-
 tes (aiūt) fluminū ripas, omnis legionū multi-
 tudo cōsistit, id eò prouida authoritate decer-
 nimus, vt nullus omninò immūdo fimo sor-
 didatis fluētis, cōmune poculū polluat: néue
 abluēdo equorū sudores deproperans publi-
 cos oculos nudatus incestet, sed pcul à cūcto-
 rū obtutibus in inferioribus partibus fluuiorū

rū hoc ipsum faciat. *Ulpia. quoq; quā sit de hominū salute curiosus, et in omni ordinatione politus, perspicite. i. lib. 71. ad edictum. siue in. l. i. ff. de Cloac. ita ait.* Curauit autē prætor per hæc interdicta, vt cloacæ & purgētur, & reficiant: quorū vtrunque ad salubritatē ciuitatū, & ad tutelā pertinet. Nā & cælū pestilens, & ruinas minatur immūdicie cloacarū, si non reficiāt.

Quamobrē è Rep. certè statutū est in. l. de pupillo. ff. de noui oper. num. Si quis riuos, vel cloacas vellet reficere, vel purgare, operis noui nuntiationē merito prohiberi: cum publicę salutis, & securitatis interfit, & cloacas, & riuos purgari. *Quid quod in. ll. 12. tabularū sancitū erat, in urbe ne sepelito. Et quod D. Adrian⁹ in. l. prator ait. ff. de sepul. violat. rescripto pœnā statuit quadraginta aureorum in eos, qui in ciuitate sepeliunt, et locū publicari iussit, Et corpus transferri, mortuorum ne causa credimus stabilitū, an viuorū potiùs cōmodo, Et salubritati cōsultum? innumera certè sunt, quæ referri possent, si infirmis, Et aduersa valetudine cōsuetudinis, à iure data privilegia, essent numeranda. Illud solummodo pponamus, quæ Iulian. I. C. scripsit, in. l. quasitū. ff. de re iudi, vt apertissimè pateat, esse iuris prudentiā, de ciuiū valetudine mirū in modum solici-*

solicitã, quęsitũ est (*inquit*) cũ alter ex litigatorib⁹ febricitans discessisset, & iudex absente eo pronunciaſſet, an iure videret^r pronunciaſſe, reſpõdit. Morb⁹ fonticus, etiã inuitis litigatorib⁹ ac iudice, diẽ differt. Sõticus aut̃ exiſtimãdus eſt, qui cuiuſq; rei agendæ impedimento eſt. Litigãti porrò quid magis impedimẽto eſt, q̃ motus corporis cõtra naturã, quẽ febrẽ appellãt? Igit^r ſi rei iudicãdę tẽpore, alter ex litigatorib⁹ febrẽ habuit, reſ nõ videtur iudicata. *Quid nunc oſtendã, morbũ à pœna, à mora, à reſidentia, à datijs, & gabellis, à contumacia, à curſu p̃ſcriptionis excuſare quẽq;, cui male ſit? Notiora ſunt hac, q̃ ut vobis ſapiẽtiſſimis, et erudiſſimis viris p̃ponẽda ſint. Illa vna re partẽ hãc concludam⁹, quã argumẽto. l. huiuſmodi. §. legatũ. ff. de leg. 1. notãt Petr⁹, Cyn. Bal. Ange. Nicol. de Neapol. et Paul. de Caſ. ſcilicet q̃ natus extra ciuitatẽ tẽpore peſtis, ſingitur nat⁹ in eaciuitate, qua propter morbum mater auſugerat. Ex qua concluſione inferunt ad ſtatutũ, quo caueretur, nullũ in collegio admitti, niſi ſit nat⁹ in ciuitate, vel niſi ſit ciuis originarius. Quam deciſionem audact̃er etiã approbant Ioann. de Plat. in. l. filios. C. de muni. & orig. lib. 10. et Panor. in. c. Rodolpb⁹ de reſcr. Felin⁹ q₂ affirmat*

affirmat, fuisse practicatũ in sua persona quã: opi
 nionẽ cõmuniter dicunt receptã Lancelo Deci. in. l.
 bares absens. §. proinde. ff. de iudic. et Frãc. de Rip.
 in tractatu de peste. Hanc aut conclusionẽ vnã ex
 multis libuit annotare, quòd videã esse utilẽ, & pra
 cticabilẽ, tam in beneficijs patrimonialibus, quã in
 II pragmatica sanctione Hispana, qua cauetur, ne
 quis extra Hispaniã natus, beneficia ecclesiastica,
 neq; ullos ecclesiasticos redditus, possit in Hispania ob
 tinere. Quares nõ procederet, si morbũ mater au
 fugiens filium pareret, fingeretur enim ille natus, si
 ue in ciuitate, vnde erat oriũdus, ad patrimonialia
 beneficia, siue intra regnum, ne lege regia à fructi
 bus ecclesiasticis pelleretur. Quòd si subsistente ra
 tionis idẽtitate, argumẽtum de morbo ad bellũ va
 lere cõcludunt Bar. in. l. naturaliter. ff. de vsuc. A
 lex. cons. 30. lib. 5. et Panor. cons. 3. & cons. 18. lib. 2.
 notanda certè ampliatio est, & vt causidici solent
 dicere, de pane lucrando, ad ea qua paulò ante de
 monstrauimus. Sed quandoquidẽ satis probatũ est
 id maximè leges nobis cõmendare, vt firmi, valen
 tes, & sani simus, nihilq; à nobis, nisi prorsus confir
 matis, cõmodè, & per valetudinẽ iura poscere, de
 12 formaiã sequitur, vt pauca dicamus. Formã vero
 vrbis

urbis cura esse legumlatoribus Vlpianus lib. 3. opinionum, aperte docet, & in l. 7. ff. de offi. praes. dum ait. Praeses prouintiae inspectis edificijs, dominos eorum causa cognita, reficere ea compellat, & aduersus detrectantem, competenti remedio deformitati auxilium ferat. & Iulian. libr. 48. ff. sicut (inquit) is qui nullo prohibente in loco publico aedificauerat, cogendus non est demolire, ne ruinis vrbs deformetur: ita qui aduersus aedictum praetoris aedificauerit, tollere aedificium debet: alioquin inane, & lusorium praetoris imperium erit. l. final. ff. ne quid in loc. pub. Et ne in re non dubia pluribus utar testibus non necessarijs: quam multum praetorum, edilium, aliorumque magistratum aedictis, pulchritudini ciuitatis, & rei pub. caueatur, vel ex plarisque Pandectarum titulis, quibus nihil aliud continetur, satis constat, ut ff. ne quid in lo. sacr. vel itinere fiat, de locis, & itineribus publicis, de loco publico fruendo, de via publica, & siquid in ea factum esse dicatur, de via pub. et itinere publico reficiendo, de ripa munienda, de riuis, de fonte, de cloacis, de operib. pub. alijsque innumeris, quibus innumera circa decorum, & ornatum urbis disponuntur. Iam vero

13 Verò quàm sit nemini panitendum, nō deformem
 essenatum, non est quod pluribus doceamus ver-
 bis, cum videamus sibi ministros diligentē, ipsum
 etiam summum opificem, celsa super arce seden-
 tem, cui surgunt omnes de sedibus altis calicola,
 ceduntq; patri, neque sustinet ullus in solio man-
 sisse suo, sed alacres omnes stant è regione Dei, so-
 lus ipse refedit celsior editiore throno. Is. c. 21. in
 Leuitico, Mosem his verbis affatur. Loquere
 ad Aaron, homo de semine tuo per familias,
 qui habuerit maculā, non offeret panes Deo
 suo, nec accedet ad ministerium eius. Si cæcus
 fuerit, si claudus, si vel paruo fuerit, vel grādi
 vel torto naso, si fracto pede, si manu, si gib-
 bus, si lippus, si albuginem habens in oculo, si
 iugem scabiem, si impetiginē in corpore, vel
 herniosus. Omnis qui habuerit maculā de se-
 mine Aarō sacerdotis, nō accedet offerre ho-
 stias dño, nec panes Deo suo. *Qua de re satis
 multa in decretalibus, de corpore vitiatis ordinan-
 dis, vel nō, & in decreto. 49. et 55. distin, equissimè
 certè iudicio meo. Quid enim aliud egregia forma
 speciesq; in adolescentia sunt, quā optima indolis,
 & bonitatis obsides, & fidelissima pignora? Quòd
 si prauo*

si prauo cultu in his aliquando sopita virtus con-
nuet, & adolescentia capitur voluptatibus, hilari
tate frontis, alacritate oculorū, habitudine corpo-
ris, ac liberalitate vultus totius, qui sermo quidam
tacitus mentis est, in errorem impulsos nos, in frau-
demq; inductos querimus. Quis enim est qui ocu-
lis pulchritudinem rerum aspernetur, quis est qui
suauitate ingenui vultus excludat? Pulchritu-
do corporis, apta compositione membrorum, cuius
nō mouet oculos, & delectat, hoc ipso quōd inter se
omnes partes quodam lepore consentiunt? Ego cer-
tē Socratis de hac re sententiā libenter amplector.
Si quo in homine hac cōcurrāt, vt in animo pulchri-
mores insint, & in corporis specie illis singula corre-
spōdeant, consentiātq; eandē suscipientia rationē,
pulcherrimū hoc esse ei, qui inspicere possit specta-
culū. Quo fit, vt nullo modo sit audiendus Alberi. ¹⁴
de Rosat. qui in. l. ex hac. ff. si quad. paup. fecis. ait,
nota quōd in hominibus nō attēditur deformitas.
Quinimō eadē dispositione, ex qua ipse hanc rusti-
cā sententiā deduci falso credit, apertissimē cō-
trariū probatur. Causnāq; lib. 7. ad adictū provin-
ciale, vt. d. l. ex hac, quā ad cōfirmandā opinionem
suā illę doctor allegat, refertur, ita scripsit. Ex hac
lege

lege iam non dubitatur, etiam liberarum per
 sonarum nomine agi posse: fortè si patrèfa-
 miliàs, aut filium familiàs vulnerauerit qua-
 drupes: scilicet vt non deformitatis ratio ha-
 beatur, cùm liberum corpus æstimationem
 non recipiat, sed impensarum in curatione fa-
 ctarum, & operarum amissarum, vt pote qua
 facile æstimari possunt, haberi rationem, non for-
 ma, atque elegantia, qua pretio numario ponde-
 rari nequeunt. Iurisconsultus præcipit damna
 sibi, non vulnera sarciri, glossator clamat, &
 vacuos numis loculos, non vel cicatricibus ple-
 nam queritur faciem. Adeò nescio quomodo nihil
 tam absurdè dici potest, quòd non ab aliquo dica-
 15 tur istorum. Sed iam progrediamur longius, et ad
 ea qua de viribus dicenda sunt, bona fortuna comi-
 te properemus. De quibus pauca referre suffice-
 ret, si Clinia Cretèsis esset standum sententia, qui
 omnes fermè leges, ita legumlatores iubet conscri-
 bere: vt præcipuè ab bellum respiciãt, quasi cetera-
 rum rerum nulla sit vtilitas, non possessionum, non
 artium, nisi quis bello superet: cùm omnia bona eo-
 rum, qui victi sunt, ad victores illicò transeãt cui
 & poeta Tyrteus facile consensit, dum ait, nullam
 illius

illius ipse facio mentionem, nec omninò ullius pretij existimandum cēseo, etiam si ditissimus omnium sit, etiam si multa bona possideat, qui non semper optimè gerat se in bello. Nos verò de fine legum alio loco dicemus. Quod ad rem nunc attinet, illud non dubito utilissimum fore Reipub. si saltandi, iaculandi, luctandi, & equitandi gymnasia sint, in quibus aptè iuvenes exerceantur, magistriq; dentur pueris, à quibus omnes armatorum dimicationes, acierum ordinationes, ductiones exercitus, castrorum metationes, & quaecunque ad equestrem pertinent disciplinã, edoceantur. Cum nemo ignoret, pueritia rectè educata, facilem reliquaevita fore gubernationē. A qua sententia non alienos credidisse iurisconsultos, cum in l. qua actione. ff. ad l. Aquil. ab V. lpi. ita referatur scriptum. Si quis in colluctatione, vel in pancratio, vel pugiles, dū inter se exercentur, alius aliū occiderit, si quidem in publico certamine alius alium occiderit, Aquilia cessat: quia gloriæ causa, & virtutis, nō iniuriæ gratia videtur, dāmnū datū. Quæ dispositio Platonis quoq; lege lib. 10. de legib. comprobatur, dum ait, Si quis in certamine publico, & gymnasiis, non sponte, siue confestim, siue po-

ste à ex vulneribus sequuta mors sit, à amicū homi-
nē interfecerit, vel in bello similiter, vel in exercitua-
tione bellica, à magistratibus instituta, siue nudis
corporibus, seu ad imitationem veri belli arma-
tis, secundum legem à Delphico Apolline latam,
mündus sit. Nec verò solum ad hac exercitia,
quibus adeo disciplina militaris inuatur, loca vi-
dentur à iurisconsultis cōstituta: sed et ludo quoq;
pila, quem agilitati, & exercitationi corporis con-
ferre maximè nemo dubitat. Nam in l. i. ff. ad l.
Aquil. ita Mela scribit. Si cum pila quidā lude-
rent, vehementius quis pila percussa, in tonso-
ris manū eā deiecerit, & sic setui, quē tonsor
radabat, gula sit præcisa, adiecto cultello; in
quodcumq; eorum culpa sit, eum lege Aquilia
teneri. Proculus in tonsore esse culpam. Et sa-
nè sibi topidebat, vbi ex consuetudine lude-
batur, vel vbi transitus frequēs erat, est quod
ei imputetur. Quamuis neq; illud malè dica-
tur, si in loco periculoso sellam habenti tonso-
ri se quis cōmiserit, ipsum de se queri debere.
Vbi autem cōueniat hac loca cōstituta sunt exerci-
tationibus apta. Plato de legibus lib. 7. aperte do-
cet. Doctrinarum enim publica adificia tripenito

in media urbe locauit: foris verò in suburbijis e-
 quorũ gymnasia: locaq; insuper apla ordinauit; v-
 bi inuentus ad arcũ, et telorũ iactũ instruat, ex-
 erceaturq;. Quã constitutionẽ ius ciuile confirma-
 uit in. l. item si obstetrix. ff. ad. l. Aquil. s. vltimo. v-
 bi dicitur. Sed si per lusum iaculantibus seru^o
 fuerit occisus, Aquiliæ locus est. Sed si cum
 alij in cãpo iacularentur, seru^o per eũ locũ trá-
 fierit, Aquilia cessat: quia nõ debuit per cam-
 pũ iaculatoriũ iter intẽpestiuẽ facere. De di- 17
 uitijs qua inter humana bona cõputantur, nihil ne-
 cesse est ostendere nos, expedire Reip. locuplet es ha-
 bere ciues, idq; legislatoribus maxima cura esse. Vt
 enim in Phadone dicitur, ppter pecuniarũ posses-
 sionẽ omnia bella nobis sunt: itaq; nihil ad hãc rem
 opus est monire. Quin utinã modo nostra redi-
 rēt in mor estẽpora priscos, sed sauior ignibus Æthi-
 na, feruẽs amor ardet habedi. Verũm cũ authore
 Plat. li. 2. de Rep. nullus nostrum ex seipso sufficiẽs
 sit, sed multorũ indigens (prima namq; et maxima
 omniũ indigẽtia, est preparatio vict^o, et sim^o, et
 viuam^o, habitationis secũda, tertia vestitus, et hu-
 iusmodi) qđ vnũ ille putat, nõ aliud extitisse ciuita-
 tib^o cõstituẽdimitiũ, et foro nobis õnino, et nũmis

opus est. *Ægrè enim aliter quàm emēdo, et vēden-
do inter se impertient ea, qua singuli operantur: à
qua etiam doctrina non dissonant, qua ab Aristot.
lib. 5. Ethic. de iusto commutatio, & repassione,
nūmo, & indigentia, sunt tradita. Quo fit, ut nō so-
lū principes, magistratus, equitesq; sint in Repu-
necessarij, verū & mercatores, agricola, textor-
es, sutores, quin & cupedinarj, cetarij, lanij, co-
qui, sartores, pistores, aucupes, ac reliqui Gnatho-
nis illius Terentiani salutatores, qui circa forū con-
stituti, & argento commutent cum his qui aliquid
vendituri sunt: & res quoque pro argento his lar-
18 giantur, qui empturi sunt. Quòd si quis me inter-
roget, quemnam & in comparandis, & in erogan-
dis pecunijs modum probem, tenendumq; & ciuita-
ti, & ciuibus iudicem, Socratis mibi sententia pro-
fectò valde semper arrisit, lib. de Rep. 9. quid ma-
ximè cauendum magistratibus monet; ne quid in
urbe è suo statu dimoueat, vel indigētia pecunia-
rum, vel copia. Et Athenien. hospes lib. 5. de legib.
oportere dicit, ut in ciuitate, que summi morbi ex-
pers futura sit (dissidium, aut seditionem, summū
morbum appellat) nec extrema in aliquibus ciuiū
inopia sit, nec ingentes diuitia: nam utraq; illa ab
utrisque*

utrisque his gignuntur. Quare oportet, ut a legi-
 slatore utrisque terminus statuatur. et lib. 3. de ll.
 dixerat, in quocunque hominū cœtu, neque inopia,
 neque diuitia sint, iustissimos mores adesse. Neq;
 enim ibi contumelia, neq; iniuria locū habet. Quā
 sententiam Baleares insula sibi videntur persua-
 sisse, de quibus Diodorus. S. ita ait, Aurēo nūmo,
 aut argenteo non utuntur, quæ afferri ad insulam
 prohibent, causam afferētes, Geryonē Chrysaoris
 filium, auro, atque argento opulentissimū, quondā
 ab Hercule bello expugnatū. Existimant enim eo
 pacto, cum auro, & argento careant, sese facile o-
 mnes vitæ insidias euasuros. Hanc ob rē, cum olim
 cū Cartaginensibus militassent, ex stipēdio impen-
 so mulieres, ac vinū emptum secum retulere. Sed
 de his satis, nunc ad maiora veniamus. Diximus ¹⁹
 namque suprā, ita corpus colendum, ac nutrien-
 dum, ut ferina tamen, irrationalique voluptati nō
 indulgeat: non enim nos querere decet, uti vel sa-
 ni, vel formosi, vel robusti, vel diuites simus, nisi
 unā cum his & iustitiam coluerimus, ita ut cor-
 poris harmoniam, propter animi consonantiam
 temperemus. Quatuor enim virtutes fundamen-
 ta esse Reipubl. sine quibus illa diu stare non pos-

sit, nihil necesse est nos dicere. Nemo est adeo \& ra-
 tionis expertus, \& vita communis ignarus, qui dubi-
 tet virtutem animi esse sanitatem, pulchritudinē,
 \& robur: prauitatem verò esse morbum, turpitudi-
 nem, \& imbecillitatē. Morbum autem ita corpus
 inficere, ut perturbari, confundi, ac dissipari breui-
 ter necesse sit, nulli dubium. Quapropter id nobis
 solummodo necesse est ostendere, quoniam modo à
 iure in ciuitatibus prudentiam, fortitudinē, tempe-
 rantiam, iustitiamq; plantari conueniat, ut felici,
 20 beatq; prorsus vita, \& statu Resp. potiatur. Est
 autē tunc reuera ciuitas sapiens, cum optimis abū-
 dat consiliarijs. Perस्पicacia enim in consilijs, scien-
 tia quadā est, qua bene consultā, et sapientē efficit
 ciuitatē. Siquidē propter fabricorū scientiā, fabricilē,
 propter agriculturā, agricolariam, non prudētem
 Remp. appellaremus. Tunc sapientis meritō no-
 mē sortitur, cum ea pollet in cōsultādo perspiciā,
 ut \& qua foris, \& qua domi gerēda sunt, rectē di-
 sponat. Parua sunt enim foris arma, nisi sit cōsiliū
 domi: verissimēq; abundas bellicis laudib; vir Gn.
 Pōpeius, multis audientib; dixit, frustra se tertiu
 triūphū deportaturū fuisse, nisi Ciceronis in remp.
 beneficio, sibi triūpharet, esset habiturus. Vnde Ci-

cero in Catone maiore, siue de Senectute, eos qui cō
 silio, et auctoritate Remp defendūt, similes esse ait
 gubernatorib⁹ in nauigādo: qui cūm alij malos scā
 dūt, alij per foros cursitāt, alij sentinā exhaustiūt,
 illi dū in puppi quieti sedentes clauum tenent, mul
 tō maiora, et meliora faciunt, cūm non viribus, aut
 corporis velocitate res magna gerantur: sed consi
 lio & auctoritate, & sententia. Qua verō in par
 te ciuitatis hac virtus locata sit, nūc facile quiuis
 intelliget. Si enim magistratus, & iudices fuerint
 prudentes, tota certē Resp. prudens erit. Ars autē
 id efficiendi ea profecto est, si nullius rei maior fue
 rit principibus cura, q̄ ut ad hac munera probata
 fidei homines deligantur, dentq; operā, ne in ambiē
 dis magistratibus, tenues opes, nulla facultates, ex
 iqua amicorum copia, si modo ingenio, & vsu sint
 fulta, vel cū aduersario gratiosissimo contendere
 pertimescāt: sed potius cuiusque causa, non ex opi
 bus, sed ex veritate pendatur, honorem unicuique
 conuenientem tribuentes, totius potius Reip com
 modum, ac salutem, quam singulorum gratiam,
 & vilitatem expectantes. Et ideo Pomponio lib.
 singulari. Enchiridy auctore, & in l. 2. ff. de origi
 ne iur. prope finem. Optimus princeps Adrianus

cum ab eo viri pratorij peterent, ut sibi liceret respondere (primus enim ille, ut maior iuris auctoritas haberetur, constituerat, ut ex auctoritate eius responderent) optimè rescripsit eis, hoc non peti, sed præstari solere. Sabino autem qui in equestri ordine, iam grandis natus, & ferè annorū quinquaginta receptus erat, cui nec ample facultates erant, sed plurimum à suis auditoribus sustentabatur, ut populo responderet, à Tyberio Casare concessum est, nulla diuitiarum, nulla dignitatis, nulla gratia, sed virtutis, atq; eruditionis solum ratione habita. Ad hanc rem, illud Platonis lib. 3. de Re-
 21 publ. pertinet: Deum cum nos formaret, aurum in eorum generatione miscuisse, qui ad imperandū nati essent, proptere à quòd essent honoratissimi: illis autem, qui ad auxiliandum, argentum indidisse: ferrum verò, atque aes agricolis, atque alijs opificibus. Euenit quandoque, ut ex aureo nascatur argenteus, & ex argenteo similiter aureus: ceteraque ita vicissim. Quapropter ipsis principibus Deum Opt. pracepisse, ut singulari cura, & solertia dignoscant, quid ex quatuor his potissimum, in quorumcunque animis sit immixtum: & si quis ex aureis nascatur aneis, aut ferreus, nullo pacto
 misce-

misereantur, sed honorem illi natura conuenientē
 tribuentes, inter opifices, et agricolas mittant. Rur
 susque si ex ferreis nascatur aureus, vel argen-
 teus, honorantes extollant, partim quidem in custo-
 des, partim auxilarios. Quasi oraculum sit tunc
 Remp. peritura, cum ipsam vel aneus custos, vel
 ferreus gubernabit. Quo fit, ut nō tam cuius quis
 filius sit, ut ei prouincia demandetur, spectandum
 sit, quā illud considerandum, an per omnem vitā
 qua è republica sunt, procurauerit: qua verò cōtra,
 cauere didicerit. Atq; hoc illud est, quod pruden-
 tissimè Gregorium. I X. rescripsisse legimus in cap.
 fin. de off. Et po. iudi. deleg. Sedem apostolicam
 prouidere, negotijs intendere, Et non personis, qui-
 bus eadem committuntur. Illud autem obseruan-
 dum, attentèq; perspiciendum, sit ne vera, atque
 immobilis, an falsa potius, Et malitiosa eorum
 prudentia, qui in senatum sunt, aut in consilium
 publicum recipiendi, quique publicis sunt functu-
 ri magistratibus. Itaq; quemadmodum cum ten-
 tandi sunt pulli equini anniculi, aut bimi, sunt pa-
 uidi, nec ne, ad strepitum, et tumultum ducuntur,
 sic Et hi, quibus Reipubl. clauus est tradendus, in-
 terribilia primum, Et aspera sunt impellendi, mul-

tōq; māgis quā migne aurū examinandi, ut appa-
 reat, cuius eorū in aduersis, & dubijs rebus calli-
 dora sint, & salubriora consilia: in quietis cogita-
 tionibus splendidior es, et prudentiores sententia vi-
 22 deantur. Nunc eodē modo temperantiam inue-
 stigemus, quae rationis est in libidinē, atq; in alios nō
 rectos impetus, animi firma, & moderata domina-
 tio: de qua pauca dicamus. Nec enim nostri mune-
 ris est, de his virtutibus, earumq; partibus disputa-
 re, sed id solū modo ostendere, juris finē, atq; scopū
 esse, eas inciuitate locare. Vt autē quae sit ciuitas tē-
 perata, quaq; in partē Reip. tēperantia collocetur,
 videamus, ita cōsideremus. Diximus suprā in de-
 finitione iustitia, ad virtutē homines natos, malo
 cultu, prauisq; opinionibus ita corrūpi, ut igniculi
 ferē extinguantur a natura dati, exorianturq; &
 confirmentur vitia cōtraria. Ex quo illud apertē
 sequitur, duo cōtraria inuicē, atq; e regione pugnā-
 tia, in vnoquoq; nostrū esse. Vnū quod ad bonū sta-
 tē, religionē, pietatē, ac veritatē hortatur: alterū, qđ
 ad audaciā, vitium, & voluptates allicit, atq; impel-
 lit. Cuius rei clarissimus testis est Paul ad Gal. c. 5
 dum ait, caro concupiscit aduersus spiritū, spi-
 ritus aduersus carnē: haec enim sibi inuicē ad-
 uersan-

uerfantur, vt nō quæcunq; vultis, illa faciatis. Manifesta sunt opera carnis, quæ sunt fornicatio, immūdia, impudicitia, luxuria, idololatriæ feruitus, veneficia, æmulationes, iræ, rixæ, dissensiōes, sectæ, inuidiæ, homicidia, ebrieta-tes, cōmessationes, & his similia, quæ prædico vobis, sicut prædixi: quoniam qui talia agūt, regnū Dei non consequent. Fructus autē spiritus est charitas, gaudiū, pax, patientia, benignitas, bonitas, lōganimitas, mansuetudo, fides, modestia, continentia, castitas. *Et ad Roman. c. 7. de seipso ingenuè fatetur, dicens, Video aliā legē in membris meis, repugnantem legi mentis meæ, & captiuantem me in lege peccati, quæ est in membris meis. Infelix ego homo, quis me liberabit de corpore mortis huius? gratia Dei per Iesum Christū dñm nrm. Igitur, ego ipse mente seruiolo gi Dei, carne autē legi peccati. De qua sentētia plura in ca. sed pē sandū. 6. dist. et in. c. si Paul^o. 32. q. 5. Cum igitur ex alto spectās lumine certo, Christi^o varia discrimina pugna, nostri miserat^o, cum nobis auxilium mittit, ut spirit^u, & ratioq; carnē, sensualitasq; vincant. (ita enim quod petus in nobis est, doctores appellant)*

lant) temperantes tunc dicimur, atq; modesti Vbi
 verò fortitudo cedit ignavia, iniustitia iustitiã su
 perat, abstinentiam cupiditas, fidentiam diffiden
 tia opprimit, intemperantes, crudeles, et minus mo
 desti nominamur. Atq; hoc illud est, quod ab A
 cademia principe dici solet, optimam esse victo
 riam, ut seipsum quis vincat: turpissimum verò
 quiddam, et pessimum, ut à seipso vincatur. Quo
 niã ergò, quemadmodum dictum est, nostrum
 quemlibet ad seipsum maximè affici, eodem mo
 do singuli viri ad singulos, domus ad domũ, vicus
 ad vicũ, ciuitas ad ciuitatẽ, Resp. ad remp. se ha
 bent: nunc facile intelligem⁹, ubi qui meliores sunt,
 deteriores superauerint, rectè domũ, vicum, ciuita
 tem illã superiorẽ seipsa dici, Et hoc triumpho non
 iniuria laudari: è diuerso autẽ ubi è contrario fit.
 Locare verò tẽperantiam in aliqua Reipubl. par
 te, sicut prudentiã fecimus, difficile est. Consonan
 tia enim est, Et harmonia magis, q̃ reliqua virtutes
 similis. Et vt Platoli. 4. de Rep. voluit, instar har
 monie, que diapason dicitur, per totam ciuitatẽ dif
 funditur, fortiores, ac debiliores, potentiores, ac
 23 medios efficiens egregiè consonantes. Quo fit, vt
 princeps legibus solutus sit: vt in. l. princeps. ff. de
 legibus

legibus, non quia ei iniqua liceant, sed quia is esse debet, qui nō timore pœnæ, sed amore iustitiæ, equitatem colat, Reipub. procuret utilitatem, & in omnibus civium commoda, priuata præferat voluntati. Quo etiam modo intelligendum est, quod à D. Paulo. 1. ad Timoth. dicitur. c. 1. Lex iusto nō est posita, sed impio. & ad Gala. c. 5. Quòd si spiritu (inquit) ducimini, non estis sub lege: quasi dicat, iusti, religiosiq; homines, spiritu Christi volentes ducuntur, non metu trahuntur ad ea inuiti, qua sunt honesta, piaq;. Similiter que cum dicimus, 24 ea que principi placent, legis habere vigorem, ut in l. r. ff. de cons. princip. intelligendum est, quia principi placere non licet, nisi quod lex, aut equitas persuadet, aut ratio cōmunis utilitatis inducit. In his autem eius voluntatem vim habere iudicij, decēs est: & rectissimè quod ei tunc placet, legis habet vigorem. Vnde digna vox est maiestati regnantis, legibus alligatum se principem profiteri, ut imperatores Theodos. & Valent. Volusio præfecto prætorio rescripserunt, in l. digna vox. C. de legibus. Verùm ne id quidē satis erit, nisi & clarissima præ- 25 fecti prætorio dignitas, sibi, quod est verissimū, persuaferit, non ob id ab eius sententijs appellandi facultas

cultatē, principali sententiā cōtra ius, et cōtra ma-
 iorum instituta; interdicitā esse; ut sibi quodlibet
 liceat: sed ob id potius quā crediderit princeps, eos
 qui ob singularē industriā, explorata eorum
 fide, & gravitate, ad huius officij magnitudi-
 nē adhibentur, nō aliter iudicatos esse pro
 sapientia, ac luce dignitatis suæ, quàm ipse fo-
 ret iudicaturus; ut egregie docet Aurel. Arca-
 dius. *Charissimus magister libellorū lib. singul. de off.
 pref. prat. Nec aliter est proconsul, quāvis plenissi-
 mam iurisdictionē habeat, omniumq; partes, qui
 Roma, vel quasi magistratus, vel extra ordinē ius
 dicunt, ad ipsum pertineant. (ut li. 2. de off. procons.
 tradit V. l. pia.)* Et ideo maius imperiū in ea provin-
 cia habeat omnibus, post principem (ut idem I. C.
 docet li. 39. ad edictū) nec quicquam sit in provin-
 cia, quod non per ipsum expediatur. Obseruare au-
 tem proconsulem oportet, ne in hospitij præbendis
 oneret provinciam. Xenij quoque modum adhibe-
 re debet, ut neque morose in totum abstineat, ne-
 quē avarē modum xeniorum excedat. Nam val-
 dē inhumanū est, a nemine accipere: sed pas-
 sim vilissimū, & omnia avarissimū. Et man-
 datis quoq; continetur, ne donum, vel munus ipse
 procon-

procōsul; vel qui in alio officio erit; accipiat; et al-
 ve quid, nisi iurē? quotidiana causa. Quod quāvis
 ad xeniola non pertineat, sed ad ea quae duliū ex-
 cedunt usum, tamen. Et xenia producenda non esse
 ad mirerū qualitatē, legibus statutū est in l. sol-
 lent. ff. de off. praedōs. Et leg. Praesides quoq; quorū
 in provincia imperiū maius est omnibus, post prioci-
 pē, ut in l. praes. ff. de off. pras. omnia enim pro-
 vincialia desideria (ut Marc. l. i. g. instit. scripsit)
 quae Romae varijs iudices habet, ad officium
 praefidis pertinet. Memnisse tamē oportet quod
 Macer l. C. l. i. de off. pras. scripsit, senatus consul-
 tacuerit, ut de his quoque provinciis regentes, co-
 ruites, aut libertini coruā, antequam in pro-
 vinciam venērunt, contraxerunt; parcissimē
 ius dicatur. Et Modest. l. i. regula. plebiscito co-
 tineri dixit, veni qui in praefidū iunus domū ca-
 perent nisi esculentū, perilemū, ut in l. i. q. intra
 dies; primos prodigatur. Quorū sententiae legi-
 bus confirmat a sunt in l. senatus consulto. Et in l. ple-
 biscito off. de off. pras. Et si iure verba omnium magi-
 stratuum praefidū capia tamē, caueat hīs iudicorū
 de prudētia ut tēdat, ut perit se edum. Et de sen-
 et rom. d. i. n. l. i. v. i. a. c. u. l. a. r. u. p. a. c. e. s. i. b. i. n. i. l. i. v. o.
 stala dicet

dicet odium, vel fauor vsurpet, timor exulet, præmium, aut spectatio præmij iustitiâ non euertat, sed stateram gestent in manibus, lances appendant æquo libramine, ut in omnibus quæ in causis agenda fuerint, præsertim in concipiendis sententijs, & ferendis, præ oculis habeant solum Deum. Est ergo maximû hoc, & præcipuum, in Repub. temperantia fundamentum, licet id solum temperatam Remp. non efficiat, si principes, magistratusque temperantes sint. Quid est enim negotij continere eos, quibus præsis, si te ipse contineas? Certè qui pecunia, voluptati, omniumque rerum cupiditate resistit, nullum periculum est, ne improbum negotiatorem, paulo cupidiores publicanum comprimere nõ possit. Verum Imperatores, Reges, Proreges, te quoque illustrissime Præses, & vos senatores illustres, hæc habere, ut certè habetis, virtutes, nequaquam satis est, sed circumspectandum est vobis diligenter, ut in hac custodia imperij, & gubernatione, nõ vos unos, sed omnes ministros imperij, socios, & ciuibus, et Reip. prestare videamini. Neque satis est, post iniunctâ prouinciã, scrutari omnes eorû sordes, excutere unumquemque illorum. Si enim delectus, non ex

*atate, honore, et dignitate præstantibus fiat: sed ex
 ambitiosis, & adulatoribus, nihil mirandum est, si
 quouis signo, quavis pictura, quavis veste, quouis
 mancipio, quavis forma, quavis conditione pecu-
 nia, ab integritate, continentiaque deducantur, ea-
 que potestate, quam ad dignitatem acceperunt, ad
 questum, & turpelucrum utantur. Sed prius, ut
 supra diximus, probandi sunt, tales ne sint, qui ipsi
 per se habituri sint rationem dignitatis suæ, & an-
 xiè de existimatione sua laboraturi, ut quantum
 fidei, in quocunq; fuerit illorum, tantum eius fidei,
 nec amplius committatur. Deinde ut ea, quam su-
 præ tradidimus, harmonia egregiè in ciuitate con-
 sonet, ab his non minori cura & diligentia elaborã-
 dum est, ut maximus in urbe paupertati, ac parsi-
 monia bonos sit, clementia, modestiaq; & continen-
 tia amplissimus locus: otium verò, luxus, libido, aua-
 ritia, et abundantes voluptates prociù absint. Sint
 constantia, moderationis, temperãtia, verecundia
 primæ in ciuitate partes: ioco autem, ludo, ac reli-
 quis remissionibus urbanis, ingeniosis, liber alibus,
 uti illis quidem liceat, sed sicut somno, & quiete,
 tum maximè, cum grauibus, serijsq; rebus satisfec-
 erimus. Qua dere optimè imperator Diocletia-*

nus rescripsit in. l. unica. C. de expens. ludo. lib. 11. dicens, Cum præsidem provinciæ impensas, quæ in certaminis editione erogabantur, ad refectionem murorum transtulisse dicas, & quod salubriter deriuatum est, non reuocabitur, & solenne certaminis spectaculū, post restitutā murorū fabricam, iuxta veteris cōsuetudinis legem celebrabitur. Ita enim & tutelę ciuitatis, instructę murorū præsidio, providebitur, & instauranti agonis voluptas, confirmatis his, quæ ad securitatis cautionem spectant, insecuti temporis circuitione repræsentabitur. Et in. l. 1. ff. de off. præf. urb. disciplinā spectaculorum ad præfetti urbi curam pertinere dicitur, debere tamen illum dispositos milites stationarios habere, ad tuendam populariū quietem, & ad referendum sibi quid ubi agatur. Et in. l. 7. de off. Procons. & legat. proconsuli præcipitur: si in aliam quam ciuitatem celebrem, vel provincia caput aduenerit, patiatur commendari sibi, ciuitatē laudēq; suā non grauatē audiat, cum honori suo provinciales id vindicent. & ferias secundum mores & consuetudinem, quæ retrō obtinuit, concedat. Danda sunt igitur blandimenta plebi, indulgendum

gendum est aliquid popularibus ingenijs: non omnes ad grauitatem, & magnitudinem animi finxit natura, non omnes magnos homines, & excellosos. Exorari verò, placari, misereri, & ignoscere ita oportet, ut respiscendi potius consilium clementia, quàm peccandi tribuat lenitas ansam. Siquidem nunquam ciuitas temperata erit, nisi ciuium non modo affectus, & cupiditates à legibus, verùm & incessus, & gestus vniuscuiusque moderetur. Ridiculum enim esset, si quis auaritiã, luxuriam, temeritatẽ aliunde, quàm ex sordidis, luxuriosis, & perditis hominibus, in ciuitatem immigrasse existimaret. Similiterq; & prudentiã, iustitiã, fortitudinem, & temperantiã, alios quàm sapiẽtes, iustos, magnanimos, & modestos in Rẽp. inuexisse contenderet. Vnde prudentissimè apud Iurisconsultos non solum sunt iudicia de adulterijs coercen. deui publi. desicarijs, & veneficis, ad l. Iuliam maiestatis. ad l. Pompeiam de parricis. de falsis, Repetundarum, peculatus, & ambitus, sed et de his, qui effuderint, vel deiecerint, de seruo corrupto, de aleatoribus, de adilitio edicto, de redbitionibus, alijsque innumeris, in quibus quantacura sunt, non solum magna, ardua que negotia

*iurisconsultis, verùm et forma, status, ordo, mode
 ratio vultus, voces, motusq; corporis, liquido con-
 stat. Prudentissimè certè (nec fallor) ubi enim pau-
 latim, sensimq;, vel apud eos, qui numerus, nullo
 in numero sunt, labi stueris disciplinam, veluti dis-
 sident es primò mores sequuntur, deinde magis, ma-
 gisq; labuntur, donec precipites eò perueniunt, ut
 appetitus omnes contrahere, sedareq;, & ad offi-
 cij formam reducere, vel seuerissima excitata ani-
 maduersione, & diligentia non valeas. Denique
 ne diutius morer, ut Respubl. temperata sit, illud
 vnum efficiendum est, ut in magistratibus, priuatis,
 ciuibus, peregrinis, omni deniq; parte Reip. appeti-
 tus, qui hominem hùc, atque illùc rapiunt, rationi
 (qua docet, & explanat quid faciendum, fugien-
 dumq; sit) obediant: eamq;, neque præcurrant pro-
 pter temeritatem, neque propter pigrutiam, aut igna-
 uiam deserant, sintq;, tranquilli, atque omni animi
 perturbatione careant: ex quo omnis constantia,
 26 omnisq;, moderatio elucebit. De fortitudine nunc
 sequitur ut videamus. Est autem ea ciuitas habè-
 da fortis, atque magnanima, que pro salute com-
 muni pericula, et labores subire parata est, nulloq;
 metu frangitur: sed inuictam se ad propulsandam
 iniu-*

iniuriam praestat: Et ut cum Stoicis definiamus qua magno animo, excellenterque pro equitate propugnat. Artem autem id efficiendi ius esse, tunc facile quisque intelliget, cum nos qua in parte ciuitatis, Et qua industria fortitudo locanda sit, exposuerimus. Quod verò ad primum atti-²⁷net, nemo est, qui ciuitatem vel timidam, vel fortem vocet, aliud quidquam respiciens, quàm id quod pro ipsa pugnat, ac militat. Vendicant igitur sibi hanc partem, exercitus, legiones, cohortes, turma, phalanges, magistri equitum, tribuni militum, alijque innumeri, quorum diuersa sunt in bello munera: quos omnes ingenti in periculis, Et laboribus elatione animi, non pro suis commodis, sed pro salute Reipubl. strenuè pugnare oportet: nullaque alia re magis inflammari, quàm cupiditate vincendi. Armandi sunt autem non tantum galeis, ocreis, thoracibus, loricis, parmis, peltis, cetris, Et umbronibus, sed duabus potius rebus, quibus omninò fortis animus, Et maximus maxime cernitur. Prima est rerum externarum despicientia, ut persuasum sibi sit, nihil hominem nisi quod honestum, decorumque sit, aut admirari, aut optare, aut expetere oportere: nullisque neque perturba-

tionibus animi, nec fortuna procellis succumbere. Altera est, ut cum ita fuerint animo affecti, res gerant, magnas illas quidem, & maximè utiles, sed veementè arduas, plenasque laborum, & periculorum, cum vita, tum multarum rerum que ad vitam pertinent: quibus ita persuasis, vel certam victoriam auderem promittere. Nihil illis Germanorum framea, Thracum romphaea, Hispanorum lancea, Boiorum yssi, Macedonum sarissa, Illyricorum sybini, nec Romanorum pila nocerent: tormenta omnia, testudines, arietes, vineas, pluteos, musculos, turres, & malleolos iure contemnerent. Ut autem hæc pars à qua ciuitas fortis nomen sortitur, fortis & ipsa sit, duo sunt legumlatoribus maximè procuranda. Primum ut iuuenes, qui inuictò, & sanguineo Marti sunt consecrandi, à teneris, quòd aiunt, unguiculis, à libidinibus arceantur, & demùm confirmata parumper atate, in labore, patientiaque, & animi, & corporis exerceantur: ut eorum in bellicis, & in civilibus officijs vigeat industria. Ad quæ illa pertinent, quæ suprà diximus, ubi de viribus agebamus. Alterum est, ut & strennuè pugnantibus, magnanimis, fortibus, & egregijs viris

ris, qui vitam, & sanguinem pro salute Reipublica deuouerunt, premia, stipendia, priuilegia, immunitates, honores decernantur: de fertoribus autem, emanforibus, transfugis, exploratoribus, irreuerentibus, timidis, ignauis, & proditoribus castigatio, pecuniaria multa, munerum indictio, militia mutatio, gradus deiectio, & ignominiosa missio parentur. Id autem à iure civili accuratè fieri, non est quòd una, aut altera lege probemus, cum innumeris titulis, his, atque illis, & honoratissima premia, & infames pœna statuuntur: ut. ff. de captiuis. & de post liminio. & redemp. ab hostibus. et iterum de castr. pecul. de veteranis, de re milit. & ne singula prosequamur, C. lib. 12. nihil ferè aliud continet, quàm quæ ad disciplinam pertinent militarem. *Restat autem dubium, non tam intel-* 28
ctu difficile, quàm tractatu iucundum. Quando in plerisque rebus mediocritas optima est: ex eo enim liberalitas commendatur, quòd neque per luxum, atque libidinem uti prodigus omnia perdat, neque pecunijs, ut auaro contingit, seruiat, omnesque sordes exquirat: nec aliunde fortitudo multarum virtutum fons est, & origo: quàm quòd & timorem pellat, & pracipitem
 F 4 auda-

audaciam comprimat. Quidnam est causa, quod tot premijs, ac pollicitationibus ad audaciam, non solum à ducibus in bello, verum frequenter à legibus impellamur? inde certè hoc provenit, quòd quãuis omnes virtutes mediocritate quadam moderentur, sunt tamen illa semper ad alteram partem propensiores. Medium inter lenitatem, & severitatem tenet clementia, est tamen paulò ad benignitatem propensior. Et luxuriam, et avaritiam fugit liberalitas, est tamen largitioni vicinior. Nec aliter & fortitudo, quamvis & timiditati sit inimica, & temeritati contraria, audacia tamen potius, quam pusillanimitati fauet. Quo fit ut quamvis iram frano, catenaque compefcere, fortis animi ducendum sit, & a metu depulso, qui tranquillitatem animi, & securitatem praeceteris perturbationibus turbat, ea quae videntur acerba, et terribilia ita ferre, ut nihil à statu naturae dimovearis, discedasque nihil à dignitate sapientis, robustioris animi est, magnaeque constantiae. Longius enim timor à fortitudine, quam audacia distat. Ex eo igitur, quantum ego opinione auguror, isti ipsi iustitiae praeceptores, & virtutis magistri, fines officiorum paulò longius quam mediocritas, & rectitudo vel

le videbatur, protulere: ut cum ad ultimum animo contendissemus, ibi tamen ubi oporteret, con-
 sisteremus. Nihil necesse est à ducibus commen-
 dari, vel legibus præcipi, ut quisque se defendat,
 vitam tueatur, sanguinemque suum ne profundi
 ab inimicis patiatur: si res in periculum venerit at-
 tentè audiat, ut cum primum receptui canetur, se
 colligat. Hac ad eò omnibus cura sunt, ut velin
 eos, qui à fossato recedunt, quiue stationis munus
 relinquunt, qui ab excubatione desistunt, qui in
 bello arma amiserint, qui agmen excefferint, qui
 in acie priores fugam fecerint, seuerissimam esse a-
 nimaduersionem constitutam, non sit satis: ne cum
 primum bello dat signum rauca cruentum bucci-
 na, alij metu hostium languorem non simulent, a-
 lij turpi fuga vitam redimant. Audaciam verò
 non solum non necesse est comprimere: verum et
 ijs, qui primum muros ascenderint, qui ciuem ser-
 uauerint, qui hostes vulnerauerint, qui inimicos fu-
 gauerint, iustissimi sunt decernendi honores, et or-
 natissima præmia proponenda. Quæ dum perse-
 quimur, quod vltimum, ac maximè erat inquiren-
 dum de iustitia, in manibus est. Cuius si e potissi-
 mum virtus est, ut suum cuique tribuat, ea certè

ciuitas iusta erit, ubi pueri, mulieres, serui, liberi, artifices, magistratus, milites, & privati, unusquisque opus suum exercet, minimè per aliena vagatus: & tam iuuenes, quàm seniores, tam ciues, quàm peregrini suum negotium agunt, & munera sibi tributa exequentur: nihil de alieno inquirentes, minimèque in aliena domo curiosi. Est siquidem proprium iustitia munus, omnia quae supra examinauimus bona, in ciuitate & locare, & publicè, atque priuatè, tam corpori, quàm animo quod suum est tribuere. Atque hoc illud est, quod prouerbio dicere consueuimus Iustitia in se virtutes continet omnes. Et Aristoteles iustitiam de omnibus dictare dixit. Praecipit enim lex, et ea agere, quae ad virum pertinent fortem: ut non deserere locum in acie, non fugere, non abijcere arma, & item ea quae sunt temperantis, ut non committere adulterium, non libidine uti: & ea etiam quae sunt mansueti, ut non percutere, non contumelia dicere, & in ceteris similiter virtutibus, atque vitijs. Vnde quamuis inter Philosophos omnes constet, qui unam habeat, omnes etiam habere virtutes, si tamen aliquo modo ad opinionem communè accommodata oratione seiungi possunt, iustitia plus

omnibus pollet. Prudentia enim sine iustitia, nihil valet: imò quo quis, ut Cicero ait, versutior, et calidior est, hoc magis inuisus, & suspectus detracta opinione probitatis: iustitia vero, vel sine prudentia, satis habet authoritatis. Similiterq; temperantia, & fortitudo iustitie coniunctæ, quantum virium volent, habebunt: quasi distinguas, parum poterunt. Atque hac est, quantum coniectura assequi possum, ratio: cur, licet non solum quæ ad iustitiam pertinent à legibus imperentur, sed & quæ fortitudinis, temperantia, & prudentia sunt, ius à iustitia appellatum Vlpianus dicat, non ab alia virtute. quod siue uniantur virtutes, iustitia in sese continet omnes, siue diuidantur eadem reliquis omnibus prestat. Nunc quod ad 30
 æquitatem pertinet, breuiter absoluamus: id enim est ultimum in definitione iuris. Æquitatem autè hic accipi pro leni iure summum ius mitigante, atque riguroso, et superstitioso iuri opposito, non existimo: licet Budæo, alijsque multis valde illa arriserit interpretatio. Quod si esset, difficile ius à bono, & æquo distingueretur: cum dicamus bonum, & æquum, moderatum ius esse, & lenè. Illa verò distinguï necesse est, si ius est ars
 boni,

boni, & equi. Aliud enim oportet sit ipsum ius, aliud equum, & bonum, quorum ars ius dicitur: quemadmodum aliud sermo, aliud pronuntiata, aliud visus, aliud visa, & auditus similiter atque audita: nec non lex aliud, aliud lege mandata, ut
 31 in Minoe docemur. Quapropter aequitatem nos altius consideremus, ac videamus si quid in hac re proficere possimus. Eam autem Cicero in Topicis ad Trebatium ita considerat, tanquam multarum partium genus, & caput. Atque eodem modo hic arbitror definiendam, ut eius artem ius esse recte dicamus. Cum autem, inquit Orator, de equo, & iniquo differitur, aequitatis loci colliguntur. Hi cernuntur bipartiti, & natura, & instituto. Natura partes habet duas, iustitiam sui, et ulciscendi ius. Institutio autem aequitatis tripertita est. Vna pars legitima est, altera conuentis, tertia moris vetustate confirmata. Atque etiam aequitas tripertita est: una ad superiores deos, altera ad maiores, tertia ad homines pertinet. Prima pietas, secunda sanctitas, tertia iustitia, aut aequitas nominatur. Dicemus ne igitur aequitatem hanc breuem, ad homines pertinentem, illius amplissima aequitatis partem ius tradere, eiusque artem ius esse,
 pieta-

pietatem verò, qua superos colit, & sanctitatem,
 qua ad manes attinet, iura contemnere? non cer-
 tè. Quinimò reliquas omnes leges illuc tendere o-
 portere, suprà diximus, ut intelligant homines bo-
 na quacunque gesserint, ad Deum authorem re-
 ferenda, pietatemq; præ cæteris virtutibus colen-
 dam. Nec verò huic diuisioni obstat, quòd in par- 32
 titionibus idem Cicero dixerit, pietatem esse etiam
 erga parentes. Et apertè in oratione pro Gn. Plan-
 tio: omitto (inquit) illa, qua si minus necessaria sūt
 at certè cum sunt prolata, laudantur: ut uiuat cū
 suis, primùm cum parente: nam meo iudicio, pie-
 tas fundamentum est omnium virtutum. Et in o-
 ratione pro Lucio Murana, pietatem ad propin-
 quos etiam, & consanguineos extendit. Quibus in
 locis pietatem pro bonitate posuit. Nam verà pie-
 tatem in religione esse lib. 1. de natura deorum Ci-
 cero est author: esse autem ad definitionem iuris
 hunc sensum verissimum, & intellectum liquido
 patet. Ipsum Vlpianum qua paulò antè dixerat,
 interpretantem audiamus. Huius (inquit) studij
 duę sunt positiones, publicum, & priuatum.
 Et demum publicum ius, ait, in sacris, in sacer-
 dotibus, in magistratibus consistit. Priuatum

ius tripertitum est. Collectum etenim est ex naturalibus præceptis, aut gentium, aut ciuilibus. Ius naturale est, quod natura omnia animalia docuit. Ius gentium est, quo gentes humanæ vtuntur, veluti erga Deum religio: vt parentibus, & patriæ pareamus: vt vim, atque iniuriam propulsemus. *Et paulò post* Ius ciuile est (*inquit*) quod neque in totum à naturali, vel gentium recedit, nec per omnia ei seruit. Itaque cùm aliquid addimus, vel detrahimus iuri communi, ius proprium, id est, ciuile efficimus. Hoc autem ius nostrum constat aut ex scripto, aut sine scripto. *Videtisne igitur, vt Iurisconsultorum responsa, & Philosophorum placita, verbis parum discrepent, re autem nihil? sed quid opus rem adeò apertam priuatis probare dispositionibus, atque ad id Iurisconsultorum fragmenta colligere? Circa aliam ne re quinquaginta Pandectarũ libri versantur, quàm circa partes aequitatis à Cicerone tribus as? Ad illius certè diuisionem, ac traditionem digesti de industria, & aptati videntur. Illa enim que in titulis ff. ad leg. Aquil. ne vis fiat ei, de vi, & vi armata, de dolo malo, & metus exceptione, de iniurijs,*

Et famosis libellis, de vi publica, de vi privata,
 de sicarijs, Et veneficis, de parricidijs tradun-
 tur, aliud ne continent, quàm duas natura partes,
 tuitionem sui, Et ulciscendi ius? Prima verò in-
 stitutionis pars, qua legitima est, Et tertia moris
 vetustate confirmata, nonne titulis Digest. de le-
 gibus, Senatusconsultis, Et longa consuetudine,
 de constitutionibus principum, de diuisione re-
 rum, Et qualitate, alijsque multis continetur?
 Media, qua conueniens confirmata dicitur, quos
 non in iure ciuili libros occupat? De sanctitate e-
 nim ad manes, Et aequitate ad homines perti-
 nente, quodque maximum est, de pietate erga De-
 um, nihil necesse est nunc dicere, cum ea sint pra-
 cipua, qua duo humani generis lumina, Plato
 in bonorum, Et Cicero in aequitatis partitionibus,
 nobis proposuerunt. Ad qua Principes, placita:
 Senatus, consulta: Plebs, scita: Decuriones, decre-
 ta: Et gubernatores, statuta: tanquam ad scopum
 dirigere necesse est, si se, suasque ciuitates, Et Resp. ⁷²
 saluas velint. Hoc autem quando ordine praescri- ³⁴
 pto seruasse Iurisconsultos ostendimus, illud per-
 scrutemur, cur nam bonorum, et aequitatis artem
 ius esse dicamus. Negaret enim quispiam, qui minus
 Celsi

*Celsi auctoritatem vereretur, artem esse ullam, nisi qua cognitis, penitusque, perspectis, & in unum exitum spectantibus, & nunquam fallentibus rebus contineatur: idque vel teste Cicerone lib. 1. de Oratore probaret: & dum ait lib. 2. artem earum rerum esse, qua sciuntur. Sed et à Iurisc. in L. neque leges. ff. de legibus dicitur, neque leges, neque senatus consulta scribi posse, ut omnes casus, qui quandoque inciderint, comprehendantur: sed sufficere ea, qua plerunque accidunt, contineri. Et rursus in L. nō possunt. ff. eo. tit. Non possunt (ait Julianus) omnes articuli sigillatim, aut legibus, aut senatusconsultis comprehēdi. Et Neratius li. 6. membranarum, rationes eorum, qua constituuntur, inquiri oportere negat, alioqui multa ex his, qua certa sunt, subverti fatetur. Ergo minus prudenter Celsus, ius artem esse, dixisse videtur. Ut enim à Platone in Gorgia optimè dicitur, nō est ars dicenda, sed peritia quadam, qua nullam habet rationem eorū qua affert, qualia natura sint. Hūc nodum ex his qua in Academia didicimus, dupliciter explicemus. Plato in dialogo civili, vel de regno, artes geminas, circa omnia qua sunt, considerare precipit. Vnam (ut ita loquar) concausam, al-
teram*

etram verò causam ipsam. Quæcunque, inquit, rem ipsam non fabricant, sed fabricantibus organa subministrant, eas concausas nominamus: eas autem ipsas qua principaliter faciunt, causas appellamus: ut exempli gratia, qua colum, fusum, radium, pectinem efficiunt, & alia circa vestium operam instrumenta præparant, artes concausas nuncupemus, illas autem qua vestimenta curant, & efficiunt, artes causas. Ad eundemq; nos modum (quod ad rem attinet) ius ipsum per se sumptum, purum, & perfectum, ut à iustitia descendit, non solum artem boni, & æqui, verum artem, causam scilicet, quod bonum, & æquum est efficienti imponamus, constantem, certam, perpetuamq;, ut supra in definitione iustitiæ ostendimus. Indiget autem hac ars quibusdã alijs artibus concausis, sine quibus illa exequi non potest, nec ad usum, exercitium, et actionem, in quibus virtus ostenditur, pervenire. Sunt autem hæc: leges, consuetudines, statuta, magistratus, et iudices. Frustra enim iura essent condita, si non essent, qui illa executioni mandarēt, ut in. l. i. §. post originem. ff. de orig. iur. et in. c. ubi periculū. §. præterea. de elect. m. 6. Quos omnes, ut tempus, et occasio postulat, ita decernere, et statue

re aquisissimum est: nec permanendum in una sententia conuersis rebus, sed quid res, quid causa ferat, quid tempus, optimè perspicendum. Incidunt namque sapè tempora, ut ea, qua maximè iusta videntur, commutentur, fiantq; contraria. Ac veluti si medicus imminente longa peregrinatione, procul ab his quos curat, ab futurum diu se putet, diffidensque illorum memoria, monumenta quadam agendorum prescribat, prater opinionem autem ocylus, quam putauerat, reuertatur: non verebitur alia illis precipere, prater ea, qua quondam scripserat, si qua salubriora agrotantibus adhiberi possint: nec ambo perseuerabunt in priori proposito, ut neque ipse mandare alia velit, nec ab agrotante alia prater solita obseruari, quasi & medica artis propria sint illa, & saluberrima: sed potiùs ut fuerint diuersa in corpore perturbationes, & motus, diuersa adhibebuntur medicina, & remedia: neq; aliter praestantibus in Republ. gubernanda viris licebit, cum in aliqua causa sententia manifesta est, ad similia procedere, atque ita ius dicere: quotiensque vnum, aut alterum introductum est, cetera, qua tendunt ad eandem utilitatem, vel interpretatione, vel certè iurisdictione supplere.

*Vt enim in nauigando, portum si possis mutata ve-
 lificatione assequi, stultum est eum tenere cum pe-
 riculo cursum, quem cœperis, sic cum omnibus in
 administranda Republica propositum esse debeat,
 ut vincat iustitia, neque ullus detur iniuria lo-
 cus, equius est, salubriter pro vtilitate hominum
 noua introducta dispositione, suum cuique tribue-
 re, quàm dum obsoletam iam, & deciduam legem
 ad vnguem seruare intendunt, iniuriam facere.
 Atque hoc respexisse arbitror Innocentium. III.
 cùm in. c. non debet. de consang. & affinit. Non
 debet (inquit) reprehensibile iudicari, si secun-
 dùm varietatē temporum, statuta quandoq;
 varientur humana, præsertim cùm vrgēs ne-
 cessitas, vel euidēs vtilitas id exposcit: quoniã
 ipse Deus ex his, quæ in veteri testamento sta-
 tuerat, nonnulla mutauit in nouo. Vnde gl. illa
 meritò à Bartolo, & ab alijs reputatur singularis
 in. l. 1. C. de legitim. tutorib. dum ait, quòd correctã
 ratione legis, dicitur correctã ipsa lex, de quo plura
 Canonista in. c. post translationem, de renuntiat.
 & Alexand. in. l. 1. col. 3. ff. solu. matrimonio. Sed
 iam iterum eandem rem alio modo cõsideremus.
 Circa quodcunq; tres esse artes, vtentem, facientē, 36*

Et imitantem, Plato lib. 10. de Repub. docuit. Vir-
 tutem autem, pulchritudinem, et rectitudinem cu-
 iusque instrumenti animalis, et actionis, non ad
 aliud referri dicit, quàm ad usum, cuius gratia
 quodcumque est factum, vel genitum. Tibicen igitur
 ad quem utendi ars pertinet, de aptis, et ine-
 ptis tibijs, utpote is qui artem intelligit, pronunciat,
 nec fallitur. Huic tradeti, qua ad usum aptissima
 sunt, si effector tiliarum fidem praestet, eas quales
 oportet facit. Imitatores autem, seu pictores, opi-
 nione solummodo, nulla intelligentia ducuntur: un-
 de iocus quidam ferè eorum ars est, non res seria.
 Idem in ea re, quam declarare paramus, evenire
 facile nunc quisque intelliget. Est nanque ius per
 se sumptum, prout in se virtutes, et earum usus
 continet, ars boni, et aequi, perpetua, immobilis,
 sempiterna, non opinionibus, sed veritate, et na-
 tura constans, qua neq; inflecti gratia, neque per-
 fringi potentia, neque adulterari pecunia potest:
 quam qui didicerint, eiq; fidem dederint, nunquam
 aberrabunt, neque aliter, quàm decet iuris profes-
 sores, respondebunt, Quòd si aliquando videmus
 non rectè aliquid statuere eos, qui consuluntur, nõ
 iuris vitio, aut huius artis culpa id accidere dicen-
 dum

dum est. sed eos, qui id statuant esse ius, quod iniquum esset iudicare, non iuris numerare peritos, sed praestigiatores, impostores, & imitatores falsos appellare conuenit. Similiterq; si contra patronorum dicta, & responsa aliquando iudicatur: si perperam, non iuris prudentia, sed iudices potius improbi, & iniqui vituperandi. sin rectè, id fuit ius quod iudicatum est, illi verò non iuris periti, sed stulti homines, & ignari. Atque hoc illud est, quod à Platone lib. 1. de Repub. dicitur, arti nullum errorem inesse, & paulò ante dum ait, nullus artifex peccat: ex eo nempe quod quisquis, dum peccat, deficiente illius artis scientia peccat, in quo ià sanè nō est artifex. Cuius meritò quis nos sacer-37
dotes appellet. Nihil necesse est in horū verborum explicatione diutius nos immorari: qua autem ab antiquioribus dicuntur, nihil faciunt ad rem. Baldus ait, opponitur, & videtur, quòd doctores non sunt sacerdotes, quia sacris ordinibus nō sunt insigniti. Solutio, inquit ille, sacerdotiū aliud spirituale, & sic loquitur contrariū: aliud temporale, & sic loquitur hic. Accursius ex eo iuris professores sacerdotes dici credit, quia sicut sacerdos ius cuiq; tribuit, in danda pœnitentia, ita legum

professor in iudicando. Melius profectò, quantum ego sentio, recentiores, è quibus, ob id venerandos illos Jurisconsultos sacerdotes dictos, firmat Budæus, quòd omni genere literarum instructissimi, gratuitam, non quaestuariam iurisprudentiam exercentes, in publicum quotidiè prodeunt, unicuiq; civiũ se consulendos, antiquo instituto præbebant: & responsa boni, & aequi plena reddebant, candidissima virtuti iustitiæ consecrati, quemadmodum singulis dijs sui erant consecrati sacerdotes, qui de futuris, atque agendis, consulentibus responsa darent. Roscius lib. 1. memorabilium cap. 10. hac explicans verba, Quemadmodũ (inquit) sui singulis dijs consecrati erant sacerdotes, ita iurisperiti Themiti dea, qua credita est ius, fasque & iustitiæ custodire: aut Dica, qua dea iudiciorum, seu præses dicta est ob id Gracè, quòd lites, et contentiones dirimat. Nam & eius dea diaconi, & ministri iudices dicebantur, quasi litium diremptores. Hocomanus in lib. de optimo genere interpretandi, hinc, ait, Jurisconsultos iustitiæ sacerdotes appellari videmus, quippe qui iustitiæ dea oracula, & responsa consulentibus enuntiæt. Sic enim sensisse Vlp. mihi quidem dubium videri nõ potest,

tamet si longè aliter verba ipsius ab eruditissimis quibusque vulgò intelligantur. Sic autem *Et legendum, Et interpungendum esse locum existimo.* Ius est à iustitia appellatum (nā vt eleganter Celsus definit, ius est ars boni & æqui) cuius merito nos quis sacerdotes appellet. *Vt vox, cuius, non ad ius, sed ad iustitia dea nomen referatur. Cum satis constet non artis alicuius, sed deorū sacerdotes dici consueuisse. Horum ego interpretum explanationem verbis iurisconsulti egregie conuenire, vel ex his quæ sequuntur, mihi libens persuadeo, Ea sunt.* Iustitiam namq; colimus, boni, & æqui notitiam profitemur, æquum ab iniquo separātes, licitum ab illicito discernētes. *Quæ verba, sicut de finitionē iuris, de æquitate ple-* 38 *riq; intelligūt, summū ius mitigāte. Quod ego, quo possit stare modo, nō video. Primum, quia æquitas aut amplior, et augustior est q̄ ius, vel cōtra. Si augustior est æquitas iure, qui fieri potest, vt ius æquitatis ars rectè dicatur: quādoquidē æquitas ius corrigit, emēdat, et interpretatur: cōuenientiūstūc diceretur, æquitate iuris artem esse. Si verò æquitas sub iure, anq̄ species sub genere cōtinetur. Peccauit ī diffinitione iuris Celsus quādoquidē ius ḡnrali*

ter sumptum, & rigorem, & aequitatem continet: seueritatisque non minus, quam facilitatis artem ius esse, dicere oporteret. Deinde si ut Salomomo & Connano placet, aequitas scripto contineri non potest: sed cum primum quod aequum est lege, vel statuto disponitur, nomē aequitatis amittit, vocaturque ius legitimum, deridendus certè est Iurisconsultus, qui earum rerum esse artem ius dixerit, quae nullo iure continentur. Quòd si dixerint iuris vocabulū generale esse, cuius species, aequitatem, atque ius legitimū, Salomoniū atque Connanus assignant: in hac sententia triplex latet morbus. Primus, quòd de ea re, quam ipsi incertam fatentur, artem dicant esse. Secundus, quòd cum ius generaliter sumptum, hic diffiniri affirmēt, atque illud duas continere species dicant, turpiter labi sinunt iurisconsultum, dum ex duabus generis partibus, unam volunt in definitione praeteritam. Tertius, si quo fateri modo cogeremur, ex his duabus iuris partibus, unam tantum intellexisse Celsum, de scripto & certo iure, non de aequitate hic agi dicendū esset: cum paulo post idem Vlpianus, ad partes huius artis & definitionis deueniens, huius dicat studij duas esse positiones, publicum, & priuatum, quibus

quibus omnia iura diuina & humana, scripta & non scripta continentur. Sed nolo hac in re diutius esse molestus. Hoc meum hac in re iudicium neminem sequi cogo, nisi probauerit: si quoddam aliud est suum, vel alterius cuiuspiam, quod sibi similis veri videatur, fiet illi, per me libenter assentior. Neque enim quicquam tam mordicus asseuero, maxime cum ipsum verum tam in occulto lateat, quin iudicem aliud aliàs mihi posse videri. Jam³⁹ quid sit licitum ab illicito discernere, vno verbo monstremus, ut deinceps ad reliqua veniamus. Id egregie ostendisse, ut pleraque omnia, Ciceronem, in oratione pro Lucio Cornelio Balbo existimo, dū inquit: quid ait accusator fecisse Pompeium, quod ei facere non licuerit, quod grauius est, quam si id factum ab eo diceret, quod non oportuisset. Est enim aliquid quod non oporteat, etiam si licet. Quicquid verò non licet, etiam non oportet. Hac ille: quasi diceret id solummodo nobis licere, quod decorè, moderatè, modestè, continentè, temperanterque possimus. Si quicquam sit huic talium virtutum choro contrarium, id illicitum esse, quod si illicitum, inutile omninò esse existimandum. Illud notandum est, quod ait, Iustitiam namque cō-

limus, boni & æqui notitiam profiteamur.
 40 Quibus docemur, iuris ac legum professoribus in primis necesse esse ut virtutes, & earum partes retenerint, cum sint illa principia, & fontes, unde aequi & iniqui, liciti & illiciti haurienda natura sit. Unde non indoctè Lucas de Penna in l. 1. C. de metropol. lib. 11. tradit, virtutum materiam scribere, ad simplicium iuristarum eruditionem, utilius esse, quam repetere. l. Gallus. Quod si fieret, non illud certè eueniret, quod videmus sæpè facere interpretes, vnius incerta (ne dicam falsa) conclusionis occasione, innumera annectere, qua nulli, vel mediocriter erudito, probari possunt. Vbi enim principium ignotum ponitur, finis autem, & media ex ignoto tracta inuicem connectuntur, inde collectam assertionem quonam pacto scientiam nominabimus?

Deratione præmij, & pæne.

LIBER V.

I Bonos non solum metu pœnarum, verum præmiorum quoque exhortatione efficere cupientes. Duo præcipuè sunt, quæ ex his verbis solent deduci. Primum est, ex eo iurisprudentiam reliquis omnibus facultatibus longè præcellere,

cellere, quòd eò tendat, ut boni omnes efficiamur.
 Quanto igitur iustitia reliquis virtutibus sit nobilior, tantò \& ius ceteris artibus prestare. Qua de re Fortunij in tractatu de ultimo fine, oratio, nihil praterentis eorum, quæ pro hac causa dici possunt, me mouet, ne diutius de ipsa disputē. Illa verò deridenda contentio est, quæ plerosq; leguleiorum angit, atq; fatigat, sint ne Iurisperiti Medicis præferendi. Ac sanè Medicina professores legum doctõribus esse præferendos, probari posse videbatur hoc pacto. Res omnes quæ fiunt, quæ futura, quæq; facta sunt, vel natura, vel fortuna, vel arte fieri, inter philosophos constat. Maxima verò quæq; atq; pulcherrima à natura, \& fortuna fiunt. Ars autè, accepta à natura magnorum, primorumque operum generatione, fingit, efficitque minora omnia, quæ artificiosa ab omnibus appellantur. Si quem verò natura \& fortuna nomina perturbant, sciat naturam, ut suprà in definitione iustitiæ docuimus, esse summi Dei voluntatem, qua omnia principia, ac simplices qualitates, quæque ex eis sunt, creata esse, omnes credimus, \& fateamur. Fortunam verò obscuram esse causam, docent Plato, Seneca, atque Diuus Augustinus
 lib. i.

lib. 1. retracta. cap. 1. & Cicero in Topicis ad Trebatium. Cum nihil, inquit, sine causa fiat, hoc ipsum est fortuna, euentus, obscura causa, qua latenter efficitur. Quam etiam sententiam lib. 1. Academicarum questionum confirmavit. Quod si sic est, eas artes excellere, praehabendasque ceteris esse, qua potius naturam imitantur, magisque vim suam cum natura communicant, negari non potest. Sed civilis disciplina, parua quadam parte cum natura, magna vero cum arte concurrit, ergo iurisprudentia, vel agricultura, non solum medicina est praefenda. Verum non est cur de re tam aperta, plura verba faciamus. Ex ijs qua supra tradidimus satis constat, iustitiam, temperantiam, aequitatem, bonitatem, reliquaque virtutes, homini multo magis secundum naturam esse, quam vires, diuitias, pulchritudinem, sanitatem, & reliqua qua vulgo putantur bona. Quod si quis mores instruere, & ciuitatis & singulorum actus componere, moderari cupiditatibus, cohibere appetitus, multo excellentioris negaret esse facultatis, quam de corruptis humoribus, & atrabile agere, is vel ab ipsis medicis desperatus, ad agnatos & gentiles esset deducendus. Illud magis ad rem, finem iurisprudentiae esse

esse, bonos efficere ciues, media autem, siue instru-
 menta, quibus efficitur, premia esse, et pœnas: ut di-
 citur in. l. § virtutem. C. de stat. § imaginibus, et
 in Clem. cupiētes, de pœnis, et optimè docet Arist.
 lib. 3. Ethic. c. 1. et. 5. § author est Cicer. lib. vnico
 epistolarum ad Brutū. Solō, qui et sapientissimus
 fuit ex septem, § legum scriptor solus ex septem,
 Rempub. duabus rebus contineri dixit, premio, §
 pœna, de quibus nobis pauca dicēda sunt: illud ve-
 rò sciendum, s. potissimam harū partium esse, pra-
 mijs afficere bonos, quoniam hāc partem iustitia
 per se intendit. Punit autem malos ad finem solū-
 modo prae miatationis bonorum, scilicet, ut boni tu-
 tius possint viuere, timore malorū sublato, ut Pla-
 to lib. 9. de legib. docet, dicens, legumlatoris finem
 esse, quacumq; id ratione fiat, ciues bonos, beatosq;
 efficere: punire autem malos, necessitatē potius es-
 se, quā voluntatē. Aptè etiam, hoc idem nos
 docet Ioann. 22. in extrauagant. titul. de pœnis, dū
 ait, Dierum crescente malitia videmus mun-
 dum in deteriora iugiter prolabi: sic homi-
 num mentes assueta deprauate nequitia, ma-
 lis passim cumulum superaddi, ut & boni qui
 aliās odirent delinquere virtutis amore, in-
 terdum

terdum cum peruerſis admixti, concurrere cum illis in illicitis habeant, & in apertã malitiam proſilire. Eſt enim compescenda malorum audacia, vt ſaltem pœnæ formidine retrahantur à noxijs: ſicq; boni ſectando virtutem meliores effecti, non cogantur cum illis

5 perire. *Quæ quidem vniuerſa paulò nos concidamus minutius. Sunt quæ à nobis fieri poſſunt officia duplici conſideranda modo: aut enim ſunt pura virtutis opera, aut ex eo egregia nominantur, quod in Reipu. vel alicuius commodum facta ſue-*

6 *rint. Quod ad primum attinet, quiſquis ſiue à principio ſummi boni conceperit imaginem, quam ſequatur, vltroq; appetat, ſiue forte intelligens ſe in deligendo genere vitæ erraſſe, accenſus repente amore melioris propoſiti, faciendam morum, inſtitutionumq; mutationem cenſeat, virtutẽ propter ſeiſſam amplexatur: non villo premio, utilitate, aut emolumento ductus, quod ab hominibus dari poſſit. Expectans namq; res, & fructuoſas, & ſempiternas, contentus degit rebus ſuis, nulla re egẽs, nihil ſibi deeſſe ſentiens, nihil requirens ad beatè viuẽdum. Quod tamen, non, ita accipiendum eſt, quaſi nullum bonis, etiam in hac vita propoſitum*

præ-

primum sit, virtutis atque iustitia. Illud potius
 sciendum, vendicare quoque sibi hanc curam
 Deum, ut sacra mandata custodientibus, calum
 demittat tempestivas pluias, terraque fundat
 proventus frugum omnis generis (ut in Deuter.
 c. 11. & Leuit. c. 26. promittitur) ne mentis cogita-
 tiones, & manuum conatus impediatur, quo mi-
 nus gnauiter se gerant in serijs studijs: frui prate-
 rea bonos viros interioribus iustitia pramijs, qui-
 bus cogitari in vita nihil possit utilius, aut hone-
 stius: ea sunt excelsitas animi primum, qua quic-
 quid humanum, corruptibileq, est contemnunt: in
 corporeas, intelligibilesq, res, semotis sensibus, ut
 ministris bruta partis anima, mente vero & ra-
 tione in consilium adhibitis, considerantes. Dein-
 de gaudiū replens tranquillitate, ac pace totā ani-
 mam, latam innocentibus actionibus cum virtute
 coniunctis, etiam si nulla voluptas accedat. Postre-
 mō Dei contemplatio: ubi enim purgatus quis-
 quā affectibus, tota anima, tota mente, totis viri-
 bus Deū querit, miseratur sine dubio misericors
 pater, neq, negat sui contēplandi copiā, quantū hu-
 mana natura capax est diuini mysterij, videlicet,
 ut agnoscat, pro omnibus Deū verū, cali, mundiq,

opificem, rerum omnium conditorem, hominū parentem benignissimum, & quem misit Iesum Christum diligendum, verendum, & observandum esse. Quem optimum, ac sanctissimum statum, ubi semel animus est consecutus, quasi gubernator in puppi ad clavum sedeat, cursum rerum humanarum modestè, prudenterq; moderatur. impensè cupiens dissolvi tandem, & esse cū Christo. Ex quibus illud iam apparet, non esse cur de hac re Platonem & Arist. pugnare inuicem suspicemur. Dū enim Arist. in *Metaph.* & in *Ethic.* ait, posse nos ad felicitatē speculatiuam in hac vita peruenire, licet in. 3. de anima, nullam de hac re firmiter sententiam, intelligendum est Arist. in hac quæstione nullum de vita aterna, fruitioneque Dei, verbum fecisse. Sed dum vitam speculatiuam, felicitatem appellat, reliqua omnia, qua in vita sunt, quaq; fieri possunt, considerat: qua omnia si vita speculatiua comparentur, vilescunt omninò, nec assis facienda sunt. Plato verò in lib. de *Repu.* & lib. 10. de *legib.* & in *Philebo.* summum bonum esse profitetur, primam rerum omnium causam, purissimum bonitatis & pulchritudinis fontem contemplari. Quod in *Phadone* fieri non posse ait, in hac

vita,

vita, ex eo quòd vera gaudia, immortales scientia
 & bonitatis diuitia nobis sint in cælo recondita.
 Quibus ut idem ait in Symposio, post mortē, intel-
 lectus contemplatione, fruitioneque voluntatis sua
 iussimè utemur. Quam rem dum Plato conside-
 rat, & rimatur, nihil mirum si voluptates omnes
 etiam sapientia & speculationis, qua in hac vita
 homini possunt cōtingere, spernat prorsus, & vili-
 pendat. Altera nostrarum operationum pars, qua 8
 ex eo officij nomen sortita est, quòd vel in reipub.
 vel in alicuius privati commodum et utilitatem
 cedat, plerunq; non tam sua vi, quam emolumento
 captans aliquo, nos trahit ad sese. Unde necesse
 est diuersa proponi premia, quibus inescati iuue-
 nes, qui bellicam laudē sequuntur, strenuè pugnent
 fortiterq; hostem, nullo metu adoriantur: qui vero
 togati rempub. sunt gubernaturi, à sapientia & li-
 terarum studio, nullo tempore aut otio abstrahan-
 tur, voluptate auocētur, aut somno retardentur.
 Quæ in re personæ facientis, beneficij vis, præmij
 genus, & publicæ facultates, quid cuiq; debeatur,
 quidq; sit illi tribuendum, ostendunt. De quibus
 nulla potest tradi regula certa, cum euentu &
 occasione, nō perpetuo ordine iudicentur: quòd ve

rò res patitur optimè à iurisconsultis digestū est.
 Nec desunt apud eos innumerà pramiorum gene-
 ra bonis & in pace, & in bello viris proposita, qua
 non vna aut altera lege, sed innumeris ferè titulis
 complectuntur lib. 10. C. & alibi de statutis & ima-
 ginib. de captiuis & postlimi. reuers. de re milita-
 ri. De castrensi pecul. de priuileg. veteranorum,
 de decurionibus, de muneribus & honoribus, de iu-
 re immunitatis, qua omnia tempore & circumstan-
 tijs metienda sunt, de quibus Cicero lib. 2 de inuen-
 9 tione, in hanc ferme sententiam scripsit. Ratio pra-
 mij distribuitur in beneficia, hominem, pramij ge-
 nus, & facultates. Beneficia autem queruntur ex
 sua vi, magna sint, an parua, facilia, an difficilia,
 singularia, an vulgaria. Ex tēpore, si cūm indige-
 remus, cūm cateri nō possent: cūm spes deseruisset,
 collata sunt. Ex animo, si non sui commodi causa
 sed ut opitularetur, fecit. Ex causa, si nō fortuna
 sed industria beneficium collatum est, vel si indu-
 stria fortuna obstiterit. In homine verò cōsideratur
 quibus rationibus vixerit, quid sumptus aut labo-
 ris insumpserit, si quid aliquando tale fecerit, nū
 alieni laboris, aut diuinā bonitatis pramium sibi
 postulet, num aliquando ipse talem ob causam
 pramium

premium alicui negauerit, satisne pro eo quod fe-
 cerit honos habitus sit, an necesse fuerit ei facere
 quod fecit, an sit id factum, quod ni fecisset, panam
 mereretur, non quia fecit premiū: num ante tem-
 pus premium petat, num quo supplicium vitet, pre-
 mium postulet. In premij genere attenditur quid,
 quantum, & quamobrem postuletur, quo & quā-
 to quaq; res premio digna sit, quibus hominibus, et
 quibus de rebus talis honos solitus sit haberi, ne is
 honos nimis peruagetur. Facultas est postremo, cum
 aliquod premium pecuniarium postulatur, inqui-
 renda, videndumq; copia ne sit agri, vectigalium,
 pecunia, an penuria. IO Quam eandem rationem fa-
 cile nos ad distributionem panarū transferre pos-
 semus. Quamuis enim ferè omnibus, quæ cōmitti
 possunt criminibus, legibus statuta sit certa pana,
 sunt tamen quamplurima causa, quibus aut dis-
 ferri, aut minui, aut etiā tolli possit omnino. Qua
 propter rectè scriptum est in l. hodie. ff. de penis, pe-
 nas hodie esse arbitrarias, non quòd ad libitū pos-
 sit iudex nocentes homines impunitos relinquere,
 sed quòd ex causis quæ incidunt, minuere, augere
 ue possit à lege panam impositam, ut probatur in
 l. & si seuerior. C. de his qui not. infam. & in l. quid

ergo §. pena grauior. ff. eo. tit. Et in. l. 1. C. de deser-
 torib. libr. 12. Quod tamen, scilicet crimini obno-
 xius parcere, proprium principis munus est in iudi-
 cijs. Namq̄, probari vix potest hoc genus: siquidē
 concesso peccato, difficile est ab eo, qui peccatorum
 vindex esse debet, ut ignoscat impetrare. Cum iu-
 dicem clementiorem lege esse non oporteat, auth.
 de iudicibus. §. oportet, cumq̄, sit minister legis; Et
 iuret omnia secūdum legem agere, auth. hodie. C.
 de iudic. non debet legem à qua ius Et imperium
 habet, in aliquo violare. l. 1. ff. à quib. appell. nō lic.
 Et. c. si omnia. 6. q. 1. l. 2. ff. de exhib. reis. l. qui Ro-
 ma. ff. de verb. oblig. Et. l. 4. §. si quis. ff. de re iudic.
 Quæ tamen ita accipienda sunt, nisi subsit, ut mo-
 do dicebam, causa, qua vel consulto principe, vel si-
 minus id necesse est, suo arbitrio, iudex legis seue-
 ritatem temperet. De causis postea dicemus: illud
 II sciendum, in iudice requiri ut appareat causa, ne-
 que credi è republica fecisse illum, nisi indulgentia
 ratione manifestè probata. In principe vero an le-
 gitima presumatur causa, quam fieri potest bre-
 uiter, videamus. Ac sanè principis voluntatē ius-
 tam esse causam, ut vel iura soluantur, ait glo. in
 Lrelegati, quam sequitur Bart. ff. de pan. Bald. in
 Lrescripta

l. rescripta Cinus, & alij. C. de precib. imperato. of-
ferendis. Abb. in. c. cum olim, & in. c. in causis de re
iudica. Dominic. in. c. grandi de supplend. neglig.
prala. in. 6. & Anto. in. c. cū inter de renūti. Quin
Bald. in. c. cum super de caus. poss. asserit, Papam
atq. principem ex certa scientia, supra ius, & ex-
tra ius, & contra ius omnia posse. Ex quib. illa se-
quuntur: posse principes ad libitū ius civile tollere,
ut nonnulli tradunt. dd. in. c. proposuit de concessi
praben. & in clem. 1. de immunita eccles. Simili-
terq. posse legitimare spurium in legitima prolis præ-
iudicium Bald. scripsit in. c. dño guerrā, in tit. hic
finitur lex Corradi, in vsibus feud. Imo etiā si iam
filijs legitimis sit ius quasitum post mortem patris,
iamq. hereditatem adierint, adhuc in eorum præ-
iudicium spurium legitimari posse, Dinus cōsilio 22
& Paul. de Castro cōs. 225. & Alex. de Imol. cōs.
2. col. 6. volum. 1. putauerunt. Ex eonempe quòd ut
Felin. ait in. c. qua in ecclesiarum de constitut. sem-
per iusta causa præsumitur in principe, etiā si non
appareat. Atque hac omnia non ita præteruolant
illi, sed adeo dilatant, ut non mediocrem curam
adhibeant, et diligentia: qua ego profecto, parcius
ut dicam, dubia, incertaq. esse, mihi iam dudū per

suasi. Quāvis enim princeps legibus solutus sit, tamen ut docet Casius in. l. princeps. ff. de legibus, non est absolutus à iustitia, qua cuiq; tribuit, quod suū est: imo tantò plus ei hac est virtus necessaria, quā tò altior est sua eminentia celsitudo. Quod verò quidam in. l. quo minus. ff. de summi aiunt, hāc communem sentētiam, scilicet in principe praesumi causam, procedere in his qua sunt iuris positivi, in quibus ad libitum potest tollere, vel non tollere: in illis verò qua sunt iuris naturalis, aut gentium, quibus nuda principis voluntate derogari non potest, praesumptam causam non sufficere, sed requiri, quòd sit vera & iusta, & expressa: adiunguntq; hāc opinionem tenere Abbatem in. d. c. qua in ecclesiarū, Bald. in. c. 1. de natura feud. & in. l. si testamentū C. de Testamen. & Roman. cons. 352. utrunque rectè dissolvitur. Nā primū Abb. potius firmat cōtrarium: deinde quamprose rationē allegant, non arbitror in distinctè verā, cum doctè Panormitanus in. d. cap. qua in ecclesiarū & in. c. de multa scribat, ubi non subest legitima causa solvendi ius positivū, peccare principem illud violando: cum meminisse eū oporteret datam ei esse potestatem pascendi gregem, non turbandi, seu molestandi. Et ius quoq;

prin-

principē iura violare dicit dispensando, in. l. qua in
 prouintia. ff. de ritu. nup. Quo fit, ut ad dispēsatio
 nem legitimā, requirat causam insignis text. in. l.
 relegati. ff. de pan. quodq; de summorum principū
 potestate dicitur, cum grano salis, hoc est, clauē di
 scretionis, id est, rationis, non errante, intelligit glo.
 in. c. quāta de iure. iur. quā ibi canonista cōmendāt:
 prapriū Bald. dicens verbum illud fixē tenēdum
 cordi, rectē ut ego censeo. Nā dicere, posse ius posi
 tiuū principē nulla causa soluere, idē est, ac si nullo
 iure, nulla ratione diceretur. Quidquā verō nulla
 ratione agere, vix est pecudis, nedū hominis. Dein
 de iā satis cōstat, ius naturale vel gentiū absq; cau
 sa, nec à principe mutari posse. l. queris. ff. de nata.
 res. Et in. l. qui solidū §. 1. ff. de leg. 2. Et per Imol. in
 c. venientes de fil. presbitero, Et in. c. unico de atate
 et qualita. et in. l. bonorū. C. qui admit. ergo cū ius
 positiuum Et ciuile nō sit omnino diuersum, nec in
 totū recedat à iure naturali vel gentiū. l. ius ciuile
 ff. de iust. et iur. sed ab eodē fonte, quo et ius natura
 le deriuetur (iura enim per ora principū diuinitus
 promulgari in decretis patres tradiderunt) paulò
 minus principes, non subsistēte cōtrariarōe, ad ob
 seruationē iuris positiuī, quā naturalis, aut gentiū

tenentur. Vnde illud euenit, ut factio in aliquo com-
 promisso, ut secundum ius arbitretur intelligatur se-
 cundum ius posituum, non gentium, naturalium. Iu-
 dicem quoque oportere secundum aequitatem iuris posi-
 tui procedere, non secundum aequitatem informatam
 à iure naturali, tradidere recentiores in c. ex parte
 2. de offi. deleg. Soci. in cons. 8 s. incipienti, viso cõ-
 promisso. 1. part. 5. Card. cons. 144. Obligationem
 etiã civilem, per se solã, maioris esse efficaciam, quã na-
 turalem solam videmus. Ex naturali namque non da-
 tur actio. l. iuris gentium. §. igitur nuda ff. de Pactis
 bene autem ex civili, ut ex obligatione literarum
 post biennium. Similiterque possessio naturalis, sine
 civili, non sufficit ad prescribendum, bene autem
 civilis, Bart. in l. 1. ff. de acqui. posse. Vnde etiã in
 foro conscientie, ex simplici promissione non roborata
 fidei interpositione, vel iuramento, non oritur obli-
 gatio, cuius impletio sit necessaria ad salutem, cap.
 literarum, de voto, 5. tenet Richardus de media
 villa, in 4. sentent. distin. 34. q. 3. 5. Felin. in c. 1. de
 pact. Quorum omnium est ratio (ut dici solet) fun-
 damentalis, quia cum ius posituum non sit aliud, nisi
 specificatio naturalis reetitudinis expressiua, ma-
 gis congruit, 5. magis adaptatur actibus hominum,

anquã in agis speciale. Vt enim Ulpia. lib. 1. instituit, ius civile est quod neq; in totũ à naturali vel gẽtium recedit, neq; per omnia ei seruit. Itaq; cũ aliquid addimus, vel detrahimus iuri cõmuni, propriũ, id est civile, efficitur. Quare principem ferẽt a religiosum esse decet erga ius civile, quã erga ius naturale vel gentiũ. Intellego autẽ teneri eum ad obseruantiam iuris positivi, nõ vinculo civili & superioritatis, sicut obligamur inferiores. Siue enim ipse constituerit, se ipsum sibi non potest obligare, siue ab altero principe lata sit lex, par in parem non habet imperiũ. Sed dicimus teneri obseruare ius civile, eodem vinculo, quo obligatur, & constringitur à iure naturali vel gentiũ. Ex eo scilicet quod ab eodem fonte, quo & prima iura deriuatur, ratione q; & aequitate stabilatur, quibus manẽtibz, nulla est p̄cipi copia, quidquã inuitã ratione mutãdi. Nec obstat quod à Theodosio & Valentiniano in l. rescripta. C. de precibus imp. offeren. dicitur, posse principem panas remittere delinquentibus: nec additur, cum, vel sine causa, imo intelligunt ibi communiter doctores, posse, nulla existente occasione: afferentes illã esse exceptionem regula superioris, qua cauebatur ne iuri

*contraria impetrarētur, quòd intelligitur sine cau-
 sa. Ego verò potius crederem etiam post cōmissum
 delictū, quanuis pana sit corporalis, nec veniat ap-
 plicanda parti, non expedire sine legitima ratione
 illam totam remitti. Primum quia quanuis singu-
 lares pana, & earum quantitas sit iuris civilis, deli-
 cta tamen omnino impunita relinqui, iuri natura-
 li aduersatur. Quinimo quod ad ipsam quantita-
 tem punitionis pertinet: quandoquidē minister iu-
 stitia princeps dicitur, seruare aequalitatē inter ci-
 ues debet. Vndē ut omnibus remittere non esset cle-
 mentia, ita & aliquibus nulla ratione, satis iustum
 non foret, quandoquidem iustitia virtus personam
 nō accipit, sed aequalitatem, paritatemq; inter om-
 nes suo iure seruat. Rectē igitur illustrissime pra-
 ses, vosq; illustres consiliarij camera, & senatores,
 humanitate seueritatem, seueritateq; humanita-
 tem temperatis. Vt enim optimē Cicero ad Bru-
 tum, inquit, salutaris seueritas vincit inanem spe-
 ciem clementia: meminiq; ipse cū promultis qui
 sese mihi committebant, parentem precarer meū
 (fuit enim ille camera consiliarius Caroli quinti
 Romanorū Imperatoris) ab eo saepe me audiuisse,
 facilitatem venia incentiuum esse delinquendū,
 ideoq;*

prami, aut pana ratio continetur, dua sunt partes.
 quarum alteram absolutam, alteram assumptiuam
 nominamus. Quae inter se eo differunt, quod abso-
 luta non ut negotialis implicitè, et absconditè, sed
 patentius & expeditius, recti & non recti quaestione
 continet. Item in absoluta quid iuris sit quaeritur:
 in negotiali, quid iuris esse debeat. Postremo in ab-
 soluta quod legibus statutum est ius, non unquam om-
 nibus quaeritur: in assumptiuam autem seu negotia-
 liqua litate, ius efficitur sententia iudicis. De abso-
 luta non est nostri muneris agere: patet enim qua-
 cuique delicto statuta sit pana, multisque id titulis con-
 14 tinetur. Id sumimus inuestigandum, quibus cau-
 sis ius id certum mutetur, quod ad assumptiuam
 pertinet: cuius partes sunt quatuor, comparatio, re-
 latio criminis, remotio criminis, concessio, in quibus
 siue facta puniatur, siue dicta, siue scripta siue con-
 silia, ex causa, persona, loco, tempore, qualitate, qua-
 litate, euentu sumendum ius esse, Claudius Satur-
 ninus iurisconsultus in l. 16. ff. de panis, tam bene
 docuit, ut nihil supra. Nos quod institueramus
 15 prosequamur. Comparatio est cum aliquod factum
 quod per se ipsum non sit probandum, ex eo cuius
 id causa factum est, defenditur. Cuius generis sunt
 plurima

plurima apud iurisconsultos exempla, ex quibus
 pauca quedã proferemus. Si vel reus nimis sit gra-
 tiosus in ciuitate, vel iudex non tanta authorita-
 tis, ut delictum possit imposta à lege animaduer-
 sione punire, melius esse mitiorem panam impone-
 re, quàm delinquentem impunitum relinquere, in
 c. quidam cum bonorum, & in. c. si ecclesia 23. q. 4.
 disponitur. Qua in specie patet, iudicationem cõpa-
 ratiuam esse, cum pana à lege statuta reus puniri
 non posset, satiusne fuerit reum impunitum relin-
 qui, an leuiori pana plecti. Similiter in. c. cõuenien-
 tibus. 1. q. 7. & in. c. ultim. de duortijs, & in. c. ul-
 tim. qui filij sint leg. si ea sit cõditio peccantis, ut eo
 dimisso alij ad fidem, vel ad melioris vite frugem
 faciliustrabantur: mitigandam & si necesse sit,
 relaxandam panam, dicitur, constatq; iudicationẽ
 comparatiuam esse. Nec aliter in. l. ad bestias. ff. de 16
 pan. si communem doctorũ sententiam sequamur,
 iudicatio est comparatiua. Conferuntur enim inter
 se delictum, propter quod supplicijũ vltimum me-
 rebatur reus, & ut ab eis dicitur, excellentia in ar-
 te, qua reipub. deseruit. Quia vero huic rei subtili-
 ter ab aliquibus contradicitur, libet parumper cir-
 ca intellectũ illius legis versari, cuius sunt verba:

Ad

Ad bestias damnatos fauore populi præses
 dimittere non debet, sed si eius roboris, vel ar
 tificij sint, vt dignè populo Romano exhibe
 ri possint, principem consulere debet. *Inter
 pretes dum, exhiberi, id est, per gratiã relaxari ex
 ponunt, ad damnatos verbum referendo, annotan
 dum existimant. Excellenti in arte decapitando
 parcendum esse, si valde sit utilis reipub. And. ve
 ro Alc. c. 28. 2. parergon. Et Iuan. Cora. de iu
 re civili in artem redigendo. 4. parte, cap. 18. dum
 banc legem nouiter ac subtiliter intelligunt, à Do
 ctoribus non verè expositam affirmant, nihil hic
 de minori pena imponenda agi asseuerando. Dũq;
 sequuntur communem verbi, exhibendi, interpra
 tationẽ, scilicet palã facere, vt in. l. 2. ff. ad exhibẽd.
 ppriè extra secretũ habere, vt apud Vlp. in. l. quod
 Et lex Fania. ff. de lib. homi. exhib. praesidibus onus
 imponunt, vt si damnatos viderint, eius esse robo
 ris Et artificij, vt in spectaculis, qua Roma fiunt,
 oculos spectatorum morari possint, principem con
 sulant, an Romam velit damnatos mitti, vt be
 stijs subiiciatur, in populi Romani muneribus. Mi
 hi communis illa interpretatio non displicet, Et ad
 hoc responsum pertinere censeo, nõ tamen eo modo*

quo glossographi, exponere namque, exhiberi, id est, per gratiam relaxari, nec recte fieri puto, nec id antiquorum authorum auctoritate nititur, meritoque credo in hac re illos ab Alcia reprehensos, qui eadem hac qua nunc acrius accusat, alibi idem ipse defendit lib. 2. de verb. sig. col. 15. dicens, si ex delicto ad bestias damnatus, propter singularē artificij scientiā, ad preces populi ex indulgentia principis poterit veniam consequi. Quā sententiā nullo alio iure probat, nulla alia ratione confirmat, nisi auctoritate legis ad bestias. ff. de pan. Neque me mouet, dānatos à proconsulibus Romā solere mitti ut bestijs subijcerentur, ut apparet ex Cicerone in L. Pisonē, prope finē, dum ait: quòd populari illi sacerdoti sexcentos ad bestias amicos, sociosq, misisti. Ego enim hoc loco verbū, exhiberi, nō ad dānatos, sed ad robur potius & artificij refero. Quod non solum ad industriā cōgrediendi cū bellus extenditur, sed & solertiā ad quamcūq, rem peragendam ac modū cōprehēdit, ut ibi omne artificij per exercitiū suscipit incrementū. l. legatis. §. ornatricibus. ff. de leg. 3. Quin et ludi literarij magister artificis venit appellatione. duo societate coierūt inquit. Pau. in l. duo. ff. p. socio. ut grāmaticā docerēt, et

quod

quod ex eo artificio quæstus fecissent, cōmu-
 ne eorū esset. *Est igitur huius legis mēs* *Et sentē-*
tia, ad bestias damnatos populo intercedēte non di-
mittēdos, sed si eius roboris vel artificij sunt, dam-
nati inquam, ut dignè possint, scilicet robur *Et ar-*
tificium eorū Romanis exhiberi, princeps est con-
sulendus: non ut ad tam longum supplicium trahā-
tur, sed potius ut insigni robore atq; artificio, Po-
pulo Romano inseruiāt. Simile est quod Ulpianus
ait in. l. sed *Et reprobari. §. amplius* *Et illud, versic.*
valde tamen, quod *Et ibi notat Bald. ff. de excus-*
sa. tut. eum qui in propria patriadocet, aut medica-
tur, si ex numero sit, à tutela excusari *Et sic à cate-*
rismuneribus. Quem text. ad hanc sententiā com-
mendat Fortunius in. l. 1. col. 17. num. 49. ff. de ius.
 17 *Et iur. Vulgaris est Paridis Putei de syndicatū.*
§. an si iudex, sententia, ultimo supplicio damnatū
meretrici petenti eum in virum, concedi oportere,
ni de iure, saltē de cōsuetudine, secūdum Iacob de
vellouiso in pract. crimi. tit. de lenonibus, et Guliel-
mi Benedict. in repetitione. c. Raynutius in par-
te, qui cum alia matrimonium contrahens, nume.
49. Et in part. mortuotestatore, in primo, nu. 269.
Chassanaus, in cōsuetudi. Burgund. rub. 1. §. 5. Et
 Didac.

Didac. à Couarruias in epit. lib. 4. decretalium
 2. parte principali. c. 3. §. 4. num. 17. Suffragantur
 etiã qua tradit Imol. in. c. quaris de atate & qual.
 ubi cum deberent ab ecclesia deijci nōnulli clerici,
 propter crimen occultum, vel manifestū secundū
 Antoniū: si tamen aliàs fuerint valde utiles eccle-
 sia, ut quia diuites, potentes, vel artificiosi secun-
 dū Abbatē, Hostiensem, & Ioan. Andr. dispensatur
 cum eis, ut beneficium obtinere possint: quod notat
 ibi Hostiensis Abb. Ioan. Andr. Ant. & cōmu-
 niter. dd. & ne morer, lege Regia, tit. 32. de los per-
 dones. p. 7. apertè præd. sententia comprobata est,
 ut ibi Gregor. Lopez, animaduertit. Oportet ta-
 mē quod sit valde doctus & peritus, ut in. d. l. sed
 & reprobari, dicitur: vel quod eius generis artifi-
 ce egeat ciuitas, ut notatur in. d. c. quaris. Neq̄
 licet saepe peccati veniam concedere: peccati enim
 incētinuum esset indulgentia facilitas. Quādo au-
 tem dicatur adesse reipub. utilitas, est glo. ut dici
 solet, magistra, in summa, in parte quaritur. 74.
 distin. An verò damnatus talis sit, cuius robur &
 artificium possint dignè populo Romano exhiberi,
 videtur hoc relinquere arbitrio iudicis consulto prin-
 cipe. Nam cū in hac lege de damnatis iam loqua-

tur iurisconsultus, sententiam diffinitiuā solum
 principem reuocare posse, probatur in. l. i. §. si quis
 ultro. ff. de quaestio. Si igitur summa huius partis
 cōclusio, in relaxandis, differēdisue, seu augēdis à
 iudice, vel etiam à principe panis, cōparari necesse
 esse inter se, personam rei, qualitatem negotij, atq;
 absolutionis, vel condemnationis causam, ut secū
 dum rei gesta adiūcta, vel leui iure, vel dura seue-
 18 ritate utatur. Sequitur relatio criminis, cum reus
 id quod arguitur, confessus, alterius se inductum
 peccato, iure fecisse demonstrat: sunt huius sta-
 tus multa in legibus diuinis, humanisq; exempla.
 Ex quibus sicut in comparatione fecimus, pauca
 proferemus, ut appareat quanta sit relationis
 vis, non solum ad leniendam penam, sed omnino
 abolendam culpam. Petrus dum Ananiam cum
 Sapphira uxore sua mentientes morti increpando
 tradidit. Ut. c. 5. actūū legitur, & 23. q. 8. cap. Pe-
 trus, non ne crimen in mortuo transtulit? Ecce
 inquit, scriptura. Nu. c. 25. Vnus de filijs Israel
 intrauit ad scortū Madianitidē, vidente Moy-
 se, & omni turba filiorum Israel, qui flebant
 ante fores tabernaculi: quod cū vidisset Phi-
 nees filius Eleazari, filij Aarō sacerdotis, sur-
 rexit

rexit de medio multitudinis, & arrepto pugione, ingressus est post virum Israelitem in lupanar, & perfodit ambos simul, virum scilicet, & mulierē in locis genitalibus. *Credimus ne peccasse Phineem? an translatione criminis in peccatum Zambri, ita enim dicebatur qui occisus est, liberari? dixitq; , inquit, dominus ad Moysem, Phinees filius Eleazari, filij Aaron sacerdotis, auertit iram meam à filijs Israel, quia zelo meo commotus est contra eos: idcirco loquere ad eum, ecce do ei pacem fœderis mei, & erit tam ipsi, quā semini eius pactum sacerdotij sempiternum, quia zelatus est pro Deo suo, & expiavit scelus filiorū Israel. Nō sunt igitur homicidæ censendi, qui non propriā quærentes vindictam, sed ecclesia diuino zelo armantur, ut in. c. excommunicatorū. 23. q. 5. dicitur, & Hieronymus ad Riparium, ut in. c. legi. 23. q. 8. refertur. legi, ait, Syromasten Phinees, auctoritatē Helix, zelum Simonis Chananæi, Petri seu ritatē, Ananiā & Sapphirā trucidātis, Pauliq; cōstātiā, qui Elymā magū vijs dñi resistētē, æterna cęcitate damnauit. Non est igitur crudelitas, crimina pro deo punire, sed pietas.*

Ex quibus omnibus rectè illud sequitur, quod eodem proposito docet *Diuus Chrysoſtomus* super *Math.* ut refertur in. c. occidit. 23. q. 8. non solum respicienda opera, sed tempus, causam, voluntatem, personarum quoque differentiam, et quanta cumque alia ipsis operibus acciderint, diligentissime inquirenda, ut statuta pena pro qualitate rerum
 19 crescat vel minuatur. Remotio criminis est, cum eius intentio facti, quod ab aduersario infertur, in aliud, aut in aliud dimouetur: id fit bipartitò, nam tum causa, tum res ipsa remouetur. Causa remotionis passim sese offerunt in iure exempla. Neque est necesse uno aut altero ostendere, quantum remotio causa, non in criminalibus tantum, sed et in contractibus possit, cum ab hoc fonte bona pars legum effluxerit. De eo per quem factum erit, de Pactis, de conditionibus ob causam, de obligationibus et actionibus. Remotio criminis in rem fit: cum id, quod datur crimini, negat, neque ad se, neque ad officium suum, reus pertinuisse, nec si quod in eo sit delictum, sibi attribui convenire. Differt autem hoc genus à superiore, quod in illo oportuisse illud fieri, de quo accusatur, liquido fatetur reus, sed alicui rei, aut homini causam tribuit, quae parata e
 volum-

voluntati sua fuerint impedimento. In hoc autem
 nihil necesse est, in quenquam culpam transferre,
 sed ostēdere rem illam nihil ad se pertinuisse. Huc
 pertinet multa, qua iure ciuili rectē cōstituta sunt:
 quale est legum ministros non debere legem exa-
 minare, rectē ne, an perperā à rege sit lata, sed illā,
 quando ita superiori placet, exequi. Similiter q̄
 liētores, quanuis iniqua sententia damnatos, &
 virgis, & securi cadant, nullam iniuriam face-
 re, neque panam mereri: iudicis munus esse, non eo-
 rū, videre meritō ne sumatur vindicta. De timo-
 re præterea potentia, qui à principibus, à magistra-
 tibus, ab omnibus denique superioribus, incutitur
 subditis, deq̄ metu, vt appellant, reuerentiali, qui
 libertis à patrono, filijs à parentibus, vxoribus à ma-
 ritis proponitur, multa multis in locis sunt à docto-
 ribus tradita, qua ad remotionē criminis omnia ²⁰
 pertinent. Concessio est per quam non factū ipsum,
 inficiatur reus, sed vt ignoscatur ei petit: hac diui-
 ditur in purgationem & deprecationē. Purgatio
 est per quam eius qui accusatur, non factū ipsum,
 sed voluntas defenditur: cuius partes sunt impru-
 dentia, casus, necessitudo. Imprudentia est, cum scisse
 aliquid, qui arguitur negatur, vt cum Abimalech

rex Gerara, mulierem nuptiam ab viro abstulisse, accusatus, purgatione depellit intentionē, inquitēs, ipse dixit mihi, soror mea est, & ipsa ait frater me^o est. In simplicitate cordis mei, & mūditiā manuū mearum feci hoc. Casus est cū rem aliquam inopinatam demonstramus voluntati obstitisse. Vt si Tobias iunior parentibus moram increpantibus se excussisset, recenseat q^o, quā sibi imminere euenerint, qualiter ab immāni pisce sit liberatus, demoniumq^o Asmodaūm compeſcuerit, qui septē viros Sara filia Raguelis occiderat: denique nuptias, precesq^o soceri voluntati obstitisse, quominus ante venerit, diceret. Necessitudo autem infertur cū vi quadā reus, id quod fecerit, fecisse se ait: ut si accusati Mathathias, Iudasque Machabaeus, quod sabbatum violent, asserant se necessitate coactos bellum iniisse. Similiterq^o David necessitate dicat panes propositionis sibi, ac pueris suis ab Achimelech sumpsisse, quos non licebat ei edere, neque ijs qui cum eo erant, nisi solis sacerdotibus: quod enim non est licitum in lege, necessitas facit licitum, ut in. c. quod non de regul. iur. Et in. c. si nulla 23. quaest. 8. Horum autem trium, scilicet imprudentia, necessitatis Et casus, per similis tractatio

tio est. Quare de imprudentia solum, & qui ignorantia excusentur videamus: ob quam indulgeri cernimus ebrietati in. l. omne delictum. §. per vinum. ff. de re militari, & in. c. sane. & in. c. inebriauerunt. 15. quest. 2. insania, ac leuitati in. l. 1. C. si quis imp. maledix. furori, in. l. congruit, & in. l. diuus Marcus. ff. de offic. Pras. simplicitati, in. c. scriptura de consecra. dist. 2. rusticitati, in. l. si quis id quod. ff. de iur. om. iud. & in. l. 2. ff. de in ius. voc. inuenturi, in. l. auxilium. §. 2. ff. de qq. c. 1. de delict. puer. c. ultimo de senten. excommunicata. c. 2. de apost. Vnde à comico dicitur, iniuriam adolescentium accipiendam, & musitandam esse, & Seneca de ira, à puero, vel à femina inferri posse negat iniuriam. Quarum dispositionum ea potissimum est ratio, quod prædicti impulsione, non ratiocinatione peccasse censeantur. Est aut impulsio, qua sine cogitatione, per quãdã affectionẽ animi, facere aliquid hortatur: ut amor, iracundia, agridudo, vino lætia, et omnia ea, in quibus animus ita videtur affectus, ut rẽ per spicere cū cõsilio, et cura nõ possit. Ratiocinatio est diligẽs, & cõsiderata faciẽdi aliquid, aut nõ faciẽdi, excogitatio. Itaq, non improbo quod Marius Salomonius in. l. 1. in pri. ff. de iust. & iur.

I 4. aquitate

*aquitate recepta esse ait, Bal. opinionē in. l. data ope
 ra. C. qui accusar, mitius cum eo agendum, qui for
 tuito occidit, quàm qui consulto: licet lex in distin
 ctè siccarium occidi iubeat. Per quam sententiã
 Bartolom. Veronensis lib. cautelarum meminit,
 se iudicio liberaſſe quendã, qui noctu praterentem
 iactu per lasciviam lapidis occiderat: iterumq; Es
 sessorē, ut ipse ait, currentis equi, qui inuitus ho
 minem contriuerat. Simile quoq; illud, quod Castrē
 sis in. l. 1. ff. de legibus tradit, legi scilicet, qua iubet
 homicidam capite plecti, nisi intra mensem cētum
 fisco persoluerit, locum nō esse in eo, qui imprudens
 occidit. Et Bald. in. l. quicumq; C. de serui. fugitiu.
 regulare esse docet, legem, corporalem panam insti
 gentem, nisi dolo delictum committatur, cessare:
 Et Stephanus Forcatulus in cupidine iuris perito,
 cap. 20. num. 10. de Hyacinto per imprudentiam
 à Pbabo interempto, talia homicidia, inquit, in
 publicis certaminibus ob virtutem factis contin
 gentia, impunita sunt. l. qua actione. §. sine. ff. ad. l.
 Aquil. Sed quia graue est hominem, vel casu oc
 cidisse, Graci ea voluntario exilio vindicabant: ad
 ibat exul sponte opulentissimum aliquem extra
 gentis hominem, ad expiandum facinus, ut ver
 sibus*

*sibus Homericis Claudius ostendit. Laut facta. §. euentus. ff. de par. Diodorus lib. 5. narrat Peleum Eaci filium, qui disci iactus Phocium fratrem substulerat, mox ab Actore rege purgatum fuisse. Quae omnia ad imprudentiam facti pertinere vi-*²²
dentur: quid autem de ignorantia iuris cōsendum sit, videamus. Glo. in. §. suspectus, inst. de susse. tu. ait, omnes debent scire iura, exceptis paucis: mulieribus, & minoribus, & militibus, ut in. l. regula. ff. de iuris. et facti. ignoran. & in. l. leges. C. de legibus, & in. l. constitutus. C. de iur. & facti. ignoran. ergo si quis, inquit, ignorat, est in culpa lata: cum lata culpa sit, ignorare quod omnes sciunt, ut in. l. lata culpa. ff. de verb. signi. Quod Ioan. Fab. atq. Ang. in. d. §. suspectus, cōsent intelligendū de iuribus vulgaribus, & casibus qui frequenter accidunt, secus de alijs, dicētes, quod si aliter intelligeretur, omnes de mundo essent in lata culpa: nam de imperatore solummodo, vel summo pōtifice praesumitur, quod habeat omnia iura in scrinio pectoris, ut dicitur in Lomnium. C. de testamen. & in. c. 1. de constitu. lib. 6. Ego de hac re aliter sentio: ac primum, text. in. l. regula. ff. de iuris et facti. ignor. nō probat quod glo. vult, imo è diuerso in prin. ait, quod iuris ignorantia

cuique nocet, facti verò non nocet, & postmodum in versiculo, sed iuris, inquit, sed iuris ignorantia non prodesse, Labeo ita accipiendum existimat, si iurisconsulti copiam haberet, vel sua prudentia instructus sit: vt cui facile sit scire, ei detrimento sit iuris ignorantia, quod rarò accipiendum est. *Quod idè disponitur in l. in bonorum. ff. de bonorũ posse. titul. gene. ubi dicit text. in bonorũ possessionibus iuris ignorantia nõ prodest, quominus dies cedat.* Satis est enim scire mortuũ esse, seq; proximũ cognatũ fuisse, copiamq; eorũ quos consuleret, habuisse. Scientiã enim non hanc accipi, quæ iuris prudentibus fit, sed eã, quã quis aut per se habeat, aut consulendo prudentiores, assequi potest. *Vndè probari posse videtur, cum non omnes teneantur scire iura, iuris ignorantia tunc excusare, cum non est copia consulendi iuris peritos. Nã si omnes scire iura tenerentur, quorsum darentur inducie aliũ cõsulendi, cum se ipsum potius oportet et quẽq; consulere?* Unde nõ credo rectè dixisse glo. in. d. l. in bonorũ, licet eam ibi sequatur Bart. dũ ait, distinctionẽ, potuit, vel nõ potuit consulere peritiores, solum procedere, cum de lucro captãdo agitur. Deinde

de quavis verū esset (quod ego non credo) omnes teneri scire iura, nō inde benè infertur, ergo eorum ignorantia est lata culpa, cum lata culpa sit, ignorare quod omnes sciūt. Aliud enim est ignorare quod omnes sciunt & intelligunt, aliud vero est nescire, quod omnes scire tenetur. Primum siquidē habet rem facti, & existētiā, quacū sint apud omnes, vel maiorem partem, negligētissimi hominis est ea nescire: & cum nolentibus etiā nobis, nec curantibus in nostrā notitiā veniant, asserēti id se ignorare, nō creditur: cum potius malitiosa quadā simulatio et dolosa, affectataq; negligētia, quā simplex ignorantia, praesumatur. Multo vero aliter in secundo, cum ex ijs qua scire nos oporteret, maiorem partem ignoremus, earumq; rerum ignorantia, & tolleretur, & excusabilis sit. Cum igitur inter se sint diuersa, non ex eis inferre licet, ut in l. final. ff. de calumnia. & in l. Papinianus. ff. de minorib. disponitur. Quis enim sana mentis dicet, omnes homines iura omnia, et leges scire, et nosse debere, cum id quā paucis iuris professoribus, nihil aliud agentibus, magnis laboribus, et lucubrationibus, longū post tēpus contingat? Nunquā iudicio meo mercatori, artificiae, culpa reputabitur iuris ignorātia, nec id.

legum-

legumlatores sensisse arbitrabor, cum distincta officia sint, & munera, in qualibet bene constituta re publica, ut in. l. 2. ff. de nundin. ex Platone lib. 2. de repub. dicitur: & quam quisq. nouit artem, profiteatur, & exercet, in ea errare, & labi culpam esse ait text. in. §. imperitū inst. de oblig. qua ex delict. in his
 23
 verò qua nostri muneris nō sunt, peritiores consulere obligamur, ut latè per glo. in. l. iuris ignorātia. C. qui admitti. Quod secundum Alex. ibi, intelligendū est, non solum si periti erant in eodem loco, sed etiā in oppido vicino, quia secundū Bald. rustici, quem admodū, ut ipse ait, vadunt ad nemus pro lignis, ita etiam debent ire pro consilijs, attenda loci vicinitate, arg. l. 4. §. sitam vicinum. ff. de dam. infe. & l. diuus. ff. de tutorib. & cura. dat. ab his, & qua tradit Anton. in. c. 2. de constitu. Secus verò si is qui consulere debuisset peritiores, longè à ciuitate distaret, vel bellum prohiberet accessum: tunc enim excusaretur, quanuis non consuleret, ut est sententia Roma. in. l. si duo. ff. de acquirend. hered. & faciunt notata per Ioannem Andream in capit. statutum de rescript. lib. 6. & per Abba. in. c. proposuisti, de probationibus. Quod intellige, nisi fides publica, seu saluus conductus
 haberi

haberi possit, nam tunc bellum non excusaret, ut
 dispositum est in Rota decisionibus, titu de dol. &
 contumac. & tradit Aret. cons. 16. Illud quoq, no²⁴
 tandum, quod Bart. in. d. l. in bonorum scribit, dices
 quod qui consuluit peritiorum, debet ei credere, &
 si erravit, habet iustā erroris excusationem: quod
 intelligendum est primò, in personis qua non tenen
 tur, ut ipse Bart. ait, scire de per se. Nam si unus
 assessor petit consiliū ab alio, credendo cōsilio ejus,
 non habet legitimam causam ignorantia, quia per
 se debet scire, & ideo imperitia sibi imputatur, ut
 in c. imperitia de reg. iuris lib. 6. & faciunt notata
 per Bart. in. l. si conuenerit & ibi Ang. ff. de re iu
 dica. ubi plura per Alex. Secundò banc Bart. do
 ctrinam, tunc demum procedere dicunt doctores,
 quando cōsulti fuerint saltem duo, quia iura qua
 de hac re disponunt, loquuntur in plurali, ut in. c.
 statutū de rescrip. in. 6. et notat Raphael. in. l. si duo
 ff. de acqui. hered. dicens teneri consulere plures,
 & prudentiores, arg. l. utique. §. culpa. & ibi Ang.
 ff. de rei vèd. Qua tamē ratio nō est semper vera,
 prædicta enim. l. regula. §. sed iuris, loquitur in sin
 gulari. Quapropter Roma. in. l. iuris ignorantia,
 dicebat, quod aut plures erant in loco, & tunc pro
 cedit

cedit prima opinio, aut unus tantum, & tunc secus, arg. text. in auth. de non alien. §. quod autem, & quod notat Bart. in proemio. ff. in fine principij, & in. l. 1. de ventre in spi. & in. l. 1. §. fin. ff. de verb. obliga. Tertio declaratur predicta doctrina, si doctor non imperitus, sed doctus consulatur, argumento. l. quod si nolit. §. si mancipium, cū glo. verb. medicum. ff. de adil. adi. Dicit tamē Ang. in. l. plagij. C. ad leg. Favi. de plag. quòd ille qui consuluit doctorem minus peritum, & damnosum cōsiliium sequutus est, excusatur à dolo, non autem à temeritate, & culpa. Ad quorum comprobationem facit, quod Petrus de Ancharran. docuit, in clemen. ne Romani, in princi. de elect. & consi. 124. quòd habens pro se opinionem doctoris, excusatur ab expensis, quasi habeat iustam causam litigandi, & Bal. in. l. iuris. C. qui admi. asserit, quòd notarius, si de consilio sapientis, qua minus decent, adscribat in testamento, nō tenetur de facto, quia excusatur credēdo sapienti. Anto. verò, in. c. finē, de dolo, & contumac. col. 10. limitat illam Ancharranis sentētiam, si opinio doctoris esset contra communem doctrinam scribingentium. de quo plura per Alex. in. l. fin. de re iud. & Imol. in. l. qui antè col. 2. de verb.

de verbo. obli^{ga}. Ex quibus omnibus satis apertè videtur probari conclusio, ignorantiam iuris peccati veniam impetrare, neque teneri omnes scire iura: licet hac in re multipliciter ab *Azone* distinguatur, in summa de iuris & facti igno. dum ait, multò aliter in imprudentia iuris naturalis esse dispositum, quàm sit in ignorantia iuris civilis: prima nanque neminem excusat, secunda autem si agitur de damno evitando, non nocet, si verò de lucro captando, distinguitur, potuerit ne peritiores consulere, & tunc nocet, vel non potuerit, quocasu non obest. Prasumetur verò igno-²⁵ rantia iuris in dubio, nec ne? In factò proprio non prasumi verior sententia est, argumento. l. final. ff. pro suo, et. c. ab excommunicato de rescrip. Fallit tamen hac regula, dum agitur de damno evitando, ut in. l. si post. ff. de iu. & fact. ig. Similiterque ubi est factum multum antiquum, nam ex longitudine temporis prasumitur obliuio, ut in. l. peregrè. ff. de acqui. posses. Nec nõ ubi factum esset flexiloquũ, & obscurũ, ut in. l. emptor. s. Lutius. ff. de pact. vel si fuisset explicatũ per procuratorẽ, ut docet glo. in. l. si res de leg. 2. Postremò si quis esset multis negotijs implicitus, quia tũc
etiam

etiam in factō proprio ignorantiam præsūmi, tradit Bart. in l. 2. §. quod obseruari. ff. de iuram. calum. Circa factum deinde alienum ignorantia regulariter præsūmitur. l. verius. ff. de probat. nisi esset tale factum, ut quis illud scire teneretur, ut in l. quod te. ff. si cer. peta. Tunc enim præsūmitur simulata ignorantia, non vera, ut in l. 1. §. 1. si quis omnis. caus. testam. vel ubi quid esset publicè gestum, ut tradit glo. in c. 1. de postu. pralatorum, tunc enim nisi absens, infirmusue, nemo excusatur, ut in l. is potest. ff. de adq. hare. aut peregrinus, ut in l. 1. de decre. ab ord. fac. vel nisi quid factū esset à magno, aut à nobili, quod à nemine ignorari voluit, Abb. in c. tuam de ordine cog. Et in c. illorū de sen. 26 exco. Quod ad mulieres attinet. l. fin. C. de iuris fact. ignor. ait, quòd mulieribus nō subuenitur, propter iuris ignorantia, etiā in damnis, magis quàm maribus, nisi in casibus expressis à iure. Quā eandem regulam firmat glo. in c. fin. in prin. i. q. 4. quā glo. idem esse dicit in rusticis, quā sequitur Ant. de Butr. in c. 1. col. 4. de constitutionib. Et Alex. in l. si quis id quod col. 4. ff. de iuris d. omniū iudic. licet contrarium videatur probari in l. fin. C. de testam. ubi dicitur semper rusticitati consultum, de qua

qua re Alber. ibi. t. notab. Et quòd rustico siue po-
 tuerit consulere peritiores, siue non, semper suc-
 curratur, videtur probare glo. iuncto text. in. l. qui-
 cunq. C. qui admitti, quam sequuntur Fulg. &
 Roma. in. Liuris ignorantia eodem tit. Contrarium
 tamen tenet Bald. Salic. & Castren. per illam le-
 gem, ubi mulieri non subuenitur, propter ignoran-
 tiam iuris, si potuerit consulere peritiores: ergo idè
 debet esse, dicunt, in rustico: quòd quidem in iuris
 ignorantia, mulier ac rusticus equiparantur, ut
 in. l. 2. in fin. ff. de iu. fisc. & in. l. 1. ff. de eden. de quo
 per Anto. & Imol. in. c. 2. de cõsti. & Cin. in. l. fin. C.
 de testamen. qua tamen omnia locum in his nõ ha-
 bent, qua concernunt formam actus, vel iudicioris
 seueritatem. Vnde si per errorè iuris rusticus, seu
 quiuis alius fecit testamentum, non seruat a debi-
 ta solennitate, & testamentum erit nullum, ut proba-
 tur in. l. fin. C. de testam. et docet glo. in. l. ambigui-
 tatem. C. eo. tit. Et à Bald. in. Liuris ignorantia. C.
 qui admit. & Salic. in. l. 1. eod. tit. traditum est, ru-
 stico non producenti instrumentum, vel testes in-
 tra terminum sibi prefixum, non succurri, quãuis
 errore aduocati id factum sit. Et idem Bald. in. l.
 fin. in prin. 3. quest. C. de iure delib. affirmat, quòd

K si mulier

si mulier, vel rusticus intra statutum tempus in-
 uentarium non confecerint, vel si minus solenni-
 ter confecerint, quamuis non potuerint cōsulere pe-
 ritiōres, iuris ignorantia non excusantur. Quam
 eandem sententiam tenet Bart. in cons. maritus
 fecit hāredem uxorem, & facit glo. in l. iuris. 2. ff.
 de iuris, & fact. ignoran. & quod notat Bart. in l.
 1. circa medium. C. eod. tit. & ibi Salic. Quod tñ
 ydem ipsi declarāt dicentes, etiam in tendentibus
 ad rigorem iuris conseruādum, rustico iustam ha-
 bentī causam ignorantia, succurri posse per resti-
 tutionem in integrum, ex clausula generali, si qua
 mihi iusta causa, de qua in l. 1. & in l. si per
 pratorē. s. hac autem. ff. ex quib. caus. maio. &
 multa per Paul. de Cast. in l. Clodius in fin. ff. de ac-
 27 quir. hāred. Deprecatio est, in qua non defensio fa-
 cti, sed ignoscendi postulatio continetur. Quod ge-
 nus quanquam in iudicijs non versatur, nisi qua-
 dam ex parte, tamen quia p̄r ipsa saepe inducen-
 da est, & apud principes, & res publicas ipsum ge-
 nus tractandū, censui non esse pratermittēdum.
 Oportebit igitur eum, qui sibi ut ignoscatur, postu-
 labit, commemorare si qua sua poterit, vel maiorū
 suorum in rempub. beneficia: hac enim ratione eo
 indulgeri

indulgeri posse probatur, in l. honor. ff. de pan. Dein
 de ostendet, non odio, neq. crudelitate fecisse, quod
 fecerit, sed inconsultè, aut impulsu ira, ac dolore
 repètino, quibus pena minuitur. l. absentè. §. vlt. ff.
 de penis, & in c. si quis iratus, 2. q. 3. Sæpe enim
 iram ocètes ad crimē adducit, ut in c. n. a. 11. q. 3.
 etiam principes virtute singulari pradtos, ut in c.
 cū apud, ead. caus. §. q. Quat amen intelligenda
 sunt, ut à Plat. lib. 9. de legib. dicitur, cū distinctio
 ne ira namq. merito ab illo inter voluntarias & in-
 voluntarias actiões ponitur. Nā ille quidē qui irā
 seruat, nec repenti, sed cum insidijs se postea vindi-
 cat, homicida voluntarij est per similitudinis vero qui
 non seruat, sed primo ira impetu feritur, & absq.
 præmeditatione interficit, inuoluntarij homicida si-
 milis iudicatur. Maiora igitur supplicia illis sunt
 imponenda, qui consulto per irā interfecerunt, illis
 cōtrā, qui repenti, & incōsulto, lenior & potiorq. bis,
 quàm illis erit in deprecatione locus. Postea pol-
 licebitur, et cōfirmabit, se hoc peccato doctū, & be-
 neficio eorū, qui sibi ignouerint, cōfirmatum, omni
 tēpore à tali ratione absfuturū. Quare posse penā
 minui, traditur in c. licet. 45. dist. in. et in c. libèter
 de pan. in. dist. 1. & facit lex. in l. 3. C. de epis. aud.

28 ubi dicitur, crimina nisi semel commissa, veniam
 non mereri. Vnde quannis cōsuetudine probatum
 sit dictum Baldi, in auth, sed nouo iure. C. de ser.
 fugitiu. dum ait, quòd si statuto, aut lege cauea-
 tur, quòd pro tribus furtis quis suspendatur fur-
 ca, si faciat vnum aequualens tribus, debet ille su-
 spendi, crederem tamen ratione unitatis posse illi in-
 dulgeri: precipuè si qua esset resispicēdi spes. Ma-
 ximè cum aduersus illam Baldi sententiam con-
 trarium affirmant Salic. in. d. auth. sed nouo iure
 Montaluus in. l. 6. tit. de pan. lib. 4. for. las. in. §. ex
 maleficijs, col. 2. inst. de act. Anan. in. c. fin. de fur.
 Et Abb. in. c. porrecta, de confirma. util. vel. iouti-
 li. Deinde spem ostendet, aliquando se magno rei-
 pub. si sibi concesserit, vsui futurum: ut enim supra
 diximus, ratione publica utilitatis venia reo legiti-
 mè cōceditur. Qui duo loci si ex ante acta vita, ex
 causa, ex persona, ex facto ipso, alijsq; locis conue-
 ãtur et probari possint, maxime ad deprecandū con-
 ducunt: amplifcariq; possunt elegantissimè ex tex.
 in. c. circūcelliones. 23. q. 5. Vbi Augusti. ad Mar-
 cellia. comitem, de donatistis captis scribens, im-
 pte christianæ iudex, ait, pij patris officiū, sic
 succensere iniquitati memineris, vt non in

peccatorum atrocitatibus exerceas vlciscēdi libidinem: sed peccatorum vulneribus curandi adhibeas voluntatem *Et postmodum ait.* Ad hoc mitissimi homines facinus admissum diligenter, atque instanter examinare debent, vt quibus parcant, inueuiant. *et in. c. vnum solum, ead. caus. Et. q. idem Augusti. Donato scribit.* Ex occasione terribiliū iudicium, & legū, ne æterni supplicij pænas luant, corrigi eos cupimus, nō necari: nec disciplinam circa eos negligi volumus, nec supplicijs, quibus digni sunt coerceri. Sic ergo eorū peccata cōpescce, vt sint quos pæniteat peccasse. *Et Cicero pro Publico Sextio, cohortari, inquit, ausus est accusator in hac causa vos iudices, vt aliquando essetis seueri, aliquādo medicinā adhiberetis reipublica. Non est ea medicina cū sana parti corporis scapellum adhibetur, atq; integra: carnis ficina est ista, Et crudelit as: ij medentur reipub. qui exiccant pestem aliquam, tanquā strumam ciuitatis. Postea amplitudinem, Et nobilitatem generis eorum, qui se saluum velint, Et dignitatem ostendet. Personam enim intercedentis, reo maximè conferre probatur in. c. prodest. 23. q. 5. maximè si sint plures,*

qui illi salutē et incolumitatē desideret: ut in. c. ult.
 §. itē opponitur. 22. q. 2. et in c. fleat de panit. dist. 1.
 Deinde et dignitatē, et cetera ea, quae psonis adho-
 nestatē, et aptitudinē sunt attributa, cū cōquestio-
 ne, sine arrogātia in se esse demonstrabit. Iure. n. cau-
 tū est obscurū hominē seuerius puniri, quā nobilē,
 aut praclarū, in. l. aut facta §. praterea. ff. de pan. et
 dignitatē attendi in minūdis panis preceptū est. c.
 qui cōtra, 24. q. 1. et in. c. ultimo d. pan. Desert. n. prī-
 ceptis aliquādo nobilibus ne verecundentur, ut in. l.
 obseruandū. ff. de iudic. Postremò locis cōmunibus
 misericordiā captare proderit. Mouet enim ma-
 ximē principes, si reos videant fidere potius eorum
 clementia, & benignitati, quā propria excusationi,
 & dignitati: humilitas namq, quam peccans flebili-
 ter exhibet in supplicādo, saepe veniam vel ab seue-
 ro principis animo extorquet, ut docetur in. c. im-
 portuna. de pan. dist. 1. cuius rei extant elegantissi-
 ma exempla apud Ciceronem pro M. Marcello,
 et pro Q. Ligario. Ceterū deprecationis mentio est
 apud iuriconsultos frequens, quamuis hoc verbū
 rhetorum proprium sit, nam in. l. quid sit fugitiuus
 §. idem Vvianus: ff. de adl. adi. Vlp. ait: si à magi-
 stro puer recessit, & rursus ad matrē puenit,

cūm

cùm quæreretur num fugitiuus esset? si celan-
 di causa quò, ne ad dñm reuenteretur, fugif-
 set, fugitiuū esse: sin verò vt per matrē facilio-
 ré deprecationē haberet delicti alicuius, non
 esse fugitiuum. *Et in. l. trestutores. ff. de adminis-
 tuto. Tryphonius ait, in furibus eiusdem rei plu-
 ribus, nō est propterea cæteris pænæ depreca-
 tio, quòd ab vno iam exacta est. Et in. l. auxiliū
 ff. de minorib. idē Tryphonius, utiq; inquit, nulla
 deprecatio adulterij pænæ est, si se minor an-
 nis adulterū fateatur. Atq; ha tādē sunt causa* ²⁹
*quib⁹ à lege criminibus statuta pœna auferri, minui-
 ue, aliquādo etiā omnino tolli pnt. His verò nō ex-
 tantibus, seueros iudices esse oportet, et criminis, ac
 peccatorū prōptissimos ultores, ac vindices: eo tñ
 ordine, vt si fieri id potest, meliores ciues efficiant,
 non extinguant. Vt enim à Platone lib. 9. de legibus
 dicitur, legum optimarum officium est, ita animos
 hominum instituerē, vt oderint iniustitiam, iusti
 verò naturam vel diligant, vel saltem nō oderint:
 siue operibus, siue verbis legislator id assequatur,
 siue voluptate, siue dolore, seu honore, vel infamia,
 aut pecunia mulctando, aut donis, aut alio quouis
 modo id faciat. Quibus verbis, quàm diuinè legū*

finem ille perstrinxerit, quis non videt? Sunt igitur
 & officijs proponenda pramia, iniurijsq; seu ma-
 gnis, seu paruis statuenda pena: non quibus per dan-
 tur ciues, sed quibus boni non solum metu panarũ
 verũ pramiorum quoq; exhortatione efficiantur.

Quo fit, ut quẽ admodũ supra diximus, maxima
 sit magistratibus adhibenda cura, ut nouis, ac de-
 nuò nascentibus virtutibus, faueant, & blandian-
 tur, si qua aut vitiate nasci viderint, & pullula-
 re, extinguant, ac perdant proorsus: omne namq; ma-
 lum nascens facile opprimitur, inueteratũ fit ple-
 runq; robustius. Quos verò nullo consilio sanari,
 nulla medicina corrigi, nulla religione astringi pos-
 se viderint, hos ultimo supplicio afficient, nõ igno-
 rantes satius fore his, qui insanabiles sunt, mori,
 quàm viuere, ac cum priuatur vita, dupliciter pro-
 desse ceteris. Nã horum exemplo à peccato ceteri
 deterrẽtur, et improbis hominibus ciuitas ipsa pur-
 gatur, bonisq; ut supra diximus, locus relinquitur
 ut è republica secũdum virtutem viuere possint.

- 30 Quapropter ego illius iudicis misericordiam, beni-
 gnitatem, & clementiam laudo, qui quantum viri-
 bus cõtendere potest, inuigilat, et procurat, ne quis-
 quam ciuis cõmittat, ut morte mulctandus sit, non

uicif. + R

eius,

eius, qui etiam si commiserit, conseruandū putat. Saluis enim improbis, sceleratis, & impijs, deleri innocētes, honestos & bonos viros necesse est. Vnde ut optimè Philippica. 8. inquit Cicero, quēmodum in corpore, si quid huiusmodi est, quod reliquo corpori noceat, vri, ac secari patimur, ut mēbrorū aliquid potius, quā totū corpus int ereat, sic in rei pub. corpore, ut totum saluum sit, quidquid est pestiferum amputetur.

De legitima philosophia LIBER SEXTVS

VERAM nisi fallor philosophiam, nō simulatā affectantes. Omnis hoc loco doctōrum oratio in ea quaestione consumitur, valeat ne dictum testis, vel non, per verbum, nisi fallor. Tenet autē cōmunis opinio, particulā affirmare hanc, eleganti specie dubitationis, ideoq; testis dictum nō ex eo vitari, quod deponat dicens, ni fallor, vel ni decipior, vel ut arbitror: neq; hac ratione eius testimonium reddi dubiū. Cui etiā sententia elegantissimis verbis suffragatur Cicero, pro M. Fonteio, qui cū satis multa testibus, ut eis credatur, necessaria, proposuisset Induciomarum Gallū aduersus Fonteiūm testem, irridens ait. Credo hac eadē Induciomarū in testimonio timuisse, aut cogitasse,
qui

qui primū illud verbum nostrā cōsuetudinis, arbitror, quonōs etiā tūc utimur, cū ea dicimus iurati, quā cōperta habemus, quā ipsi vidimus: ex toto testimonio suo sustulit, atq; omnia se scire dixit. Et de eadē re, est nō pratermittendus apud eundē Cicero nē loc^o, in Lucullo, dū ait. Quā rationē maiorū et iā cōprobat diligentia, qui primū iurare ex sui animi sententia quēq; voluerunt, deinde ita teneri, si sciens falleret, quod inscitia multa versetur in vitatum qui testimonium diceret, ut arbitrari se diceret, et enim quod ipse vidisset, quāq; iurati iudices cognouissent, ut ea nō ut esse facta, sed ut videri, pronuntiarētur. Nec mihi displicet quod Martinus de Laude, Frācisus Curtius, Claudi^o, et Zasius asserunt, cōmunem illā sententiā procedere, si testis attulisset bonā, utilē, & cōcludentē rationem sui testimonij. Nam addita cōcludenti ratione, testis fidem facit, quanuis dicat, credo verū esse, ut docet Bal. in. l. testiū. C. de testibus. Quod si ratio cōcludēs deficeret, fides testimonio derogaretur. Sed

2 de his hactenus, ad maiora veniamus. Arbitror enim è re esse ostēdere, quā nā sit ea nō simulata, sed vera potius p̄hilosophia, quā principibus, legūq; conditoribus, ac summis magistratibus affectādā Vlp.

proponit

proponit. Ego eã esse reor, à qua vitiorum, peccatorũq, nostrorũ, omnis petenda correctio est: quanq, maximè sequi duces legulatores, qui equũ ab ini quo discernere, licitum ab illicito separare volunt, bonos premio, ac pana subditos efficere cupiunt, oportet. Neq, ad id efficiendũ, eã solũmodo sapientia partẽ existimo esse necessariã, qua dat propria cuiq, præcepta, nec uniuersum componit hominem, mariti tantum cum uxore officium docet, patri quomodo educet liberos ostendit, ac dño quomodo seruis imperet. Quauis hanc solam quidã recipiat, ceteras, tanquam extra nostram utilitatem vagãtes, cõtemnentes, quasi possit de parte suadere, nisi qui summã prius totius vita cõplexus est. Verum hi vera philosophia cultores dici non possunt, cum eius solũmodo partẽ amplectãtur, et eã quidẽ leuẽ, ut pote qua nõ descẽdat in pectus, neq, ullo modo in aĩo figere sola radices possit. Is nãq, virtutũ chorus est, et catena, ut una sine alijs, aut nulla sit, aut imperfecta. Vnde à Stoicis dicitur, eũ qui sese ad totã vitã instruxerit, nihil necesse esse particulatim admoneri, doctum in totũ, nõ quomodo cũ uxore, aut cum filijs uiuat, sed quomodo benè uiuat. Sed quẽ admodũ in affectibus, cum aliquẽ amare alterum dicimus,

dicimus, si verè id fiat, non intelligimus partem diligere, odio verò habere alteram partem, sed ad totum aequaliter affici: similiterq; *Es ebriy*, non solum illud, aut alterum, sed quodlibet, quacunq; captatione vinum avidè expetunt, nec aliter vera philosophia affectatores, partem aliquã doctrina spernere, partem amplecti nõ decet, sed ad omnem iustitiã prõptissimos, et inexplebiliter inbiantes se præbere, ut veri et legitimi euadãt pholosophi, qui bus reipu-clauus meritò cõcre datur. Attñ sedare eos primùm oportet perturbationes, ut pulcherrimi operis studio sit locus, cui vacare mens nõ nisi vitij liber a potest: cū in eodẽ pectore nullũ sit turpiũ honestorũq; cõsortium. Vt enim si quid oculis oppositũ remoretur visum, remoueri primùm illud conuenit (laberetur nãq; cõtinetur, et erraret, qui nisi illo reiecto, aut ingredi iter pedibꝰ, aut sumere vellet aliquid in manus) nõ secus ubi quid obcecat animum, *Es ordinem officiorum* videri impedit, nihil agit, qui parentum munera, vel cõubij leges ediscit. Quid enim illa proficiet ei præcepta, cui metierror infusus est? Si quis verò, ijs primũ discussis nebulis, in securissimũ philosophia portum, veluti magna iactatus tempestate confugiat, omnemq; voluntatem,

luntatem, atque studium in eius sanctissimum sinu
 conferat, quid cuique debeat officio, aperte cog-
 noscet. Nam expulsis ignorantia tenebris, in opi-
 nione adhuc nullum firmabit pedem, sed ad cogni-
 tionem usque veritatis, et entium scientiam con-
 tendet: iam demum intelligens philosophiam, si ve-
 ra sit, non opinione constare, sed veritate et scien-
 tia, qua equum separans ab iniquo, licitum discer-
 nes ab illicito, et sibi, et reipub. salutare instituet
 leges, eò precipue tendetes, ut aut spe, aut metu, bo-
 ni efficiamur. Ea enim vera philosophia existimã-
 da est, qua nos docet mortales omnes res, ad corpo-
 ris sanitatem, vires et habitudinem (ad hoc si qui-
 dem creati sunt) referre: corpus autem animo im-
 mortali, et diuino, omni sensu obedire, quando qui-
 dem illi veluti instrumentum datum est: animum
 verò Deum rerum omnium parentem, infinite bo-
 num observare, timere et religiose colere. Atque huc
 arbitror esse verissimū iurisperiti sensum, qui
 cum omnem iurisprudentiam eò retulisset, eiusque
 finem, et scopum esse dixisset, ut boni quacunque
 ratione efficeremur, huius rei artem, et disciplinã
 veram philosophiam esse dixit, cuius se, et omnes
 iurisperitos affectatores esse gloriatur. Nec id
 mirum,

3 mirum, quandoquidem impossibile est, eum qui
 nesciat, qua ratione iusta, & honesta, bona sint,
 idoneū se ipsum exhibere custodem. Quo fit ut à
 Philone Academicorū post Platonē principe, me-
 rito cōmendetur Moses, quod quatuor assequutus
 eximia fuerit, factus idem Rex, legislator, propheta,
 et pōtifex. Nā regnauit, inquit ille, nō more alio-
 rū fretus copijs pedestribus, equestribus, et naualibus:
 sed Deo, cuius auctoritate regnū acceperat, subdi-
 tis volētibus, ac libētibus, qui numinis caelestis instem-
 tu, eū sibi principē optauerāt. Idē & legislator fa-
 ctus est: regis enim est vetare, jubereq;. Et quoniā
 vir obiq; incertū est, quid cōducatur, (accidit nāq; per
 ignorantiam plerunq;, ut vitanda iubeamus, us-
 benda vetemus) ideo conueniebat tertiam adhibe-
 ri prophetiam, ne quid erretur. Nam propheta in-
 terpres est Dei dictātis intus oracula: quidquid au-
 tē sit diuinitus, nō est reprehēnsibile. Postremo quat-
 tus accessit pontificatus, ut pro sua facultate pro-
 phetica, sciret eū, qui est, colere, & quādo subdānis
 res prospere cedūt, gratias illi agere: quod si vlla in-
 sideret offensio, supplex impetraret veniam. Hac
 cum ad idē genus pertineāt, debent cōtinēri, coaptā-
 riq; nō nisi ius vinculis, et in eodē requiruntur homi-

ne, ut si cui quoduis desit horū quatuor, claudican-
tis reip. princeps censendus sit. Sunt autem ferè hæc
omnia à Platone in dialago civili, vel de regno, ele-
gantex tradita, præcipue illud, reges maxime sacer-
dotiū decere. Figura vanaq; inquit, sacerdotum, et
vatiū, magnanimitate, intelligentia, et claritate abū-
dat, propter earū rerū quæ agrediūtur, tractātq;
magnificentiam. Quapropter apud Ægyptios, nō
licet regē, absq; sacerdotio imperare. Nec secus no-
ster iuris consultus, hæc quatuor hæc vnicā lege cō-
plexus est. Nā et iuris, legisq; potestate descripsit,
et se sacerdotē professus, legūlatoris officium, in præ-
miorū, panarūq; constitutione monstravit, et verā phi-
losophia affectatores iuris cōsultos esse oportere do-
cuit. Vt iā illud quod paradoxū indicatur, verissi-
mū esse, fateri necesse sit. Nisi philosophi civitati 4
bus dominētur, vel ij qui reges, potentesq; dicūtur,
legitimè suspicianturq; philosophentur, in idemq; ci-
vilis potentia, et philosophia concurrant, non fore
civitati, vel hominum generi, requiem ullam malo-
ris. Id aut vel exemplo probat Seneca ad Lucillium
dicens, illo saculo, quod aureum perhibetur, penes
sapientes fuisse regnū, Possidonius asserit. Hic cōtine-
bāt manus, et infirmiores à validioribus tuebātur,
suade-

*suadebāt, dissuadebantq; utilia atq; inutilia mon-
 strabant. Horū prudentia, ne quid deesset suis, pro-
 uidebat, p̄ficiūm erat imperare, nō regnum. Nec
 erat cuiquam aut animus in iniuriam, aut causa,
 cū bene imperanti, bene pareretur, nihilq; rex ma-
 ius minari malē parentibus posset, quā ut abiret
 è regno. Vnde illud euensse credo, quòd in. l. cū Syl-
 lanianum. C. de his quib. ut indig. Et philosophia cō-
 mendatur, Et philosophia plenus laudatur impera-
 tor, Et à Theodosio in. l. 1. C. de stud. lib. urb. Roma
 et Const. lib. 10. profundioris scientia, atque doctri-
 ne auctores philosophi appellantur. Quòd scilicet,
 nisi se vere philosophia affectatores ostendant, glo-
 rienturq; vel ipsi principes, se ipsos regno, et mage-
 state indignos fateantur: y vero ab ipsa natura cō-
 stitui principes, Et magistratus videantur, quibus
 ceteri seruiant, qui felici ingenio nati, in familiari-
 tatem sapientia sese benè intus insinuarunt.*

ideoq; principes rarò debere similia, nisi ex honesta causa concedere. Unde credo de hac re in consideranter loquutum Ias. in d. l. quominus, neq; enim Alber. Romanusq; loquuntur in ea specie de qua ipse intelligit, sed potius iustissimè, & rationabiliter aiunt, principe infringente contractum initum cum subdito, quo ambo iure gentium & naturali tenebatur, causam nisi expressam nò præsumi. Absurdum nanq; esset, posse illum nulla ratione, contracta secum firmata rescindere, contradicente. L. Caesar. ff. de publica & c. 1. de probatio. Atq; hac quidem ita se habent, nunc causas videamus, quibus existētibus, pena à iure statuta, ab aequitate, ipso etiã iure nò repugnãte, augetur, protrahitur, minuiturue, aliquãdo etiã omnino cõdonatur. Scripsit And. Tiraquei. librum de penis, in quo copiosa, & multa oratione, sexaginta quatuor causas enumerat, quibus pena legum, ac consuetudinum, statutorumq; temperanda sunt, aut etiam remittenda. Mihi commodius videtur, non singula persequi qua sunt infinita, sed fontes unde illa omnia fluxerunt, quos ille non aperuit, atque etiam itinera ipsa demonstrare: ea sunt huiusmodi. In-
 13
 iudicialis generis in quo aequi & iniqui natura,
 præmiij

Observata in libro primo.

D elphici oraculi interpretatio. nume.	1.
Homini dignitas.	2.
Iustitia præ ceteris virtutibus, circa alterius commoda versatur.	3.
Nosse oportere vnde nomen iuris descendat, quomodo accipiendū sit.	4.
In omni disputatione, aut de re, aut de nomine, controversia est.	5.
Cum ius à iustitia appelletur, quod à iustitia non deducitur, ius non est.	6.
Iustitiam priorem esse iure, et quomodo id sit intelligendum.	7.

Observata in libro secundo.

I ustitiae definitio: num.	1.
Fundamentū iustitiae esse fidē quomodo accipiendum sit.	2.
Negotia causasq; mutari in dies, iustitiam eandem semper esse.	3.
Iustitiam merito nominatam constantē, et perpetuā, quod nonnulli quales esset non perceperunt.	4.
Causarum, quae constantē operentur, et quae inconstantē.	5.
Formae Platonice quae sint.	6.
Quae iustitia dicta sit ab Vlpiano constantis et perpetuae.	7.
Explicatur. l. fin. ff. de iust. et iur.	8.
L. sed licet. ff. de offi. praes. quomodo intelligenda.	9.
Quomodo dicant iustitiā iuriconsulti.	10.
Iustitiae definitio Ciceroniana, cum V	11.

piani definitione confertur.	11.
Virtus sit ne affectus, an potentia, an habitus.	12.
Voluntas generale verbum multa cōplectitur.	13.
Voluntatis verbum rectē ab Vlpiano positum in definitione iustitiae.	14.
Constantis et perpetuae voluntas, an habitus dici possit.	15.
De qua voluntate accipiendū sit quod Vlpianus ait.	16.
Premium et pena locum non habent in brutis.	17.
Regie leges et civiles cur late in qua drupides.	18.
Iustitiā cur appellaverit Vlpianus voluntatem.	19.
Iustitia ius suum cuiq; tribuit.	20.
Qualiter intelligatur, iure naturali omnia esse humana.	21.
Iustus primum sibi, cum corpori, tum animo necē saria ministrat.	22.
Verba illa Gen. 8. sensus et cogitatio humani cordis in malū prona sunt ab adolescentia sua, quo pacto intelligenda.	23.
Vlpiani responsū in. l. 1. §. ius naturale ff. de iust. et iure. examinatur.	24.
Matrimonium an sit de iure naturali.	25.
Intellectus dicti. §. ius naturale.	26.
Corpori quae sint tribuēda, et quantum ei causa laborare hominū deceat.	27.
L. ut vim. ff. de iust. et iur. et similitum interpretatio.	28.
Pro defensione honoris, aut rei familiaris, an liceat alium occidere.	29.
Equitius an possit sese defendere.	30.

<i>Adulter, iustè ne se defendat.</i>	11
<i>Defensionis limites excedens extra or dinarè puniur.</i>	12
<i>Qui dum se defendit occidit alterum, non sit irregularis.</i>	13
<i>Defensio sit ne iuris gentium, an na- turae.</i>	14

Observata in libro tertio.

I ustitia commutativa & distri- butivam dividitur. num.	1
<i>Vtriusq; partis medium esse equalita- tem.</i>	2
<i>Duplex differentia iustitiae commutati- vae & distributivae.</i>	3
<i>Iuridictio causa quae dicatur.</i>	4
<i>Ratio. l. si in scriptum. ff. de liber. & postu.</i>	5
<i>Lex qui sola. ff. de legat. 1. quae ratio- ne nitatur.</i>	6
<i>Exempla iustitiae commutativae.</i>	7
<i>L. in cause. §. idem Pomponius, & Litem si queritur. §. quemadmodu ff. locati, quibus dicitur, in precio emptionis & venditionis, naturae licet licere contrahentibus, se cir- cūvenire, variae interpretationes.</i>	8

Observata in libro quarto.

I uris definitio. num.	1
<i>Diversa interpretum commenta ad iuris definitionem.</i>	2

<i>Quod ius à Celsò hac definitione com- prehensum sit.</i>	3
<i>Quis debeat esse legumlatorum finis in sancientiis legibus.</i>	4
<i>Bonorum, in diuina & humana per- titiò.</i>	5
<i>Ius uniuersum circa hanc bonorū par- titionem versari.</i>	6
<i>Iurisprudencia quantum humane va- letudini, & cōmuni reip. saluti pro- spiciat, propositis è iure ciuili exē- plis ostenditur.</i>	7
<i>Lex 12. tab. in vrbe ne sepelito.</i>	8
<i>Morbus à quibus rebus excuset.</i>	9
<i>Patrimonialia beneficia aliquando etiā non originarijs conferri.</i>	10
<i>Lex hispana prohibens exteros bene- ficia ecclesiastica obtinere, expli- catur.</i>	11
<i>Pulchritudinem, ornatumq; vrbis & singulorum, curae esse iurispruden- tiae.</i>	12
<i>Deformes arcebat à sacris lex vo- tus.</i>	13
<i>Lex hac. ff. si quad. paup. sec. dic. ex- plicatur.</i>	14
<i>Gymnastica & bellice exercitationis utilitas in bene constituta rep.</i>	15
<i>Loca gymnasticis exercitationibus à iurisprudencia fuisse cōstituta.</i>	16
<i>Vestigialia nec nos esse reip. & quanta fuerit veterum legumlatorum ca- ra peculij.</i>	17
<i>Cōparandis, erogandisq; pecunijs quis modus adhibendus</i>	18
<i>Humana bona ad diuina esse referen- da.</i>	19
<i>Prudentiam quomodo ius doceat : & qua in parte reip. hac virtus locata sit.</i>	20

Platonis fabella de metallis admixtis hominum generationi.	21
Temperantiae quoque, artem ius esse: & qua in parte haec virtus sit consi- tuenda, et civitas temperata dici possit.	22
Explicatur L. princeps. ff. de legibus. 23	
L. 2. ff. de constit. princ. interpreta- tio.	24
Quid singuli magistratus praestare de- beant.	25
Fortitudinis etiam praecipua ius trade- re.	26
Ad quam reip. partem fortitudo per- tinet.	27
Cur ad audaciam, cum tamen ea vir- tus non sit, tot praemijs adhortemur.	28
Iusta Resp. que sit. & quod iustitia in sefe virtutes continet omnes.	29
Aequitas in definitione iustitiae posita, quo sensu accipi debeat.	30
Aequitatis partitio, & eius membra.	31
Pietas que virtus & ad quos restran- tur.	32
Totum penè ius aequitatis partibus con- stare.	33
Ius quare dicatur ars boni & equi.	34
Geminam artem, scilicet causam & cõ causam, in omnibus que fiunt con- siderari.	35
Singularum rerum triplicem esse ar- tem, utentem, facientem & imitan- tem.	36
Quid significet. Cuius merito quis nos sacerdotes appellet.	37
Cuius boni & equi notitiam iuriconsul- ti profiteantur.	38
Licetum ab illicito discernere quid sit.	39

Virtutum cognitio iuris professoribus
necessaria. 40

Observata in libro quinto.

Iurisprudentiae praesentia. num. 2.	
Medici iurisperitis non sunt com- parandi.	2
Naturae & fortunae vocabula quomo- do accipienda.	3
Iurisprudentiae finis est, praemio aut pena cives bonos efficere.	4
Officia aut per se ipsa, aut quod alteri utilia sint considerantur.	5
Virtutis fructus & magnifica praem- ia.	6
Conciliantur Platonis & Aristotelis de summo bono sententiae.	7
Praemijs qui de rep. bene merentur constituenda esse.	8
Ratio praemij quibus circumstantijs me- tenda sit.	9
Multis causis penas legitime posse mi- nuì.	10
An sine causa princeps deroget iuri positivo.	11
Quibus causis penae legibus consti- tute minuantur, augeantur, protra- bantur, aut remittantur omnino.	12
Iurisprudentialis generis in partes absolutam & assumptivam partitio, & carum inter se differentia.	13
Assumptivae partis in Comparationem, relationem criminis, remotionem cri- minis, & concessionem subdivisio.	14
Comparatione penam temperari, coeplis et iure civili propositis ostenditur.	15

137



138



139

14